



卷之三

寶翰堂
藏書

第九冊
白蓮集五卷拾遺四卷
杼山集十卷拾遺一卷

齊己小傳

出五代史補

胡氏詩
指藏本

齊己

陶岳

潯陽陶岳介立撰

僧齊己長沙人長沙有大瀉同慶寺僧多而地廣佃戶近
千餘家齊己則佃戶胡氏之子也七歲與諸童子為寺司
牧牛然天性穎悟於風雅之道日有所得往往以竹枝畫
牛背為篇什眾僧竒之且歆壯其山門遂勸令出家時鄭
谷在袁州齊己因携所為詩往謁焉有早梅詩曰前郊深
雪裏昨夜數枝開谷咲謂曰數枝非早不若一枝則佳齊
己矍然不覺兼三衣叩地膜拜自是士林以谷為齊己一
齊己

字之師其後居於長沙道林寺時湖南幕府中能詩者有
如徐東野廖凝劉昭禹之徒莫不聲名藉甚而徐東野尤
好輕忽雖王公不避也每見齊已必悚然不敢以衆人待
之嘗謂同列曰我輩所作皆拘於一途非所謂通方之士
若齊已才高思遠無所不通殆難及矣論者以徐為知言
東野亦嘗贈之詩曰我唐有僧號齊已未出家時宰相器
爰見夢中逢武丁毀形自學無生理骨瘦神清風一襟松
老霜天鶴病深一言悟得生死海芙蓉吐出琉璃心悶見
有唐風雅缺敲破冰天飛白雪清塞清江都有靈遺魂泣

對荒郊月格何古天工未生誰知主混沌鑿開離子黃散
作純風如膽苦意何新織女星機桃白雲真宰夜來調暖
律聲聲吹出嫩青春調何雅澗底孤松秋雨洒嫦娥月裏
學步虛桂風吹落玉山語何奇血滌乾坤龍戰時祖龍
跨海日方出一鞭風雨萬山飛已公已公道如此浩浩寰
中如獨自一簞松風冷如水長伴巢由伸脚睡其為名士
推重如此及將遊蜀至江陵高從誨慕其名遮留之命為
管内僧正齊已不獲已而受自是常快快故其友虛中示
之詩云老負娥眉看月閑看雲水心蓋傷其不得志也竟卒

於江陵有詩八百首孫光憲序之號曰白蓮集行於世

曾以割玉香已平其已而受自是常以詩其文重中示

琳重吹地及抄卷得年其對高其船其其命其

中吹圖自一章其風今以木身其果由中其其其

其其日其出一其風其其山其其其其其其其

其其其其其其其其其其其其其其其其其其

其其其其其其其其其其其其其其其其其其

其其其其其其其其其其其其其其其其其其

其其其其其其其其其其其其其其其其其其

白蓮集目錄

卷一八十一首

夏日草堂作

送人歸吳

夜坐

期友人

寄錢塘羅給事

寓言

經賈島舊居

寄鏡湖方干處士

送人遊塞

新栽松

和鄭谷即中看碁

戊辰歲寄鄭谷即中

寄王振拾遺

送人遊塞

桃花

聞塞鴈

送人遊南

送益公歸舊居

不睡

新秋雨後

送劉蛻秀才赴舉

留題仰山大師塔院

鄭谷吳延保下世

送東林寺睦公往吳

除夜

送祕上人

謝進士沈彬再訪

對雪

和岷公送李評事

過荆門

山中答人

贈盧明府閑居

幽庭

送休師歸長沙

將遊嵩華行次荆渚

遠思

寄勉二三子

渚宮江亭寓目

胡蝶

送劉秀才往東洛

移竹

雉

懷軒轅先生

永夜感懷寄鄭谷

賣松者

丙寅歲寄潘歸仁

嘗茶

楊花

詠影

南歸舟中二首

送遷客

題中上人院

逢鄉友

自勉

寄詩友

居道林寺書懷

經吳平觀

劍客

白髮

秋興寺僧公

野步

殘春

酬尚顏

苦熱

送歐陽秀才赴舉

放鷺鷥

謝王秀才見示詩卷

送徐秀才之吳

獨院偶作

酬元負外見寄

寄丈秀大師

夏雨

謝興公寄山水簇子

酬微上人

送人及第東歸

寄江居耿處士

病起二首

送中觀進公歸巴陵

卷二 八十首

寄鄭谷郎中

歸鴈

觀白太傅題版

贈曹松先輩

夏日寄無上人

梅雨中寄睦公

傷鄭谷郎中

臨行題友生壁

東林迴寄修睦

古松

禪庭蘆竹呈鄭谷

送孫鳳秀才赴舉

落花

秋苔

老将

城中示友人

送友人遊湘中

夏日書懷寄張逸人

訪自牧上人相遇

題東林白蓮

寄懷微岷二律師

東林作寄金陵知己

山寺喜道者至

再遊匡山

贈浙西李推官

題終南山隱者室

經費徵君舊居

嚴陵釣臺

原上晚望

送惠空上人歸

酬章水知己

閑居

次韻酬鄭谷郎中

思遊峨嵋寄諸友

送劉秀才南遊

示諸姪

荆渚疾中寄先輩

竟陵遇晝公

聞貫休下世

金山寺

早秋雨後晚望

過西塞山

溪齋二首

新秋

寄上荆渚因夢廬岳乃圖壁賦詩

己卯歲凍歸作

送盧說亂後投知己

讀峴山碑

過鹿門作

題玉泉寺大師影堂

秋日錢塘作

送人赴舉

谷人寒夜所寄

訓洞庭陳秀才

題鶴鳴泉八韻

登金山寺

寄吳都沈負外彬

寄明月山僧

寄哭西川廣濟大師

酬西川楚巖上人

覽延栖上人卷

寄洛下王彞訓首二

酬岳陽李主簿卷

寄懷僧達禪弟

送吳守明先輩遊蜀

寄普明大師可準

還黃平素秀才卷

與張先輩話別

寄朱拾遺

荆門送興禪師

過西山施肩吾舊居

喜夏雨

鼎元負外見寄八韻

浣口曉望天柱峯

寄楚萍上人

竹裏作六韻

寄江西幕中孫魴

盆池

喜乾畫上人遠相訪

卷三

七十八首

過陳陶處士舊居

寄敬亭清越

湘江漁父

書古寺僧房

湖西逸人

瀟湘二十韻

江行早發

宜陽道中作

落日

春興

遠山

和鄭谷即中幽棲

勉謙光鴻蘊二姪

渚宮自勉二首

謝澨湖茶

寄歸州馬判官

倦客

送靈詒上人遊五臺

靜坐

謝虛中上人寄示天策閣詩

荆門寄懷章供奉

江令石

月下作

遊四絕亭觀宋杜詩版

勉詩僧

謝人墨

送人遊玉泉寺

寄鄭谷即中

春雨

明月峯

謝人惠紫栗拄杖

送人游湖湘

小松

金江寓居

晚夏金江谷反生

寄李洞秀才

過商山

蟬八韻

鷺鷥二首

送僧歸南岳

夏日林下作

村居寄懷

訓王秀才

贈無本上人

寄華山司空圖

題直州精舍

懷道林寄仁用人

尋陽道中作

東林雨後望香爐峯

寄雙泉大師師兄

送人潤州尋兄弟

貽張生

送人游雍京

春草

懷華頂道人

寄自牧上人

靜坐

送人遊衡岳

答知己寄書

新筍

寄唐洙處士

謝人惠竹蠅拂

新鷺

謝王先輩寄羶

寄還高輦先輩卷

和孫支使院中庭竹

苦熱懷爐峯舊居

送僧遊龍門香山寺

江上值春雨

七十作

謝虛中寄新詩

送彬座主赴龍安請講

夏日荆渚書懷

春日西湖作

謝中上人寄茶

送節大德歸闕

覽清尚卷

送晝公歸彭澤舊居

卷四 七十八首

登祝融峯

寄貫休

送唐稟歸洋州

寄懷江西栖公

山中喜得友生書

謝人惠扇及茶

寄監利司空學士

答陳秀才

遊橘洲

寄武陵道友

謝人會藥

還族弟卷

送周秀遊峽

荆門寄洞山節公

再經獎山與諸長老夜話

寄當陽張明府

遊三覺山

庭際晚菊上主人

送趙長史歸閩川

擬嵇康絕交寄貫微

寄許州清古

謝丁秀才見示

鷲秋

雨中寄幕中知己

夜次湘陰

寄唐稟正字

宿舒湖希上人房

戊辰歲江南感懷

送休上人歸永嘉

荅友生山居寄示

新秋霽後懷先公

池上感興

和墨域上人寄贈

吊雙泉大師真塔

送璘上人歸華容

秋夜聽業上人弹琴

謝人惠丹藥

病中寄貫微上人

荅孔秀才

秋江

船窓

永夜

中春寄二三知己

自遣

送陳霸歸閩

寄孫闢呈鄭谷

荆門送人遊南岳

謝主人石筍

經安公寺

秋夕寄諸姪

謝炭

夏日寄孫支使

寄清溪道友

謝重緣山水障子

寺居

剃髮

謝高輦先輩

送徐秀才遊吳

憶在匡廬日

寄從益上人

殘秋感愴

寄劉負外二首

貽王秀才

贈孫生

酬元負外

與楊秀才話別

寄何崇丘負外

贈劉五經

送游山道者

江上望王梁山

角

言詩

酬王秀才

春居寄友生

谷幕中何支使

浙江晚渡

送人下第歸謁舊主

寄謝高先輩見寄二首

卷五

六十五首

寄仰山光味長老

貽廬岳陳沆秀才

邊上

蟋蟀

寄西山鄭谷神

讀叅同契

聞落葉

謝王先輩昆弟見示

寄酬高輦推官

逢詩僧

話道

謝歐陽侍郎寄示

西墅新居

酬孫魴

埽地

書匡山隱者壁

送乾康禪師入山

野鴨

傷秋

懷東湖寺

寄峴山顧公三首

清夜作

贈白處士

崔秀才宿話

懷天台華頂僧

送人赴官

水鶴

湘中感興

九日逢虛中虛受

贈李明府

暮春夕雨作

渚宮莫問詩
并序
十五首

新秋病起雜題一十五首病起見王化

病起見圖畫

病起見苔錢

病起見庭竹

病起見生涯

病起見秋扇

病起見衰葉

病起見庭栢

病起見庭蓮

病起見庭菊

病起見庭石

病起見庭莎

病起見苔色

病起見秋月

病起見閑雲

夜坐聞雪寄所知

懷洞庭

欲遊龍山有作

再逢畫公

送人遊武陵湘中

酬九經者

寄贈集灘二公

夏日作

行路難

送玉泉道者回山寺

謝王拾遺見訪

題張氏池亭

送人南遊

題明公房

寄顧處士

貽徐生

謝虛中上人晚秋見寄

白蓮集卷第一

廬岳僧齊已撰

夏日草堂作

沙泉帶草堂紙帳卷空牀靜是真消息吟非俗肺腸園林坐青影梅杏嚼紅香誰住原西寺鍾聲送夕陽

寄鏡湖方干處士

賀監舊山川空來近百年聞君與琴鶴終日在漁船島露深秋石湖澄半夜天雲門幾迴去題徧好林泉

送人歸吳

比說歸耕釣迢迢向海涯春寒游子路村晚主人家
山綠過茶重尋舊鄰里菱藕正開花

避地依真境安閑似舊溪干戈百里外泉石亂峯西草瑞
香難歇松靈蓋盡低尋應報休馬瓶錫向南攜

夜坐

百虫聲裏坐夜色共冥冥遠憶諸峯頂曾栖此性靈月華
澄有象詩思在無形徹曙都忘寢虛牕日照經

新栽松

野僧教種法苒苒出蓬蒿百歲催人老千年待爾高靜宜
兼竹石幽合近猿猱他日成陰後秋風吹海濤

期友人

早晚遂茲未閑門日為開亂蛩鳴白草殘菊藉蒼苔困卧
誰驚起閑行自欲迴何時此攜手吾子本多才

和鄭谷郎中看棊

箇是仙家事何人合用心幾時終一局萬木老千岑有路
如飛出無機似陸沉樵夫可能解也此廢光陰

寄錢塘羅給事

憤憤嘔說言無人誦子虛傷心天祐末搔首懿宗初海樹
青叢短湖山翠點疎秋濤看足否羅刹石邊居

戊辰歲湘中寄鄭谷郎中

白髮久慵簪常聞病亦吟瘦應成鶴骨閑想似禪心上國
楊花亂滄洲荻筍深不堪思翠蓋西望獨沾襟

寓言

造化安能保山川鑿欲翻精華銷地底玉珠聚侯門始作
驕奢本終為禍亂根止家與亡國去此更何言

寄王振拾遺

戊辰歲

折檻意何如平安信不虛近來焚諫草深去覓山居

餘分明知在處難寄亂離書

經賈島舊居

先生居處所野燒幾為灰若有吟魂在應隨夜魄迴地寧
銷志氣天忍罪清才古木霜風晚江禽共宿來

送人遊塞

槐柳野橋邊行塵暗馬前秋風來漢地客路入胡天鴈聚
河流濁羊群磧草臙那堪隴頭宿鄉夢逐潺湲

桃花

千株含露態何處照人紅風暖仙源裏春和水國中流鶯
應見落舞蝶未知空擬欲求圖畫枝枝帶竹叢

聞鴈

何處人驚起飛來過草堂丹心勞避弋萬里念隨陽影斷
風天月聲孤荻岸霜明年趁春去江上別鴛鴦

送人遊南

南國多山水君遊興可知船中江上景晚泊早行時子美
遺魂地藏真舊墨池經過幾銷日荒草裏尋碑

送元公歸舊居

舊隱終牽夢春殘結束歸溪山無伴過風雨有花飛片石
留題字孤潭照浣衣鄰僧喜相接掃徑與開扉

不睡

永夜不欲睡虛堂閉復開却離燈影去待得月光來落葉
逢巢住飛螢值我迴天明拂經案一炷白檀灰

新秋雨後

夜雨洗河漢詩懷覺有靈離聲新蟋蟀草影老蜻蜒靜引
閑機蕩涼吹遠思醒逍遙向誰說時泥添園經

送劉蛻秀才赴舉

百發百中

羊丹枝如計分一箭的無偏文物

兵銷國闕河雪霽天都人看春榜韓字在誰前

留題仰山大師塔院

嵐光疊杳冥晚翠濕窻明欲起遊方去重來繞塔行亂雲
開鳥道羣木發秋聲曾約諸徒弟香燈盡此生

亂中聞鄭谷吳延保下世

小諫纔埋玉星郎亦逝川國由多聚盜天似不容賢兵火
焚詩草江流漲墓田長安已途炭追想更凄然

送東林寺睦公往吳國

八月江行好風帆日夜飄煙霞經北固禾黍過南朝社客
無宗炳詩家有鮑昭莫因賢相請不返舊山楸

除夜

夜久誰同坐爐寒鼎亦澄亂松飄雨雪一室掩香燈白髮
添新歲清吟減舊朋明朝待晴旭池上看春冰

送祕上人

誰喜老閑身春山起送君欲憑蓮社信轉入洞庭雲道路
長無阻干戈漸不聞秋來向何處相憶鴈成羣

寓居嶽麓謝進士沈彬再訪

去歲來尋我留題在薜痕又因風雪夜重宿古松門玉有
疑休泣詩無主且言明朝此相送披褐入桃源

對雪

松門堆復積埋石亦埋莎為瑞還難得居負莫厭多聽憐
終夜落吟惜一年過誰在江樓望漫漫墮綠波

和岷公送李評事往宜春

兵火銷鄰境龍沙有去人江潭牽輿遠風物入題新雪湛
將殘臘霞明向早春郡侯開宴處桃李照歌塵

老憶遊方日天涯錫獨搖凌晨從北固衝雪向南朝鬢髮
泉邊剝香燈樹下燒雙峯諸道友夏滿有書招

過荆門

路出荆門遠行行日欵西草枯蠻塚亂山斷漢江低野店
叢蒿短烟村簇樹齊翻思故林去在處有猿啼

山中答人

謾道詩名出何曾著苦吟忽來還有意已過即無心夏日
山長往霜天寺獨尋故人憐拙朴時復寄空林

贈盧明府閑居

鬢負霜垂七十江國久辭官滿篋新風雅何人舊歲寒閑居
當野水幽鳥宿漁竿終欲相尋去兵戈時轉難

幽庭

不放生纖草從教徧綠苔還防長者至未著牡丹栽蛺蝶
空飛過鵲鴿時下來南鄰折芳子到此寂寥迴

送休師歸長沙寧觀

吾子北歸寧風煙是舊經無窮芳草色何處故山青偶泊
鳴蟬島難眠好月汀殷勤問安外湘岸株詩靈

將遊嵩華行次荆渚

蓮峯映敷水嵩嶽壓伊河兩處思歸久前賢隱去多閑身
應絕跡在世幸無他會向紅霞嶠僧龕對薜蘿

遠思

遠思極何處南樓煙水長秋風過鴻鴈遊子在瀟湘海面
雲生白天涯墮晚光徘徊古堤上曾此贈垂楊

寄勉二三子

不見二三子悠然吳楚間盡應生白髮幾箇在青山

莫放閑君聞國風否千載詠閔閔

渚宮江亭寓目

津亭雖極望未稱本心閑白有三江水青無一點山新鴻
喧夕浦遠棹聚空灣終遂歸匡社孤帆即此還

蝴蝶

何處背繁紅迷芳到檻重分飛還獨出成隊偶相逢遠害
終防雀爭先不避蜂桃蹊牽往復蘭徑引相從翠裏丹心
冷香凝粉翅濃可尋穿樹影難覓宿花蹤日晚來仍急春
殘舞未慵西風舊池館猶得採芙蓉

送劉秀才往東洛

羨子去東周行行非旅遊煙霄有兄弟事業盡曹劉洛水

清奔夏高雲白入秋來年遂鵬化一舉上瀛洲

移竹

舊溪千萬竿風雨夜珊珊白首來江國黃金買歲寒乍移
傷粉節終逸著朱欄會得承春力新抽錦籜看

雉

角角類閑閑春晴錦羽乾文呈五色異瑞入九苞難暮宿
紅蘭暖朝飛綠野寒山梁從行者錯解仲尼嘆

懷軒轅先生

不得先生信空懷汗漫秋月華離鶴背日影上鰲頭欲學

孤雲去其如重骨留槎程在何處人世屢荒丘

永夜感懷寄鄭谷郎中

展轉復展轉所思安可論夜涼難就枕月好重開門霜殺
百草盡蛩歸四壁根生來苦章句早遇至公言

賣松者

未得凌雲價何慙所負真自知桃李世有愛歲寒人瑟瑟
初離澗青青未識塵寧同買花者貴逐片時春

丙寅歲寄潘歸仁

九土盡荒墟干戈殺害餘須臾憂去國未可守貧居康泰

終來在編聯莫破除他年遇知己無耻報襜褕

嘗茶

石屋晚煙生松窻鐵碾聲因留未客試共說寄僧名味擊
詩魔亂香搜睡思輕春風雪川上憶傍綠叢行

楊花

暖景照悠悠渡空勢漸稠乍如飛雪遠未似落花休萬帶
都門外千株渭水頭紛紜知近夏銷歇恐成秋軟著朝簪
去狂隨別騎遊旆衝離館驛鶯撲繞宮樓江國晴愁對池
塘晚見浮虛窻素筆雅深院藉苔幽靜墮王孫酒繁粘客

子裘詠吟何潔白根本屬風流向日還輕舉因風更自由
不堪思汴岸千里到楊州

詠影

萬物患有象不能逃大明始隨殘魄滅又逐晚光生曲直
寧相隱洪纖必自呈還如至公世洞鑒是非情

南歸舟中二首

南歸乘客棹道路免崎嶇江上經時節船中聽鷓鴣春容
含衆岫雨氣泛平蕪落日停舟望王維未有圖
長江春氣寒客况棹聲閒夜泊諸村雨程迴數郡山桑根

垂斷岸浪沫聚空灣已去鄰園近隨緣是暫還

送遷客

天涯即愛州謫去莫多愁若似承恩好何如佞主休瘴昏
銅柱黑草赤火山秋應想堯陰下當時獬豸頭

題中上人院

高房占境幽講退即冥搜欠鶴同支遁多詩似惠休瓶澄
孤井浪茶白小窻秋莫道歸山字朝賢日獻酬

逢鄉友

無况來江島逢君話滯留生緣同一國相識共他州竹影

斜青蘚茶香在白甌猶憐心道合多事亦冥搜

自勉

試算平生事中年欠五年知非未落後讀易尚加前分受
詩魔役寧容俗態牽閒吟見秋水數隻釣魚船

寄詩友

天地有萬物盡應輸苦心他人雖欲解此道奈何深返朴
遺時態閉門度歲陰相思去秋夕共對冷燈吟

居道林寺書懷

花落水喧喧端居信晝昏誰來看山寺自要掃松門是事

皆能諱唯詩未懶言傳聞好時世亦欲背啼猿

經吳平觀

中元齋醮後殘燼滿空壇老鶴心何待尊師髮已乾幡燈
古殿夜霜霰大椿寒誰見長生路人間事萬端

劍客

拔劍逸殘樽歌終便出門西風滿天雪何處報人恩勇死
尋常事輕離不足論翻嫌易水上細碎動離魂

白髮

莫染亦莫鑷任從伊滿頭白雖無耐藥黑也不禁秋靜枕

聽蟬卧閑垂看水流浮生未達此多為爾為愁

秋興寄胤公

風聲吹竹健涼氣著身輕誰有閑心去江邊看水行村遙
紅樹遠野濶白煙平試裂芭蕉片題詩問笠卿

野步

城裏無閑處却尋城外行田園經雨水鄉國憶桑耕傍澗
蕨薇老隔村岡壠橫何窮此心興時復鷓鴣聲

殘春

三月看無也芳時此可嗟園林歎向夕風雨更吹花影亂

衝人蝶聲繁逸暫蛙那堪傍楊柳飛絮滿鄰家

酬尚顏

取盡風騷妙名高身倍閑久離王者闕歎向祖師山幕府
秋招去溪鄰日望還伊余豈誚敵來往踏苔班

苦熱

雲勢嶮於峯金流斷竹風萬方應望雨片景歎焚空毒害
芙蓉死煩蒸瀑布紅恩多是團扇出入畫屏中

送歐陽秀才赴舉

莫疑空手去無援取高科直是文章好爭如德行多煙霄

心一寸霜雪路千坡稱意東歸後交親那喜何

放鷺鷥

潔白雖堪愛腥膻不那何到頭後所歆還汝舊滄波

謝王秀才見示詩卷

誰見少年心低推向苦吟搜須離影響得必洞精深道院
春苔徑僧樓夏竹林天如愛才子何慮未知音

送徐秀才之吳

吳都霸道昌才子去觀光望闕雲天近朝宗水踞長海雲
收片雨建業泊殘陽欲問淮王信仙都即帝鄉

獨院偶作

風篁清一院坐卧潤肌膚此境終拋去鄰房肯信無身非
王者役門是祖師徒畢竟伊雲鳥從來我友于

酬元負外見寄

僻巷誰相訪風籬翠蔓牽易中通性命貧裏過流年且有
吟情梳都無俗事前時聞得新意多是此忘緣

寄文秀大師

皎然靈一時還有屈於詩世豈無英主天何惜大師道終
歸正始心莫問多岐覽卷堪驚立真風喜未衰

夏雨

霍靄對敞穹蒼冥濛自一方當時消酷毒處世有清涼著物
聲雖暴滋農潤即長乍紅紫急電微白露殘陽應禱尤難
得經旬甚不妨吟聽喧竹樹立見漲池塘衆類聲休出羣
峯色盡藏顏施未洞鑿汗漫入瀟湘下叶黎甞望高祛旱
暎光幽齋飄卧簟極浦洒歸檣蘚在階從濕花衰苑任傷
閑思濟時力詩詠發衷腸

謝興公上人寄山水簇子

半幅古澗顏看來心意閑何須尋鳥道即此出人閒巖暮

疑啼狖松深認掩關知君遠相惠免我憶歸山

酬微上人

古律皆深妙新吟復造微搜難窮月窟琢苦盡天機晚檜
清蟬咽寒江白鳥飛他年舊山去為子遠攜歸

同光歲送人及第東歸

西笑道何光新朝舊桂堂春官如白傅內試似文皇變化
龍三十升騰鳳一行還家幾多興滿袖月中香

寄江居耿處士

野癖雖相似生涯即不同紅霞禪石上明月釣船中醉倒

蘆花白吟綠蓼岸紅相思何以寄吾道本空空

病起二首

一卧四十日起來秋氣深已甘長逝魄還見舊交心撐拄
筇猶重枝梧力未任終將此形陋歸死故丘林
秋風已傷骨更帶竹聲吹抱疾閉門久扶羸傍砌時無生
即不可有死必相隨除却歸真覺何由擬免之

送中觀進公歸巴陵

一論破雙空持行大國中不知從此去何處挫邪宗晝雨
懸帆黑殘陽泊島紅應游到滄岸相憶遶茶叢

白蓮集卷第二

廬岳僧齊已撰

寄鄭谷郎中

清名喧省閣雅頌出吾唐疊嶠供秋望無雲到夕陽自封
脩藥院別掃著僧牀幾夢中朝事依依鷓鴣行

歸鴈

塞門春已暖連影起蘋風雲夢千行去湘川一夜空江人
休舉網虜將又虛弓莫失南來伴衡陽樹即紅

登大林寺觀白太傅題版

九疊蒼崖裏禪家鑿翠開清時誰夢到白傳獨尋耒怪石
和僧定閑雲共鶴迴任茲休去者心是不然灰

贈曹松先輩

今歲赴春闈達如夫子稀山中把卷去榜下注官歸楚月
吟前落江禽酒外飛閑遊向諸寺却看白麻衣

夏日江寺寄無上人

講終齋磬罷何處稱真心古寺高杉下炎天獨院深鷺和
江鳥語牆奪暮花陰大府多才子閑過在竹林

夏日梅雨中寄睦公

梅月未林寺冥冥各閉門已應雙履跡全沒亂雲根琢句
心無味看經眼亦昏何時見清霽招我憑巖軒

傷鄭谷郎中

鍾陵千首作筆絕亦身終知落干戈裏誰家煨燼中吟齋
春長蕨釣渚夜鳴鴻惆悵秋江月曾招我看同

臨行題友生壁

山衲宜何處經行避暑深峯西多古寺日午亂松陰鶴默
堪分靜蟬涼解助吟慙慙題壁去秋早此相尋

別東林後迴寄脩睦

昨夜從香社辭君出薜蘿
晚來巾幘上已覺俗塵多
遠路縈芳草遙空共白波
南朝在天末此去重經過

古松

霜電不敢伐鱗
勢萬端蠹依枯節
死蛇入朽根盤影浸
禪僧濕聲吹鶴夢
寒尋常風雨夜應有鬼神看

禪庭蘆竹十二韻呈鄭谷郎中

錯錯在禪庭高宜與竹名
健添秋雨響乾助夜風清
雀靜知枯折僧閑見笋生
對吟殊洒落負氣甚孤貞
密謝編欄固齊由灌溉
平松姿真可敵柳態薄難并
映帶兼苔石參

差近盡楹雪霜消後色
虫鳥默時聲遠憶滄洲
岸寒連暮角城幽根
狂亂迸勁葉動相撐
避暑須臨坐逃眠必
逸行未逢仙手詠俗
眼見猶輕

送孫鳳秀才赴舉

九重方側席四海仰
文明好把孤吟去
便隨公道行梁園
浮雪氣汴水漲春聲
此日登仙衆君應
最後生

落花

朝開暮亦衰雨打復
風吹古屋無人處
殘陽滿地時靜依
青蘚片閑綴綠莎
枝繁艷根株在
明年向北期

秋苔

獨憐蒼翠文長與寂寥存鶴靜窺秋片僧閑踏冷痕月明
踈竹徑雨歇敗莎根別有深宮裏蕪花鎖斷魂

老将

逐虜與平戎曾居第一功明時不用武白首向秋風馬病
霜飛草弓閑鴈過空兒孫已成立膽氣亦英雄

城中示友人

久與寒灰合人中亦覺閑重城不鎖夢每夜自歸山雨破
冥鴻出桐枯井月還唯君道心在來往寂寥間

送友人游湘中

懷才難自住此去亦如僧何處西風夜孤吟旅舍燈路泐
湘樹壘山入楚雲層若有東來札歸鴻亦可憑

夏日栖霞寺書懷寄張逸人

人中林下現名自有閑忙建業紅塵熟栖霞白石涼倚身
檉几穩洒面瀑流香不似高齋裏花蓮竹影長

訪自牧上人不遇

然諾竟如何諸侯見重多高房度江雨經月長寒莎道本
同騷雅書曾到薜蘿相尋未相見危閣望滄波

題東林白蓮

大士生兜率空池滿白蓮秋風明月下齋日影堂前色後
羣芳圻香殊百和燃誰知白染性一片好心田

寄懷江西徵岷二律師

亂後紅邊寺堪懷二律師幾番新弟子一樣舊威儀院影
連春竹窻聲接雨池共綠山水癖久別共題詩

東林竹寄金陵知己

十八賢真在時未拂蘚看已知前事遠更結後人難泉滴
勝清磬松香掩白檀憑君聽朝貴誰欲厭簪冠

山寺喜道者至

閏年春過後山寺始花開還有無心者閑尋此境來鳥幽
聲忽斷茶好味重迴知住南巖久冥心坐綠苔

再遊匡山

紫霄兼二老相對倚空寒久別成衰病重來更上難徑危
雲母滑崖旱瀑流乾目斷嵐煙際神仙有石壇

贈浙西李推官

他皆恃勲貴君獨愛詩玄終日秋光裏無人竹影邊東樓
生倚月北固積吟煙聞說鴛鴦行裏多才復少年

題終南山隱者室

終南山北面直下是長安自掃青苔室閑欹白石看風吹
窓樹老日曠竇雲乾時向圭峯宿僧房瀑布寒

經費徵君舊居

高眠當聖代雲鳥未為孤天子徵不起閑人親得無猿猱
狂欲墜水石怪難圖竄竄荒齋外松杉相倚枯

嚴陵釣臺

夫子垂江竿處空江照古臺無人更如此白浪自成堆鶴靜
尋僧去魚狂入海迴登臨秋值晚樹石畫多苔

原上晚望

倚杖聊攄望寒原遠近分夜來何處火燒出古人墳野勢
盤空澤江流合暮雲殘陽催百鳥各自著栖羣

送惠空上人歸

塵中名利熱鳥外水雲閑吾子多高趣秋風獨自還空囊
隨客棹幾宿泊湖山應有吟僧在鄰居樹影間

酬章水知己

新吟忽有寄千里到荆門落日雲初碧殘年眼正昏已為
難敵手誰更入深論後信多相寄吾生重此言

閑居

漸覺春光媚塵銷作土膏微寒放楊柳織草入風騷睡少
全無病身輕乍去袍前溪泛紅片何處落金桃

次韻酬鄭谷郎中

林下高眠起相招得句時閑門流水入靜話鷺鷥知每許
題成晚多嫌雪阻期西齋坐來久風竹撼疎籬

思遊峨眉寄林下諸友

剛有峨眉念秋來錫欵飛會拋湘寺去便逐蜀帆歸難世
堪言善閑人合見機殷勤別諸友莫厭楚江薇

送劉秀才南遊

南去謁諸侯名山亦得遊便應尋瀑布乘興上岫嶮高鳥
隨雲起寒星向地流相思應北望天晚石橋頭

示諸姪

莫問年將朽加飡已不多形容渾瘦削行止強牽拖死也
何憂惱生而有詠歌侯門終謝去却掃松蘿

荆渚疾中因思匡廬遂成三百字寄

梁先輩

生老病死者早聞天竺書相隨幾汨沒不了堪欵歎自理

自可造他人誰與祛應當入寂滅乃得長銷除前月已骨
立今朝還貌舒披衣試步履倚策聊躊躇江月青眸冷秋
風白髮踈新題憶刻碣舊約懷庄廬張野人絕跡樂天曾
卜居空龕掩薜荔瀑布歎蟾蜍古檜鳴玄鶴涼泉躍錦魚
狂吟樹蔭映縱踏花薦菸脣舌既已開心脾亦散攄松窻
有偃息石徑無趨趨夢冷通仙闕神融合太虛千峯杳靄
際萬壑明清初長往期非晚半間有餘依劉未是詠訪戴
寧忘諸稽古堪求已觀時好笑渠埋頭逐小利沒脚拖長
裾道種將閑養情田把藥鉏幽香發蘭蕙穢莽推丘墟敢

謂囊盈物那言廣滿儲微煙動晨爨細雨滋園蔬癯亂珍
禽羽門稀長者居車冥機坐兀兀著履行徐徐每許親朱
履多怜奉隼旗簪嫌紅玳瑁社念金芙蓉海內競鐵馬篋
中藏紙驢常言謝時去此意將何如

竟陵遇晝公

高跡何來此遊方漸老身欲投蓮岳夏初過竟陵春錫影
離雲遠衣痕拂蘚新無言即相別此處不迷津

聞貫休下世

吾師詩匠者真箇碧雲流爭得梁太子更為文

新塚樹嫠女舊山秋欲去焚香禮啼猿峽阻脩

金山寺

山帶金名遠樓臺壓翠層魚龍光照象風浪影搖燈檻外
揚州樹船通建業僧塵埃何所到青石坐如水

早秋雨後晚望

暑氣時將薄虫聲夜轉稠江湖經一雨日月換新秋有景
堪援筆何人未上樓欲承涼冷興西向碧嵩遊

過西塞山

空江平野流風島葦颯颯殘日銜西塞孤帆向北洲邊鴻

渡漢口楚樹出吳頭終入高雲裏身依片石休

溪齋二首

豈敢言招隱歸休喜自安一溪雲卧穩四海路行難瑞獸
藏頭角幽禽惜羽翰子猷何處在老盡碧琅玕

杉竹映溪閑脩脩共歲寒幽人眠日晏花雨落春殘道妙
言何強詩玄論甚難閑居有親賦搔首憶潘安

新雨

始驚三伏盡又遇立秋時露彩朝還冷雲峯晚更奇龍香
禾半熟原過草微衰幸好清光裏安仁謾起悲

寄上荆渚因夢廬岳乃圖壁賦詩

夢繞峩峩裏神竦骨亦寒覺未誰共說壁上自圖看古翠
松藏寺春紅杏濕壇歸心幾時遂日向漸衰殘

已卯歲值凍阻歸有作

河水連地凍朔氣壓春寒閉戶思歸遠出門移步難湖雲
粘鴈重廟樹刮風乾坐看孤燈焰微微向曉殘

送盧說亂後投知己

兵寇殘江墅生涯盡蕩除事堪煎桂玉時莫倚詩書暮
啼空半春山列雨餘舟中有新作迴寄示慵竦

讀峴山碑

三載羊公政千羊峴首碑何人更憶淚此道亦殊時兵火
燒文缺江雲觴癘滋那堪望黎庶巾地是瘡痍

過鹿門作

鹿門埋孟子峴首載羊公萬古千秋裏青山明月中政從
襄沔絕詩過洞庭空塵路誰迴眼松聲兩處風

題玉泉寺大師影堂

大化終華頂靈蹤示玉泉由來負高高合向好山川洞壑
藏諸怪杉松列瘦煙千秋空樹影猶似覆長禪

秋日錢塘作

秋光明水國游子倚長亭海浸全吳白山澄百越青英雄
貴黎庶封土絕精靈句踐魂如在應慙戰血腥

送人赴舉

分有爭忘得時來須出山白雲終許在清世莫空還驛樹
秋聲健行衣雨點班明年從月裏滿握度春關

訓洞庭陳秀才

何必要識面見詩驚苦心此門從自古難學至如今青草
湖雲濶黃陵廟木深精搜當好景得即動知音

題鶴鳴泉八韻

嘹唳遺蹤去澄明物掩難噴開山面碧飛落寺門寒汲引
隨瓶滿分流逐處安虫垂葉過渴伏擁條看上有危峯
疊旁宜怪石盤冷吞雙樹影耳潤百毛端異早聞鑄玉靈
終別建壇瀟湘在何處終日自波瀾

登金山寺

四面白波聲中流翠嶠橫望來堪目斷上徹始心平鳥向
天涯去雲連水國生重來與誰約題罷自吟行

寄吳都沈負外彬

歸休與若何朱紱盡還他自有園林澗誰爭山水多村煙
晴莽蒼僧磬晚差我野醉題招隱相思可寄麼

寄明月山僧

山稱明月好月出遍山明要上諸峯去無妨半夜行白猿
真雪色幽鳥古琴聲吾子居未久應忘我在城

寄哭西川壇長廣濟大師

千萬僧中寶三朝帝寵身還源未化火舉國葬全真文集
編金在碑銘刻玉新有誰於異代彈指禮遺塵

酬西川楚巖上人卷

玉壘峨岷岷江錦水清古人搜不盡吾子得何精可信
由前習堪聞正後生東西五千里多謝寄無成

覽延栖上人卷

今體雕鏤妙古風研考精忘人忘律韻為子辨詩聲賈島
苦兼此孟郊清獨行荆門見編集媿我老無成

寄洛下王彞訓先輩二首

賈島存正始王維留格言千篇千古在一詠一驚魂離別
無他寄相思共此門陽春堪永恨郢詔踞轉塵昏

北極新英主高科舊少年風流傳貴達談笑取榮遷洛水

秋空底嵩峯晚翠巔尋常誰並馬橋上戲成篇

酬岳陽李主簿卷

把卷思高興瀟湘濶浸門無雲生翠浪有月動清魂倚檻
應窮底凝情合到源為君吟所寄難甚至忘筌

寄懷江西僧達禪翁

長憶舊山日與君同聚沙未能精貝葉便學詠楊花苦甚
傷心骨清還切齒牙何妨繼餘習前世是詩家

送吳守明先輩遊蜀

憑君遊蜀去細為話幽竒喪亂嘉陵驛塵埃賈島詩未應

過錦府且合上峨眉既逐高科後東西任所之

寄普明大師

可準

蓮嶽三徵者論詩舊與君相留曾幾歲酬唱有新文翠竇
容閑憩嵐峯許共分當年若同訪合得伴吟雲

還黃平素秀才卷

求已甚忘筌得之經渾然僻能離詭差清不尚妖妍冷澹
聞姚監精竒見浪仙如君好風格自可繼前賢

與張先輩話別

為者各自話離心及第還全蜀遊方歸二林巴江

漲楚野入吳深他日傳消息東西不易尋

寄朱拾遺

一聞歸闕下幾番熟金桃滄海期仍晚清資踞漸高研冰
濡諫筆賦雪擁朝袍豈念空林下冥心坐石勞

荆門送興禪師

洒落南宗子遊方跡似雲青山尋處處赤葉落紛紛虎共
松巖宿猿和石溜聞何峯一迴首憶我在人羣

過西山施肩吾舊居

大志終難起西峯卧翠堆牀前倒秋壑枕上過雲雷鶴見

丹成去僧聞粟熟來荒齋松竹老鷲鶴自徘徊

喜夏雨

四郊雲影合千里雨聲來盡洗紅埃去併將清氣迴潺湲
浮楚甸簫散露荆臺欲賦隨車瑞濡毫謁謏來

酬元負外見寄八韻

舊隱夢牽仍歸心只似丞遠青憐島峭輕白愛雲騰艷冶
叢翻蝶腥膻地聚蠅雨聲連洒竹詩興繼填膺

訪戴情彌切依劉力不勝衆人忘苦苦獨自愧兢兢處世
無他望流年有病增時慙大雅客遺韻許相承

浣口泊舟晚望天柱峯

根盤潛岳半頂逼日輪邊冷碧無雲點危稜有瀑懸秀輕
毛女下名與鼎湖偏誰見扶持力峩峩出後天

寄楚萍上人

北面香爐秀南邊瀑布寒自來還獨去夏滿又秋殘日影
杉松亂雲容洞壑寬何峯是隣側片石許相安

竹裏作六韻

來深處坐剝覺有吟思忽似瀟湘岸欵生風雨時冷煙濛
古屋乾籜墮秋墀徑熟因頻入身閑得遍欵踏多鞭節損

題亂粉痕隳猶見前山疊微茫隔短籬

寄江西幕中孫勳負外

簪履為官興芙蓉結社緣應思陶令醉時訪遠公禪茶影
中殘月松聲裏落泉北門曾共說知未遂終焉

盆池

盆池陷花邊孤明似玉泉涵虛心不淺待月底長圓平穩
承天澤依微泛曙煙何須照菱鏡即此鑒媼妍

喜乾畫上人遠相訪

彼此垂七十相逢意若何聖明珠未至離亂更應多澹泊

門難到從容日易過餘生消息外只合聽詩魔

荅人寒夜所寄

通宵亦孤坐但念舊峯雲白日還如此清閑本共君二毛
凋一半百歲去三分早晚尋流水同歸麋鹿群

白蓮集卷第三

廬岳僧齊己撰

過陳陶處士舊居

一室貯琴樽詩皆大雅言夜過秋竹寺醉打老僧門遠燒
來籬下寒蔬簇石根閑庭除鶴跡半是杖頭痕

寄敬亭清越

敬亭山色古廟與寺松連住北脩行過春風四十年鼎嘗
天柱茗詩唾剡溪棧冥目應思著終南北闕前

湘江漁父

湘潭春水滿岸遠草青青有客釣煙月無人論醉醒門前
蛟蜃氣叢上蕙蘭馨曾受蒙莊子逍遙一卷經

書古寺僧房

綠樹深深處長明焰焰燈春時遊寺客花落閉門僧萬法
心中寡孤泉石上澄勞生莫相問喧默不相應

湖西逸人

老隱洞庭西渙樵共一溪琴前孤鶴影石上遠僧題橘袖
園林熟蒹葭徑路迷君能許隣並分藥斲春畦

瀟湘二十韻

二水遠難論從離向坎弄冷穿千嶂脉清過幾州門闕出
都凝白傍來盡帶渾經游聞舜禹表裏見乾坤浦靜魚閑
釣灣涼鴈自屯月來分夜底雲度見秋痕暮氣藏鄰寺寒
濤聒近村離騷傳永恨鼓瑟奏遺魂霧擁魚龍窟槎歌島
嶼根秋風帆上下落日樹沉昏柳少砂洲缺苔多古岸存
禽巢依橘柚懶逕入蘭蓀色自江南絕名聞海內尊吳頭
雄莫遏漢口壯堪吞寥泺晴方映馮夷信忽翻渡遙峯翠
疊汀小荻花繁勢接湖煙漲聲和瘴雨歎急搖吟客舫狂
濺野人樽疏鑿誰窮本澄鮮自有源對茲傷九曲含濁出

崑崙

江行早發

舟子相呼起長江未五更幾程星月在猶載夢魂行鳥亂
村林迥人喧水柵橫蒼茫平野外漸認遠峯名

宜陽道中作

宜陽南面路下獄又經過楓葉紅遮店芒花白滿坡猿無
山漸薄鴈象水還多日落猶前去諸村牧豎歌

落日

晚照背高臺殘鍾殘角催能銷幾度落已是半生來吹葉

陰風簇漫空暝色迴因思古人事更變盡塵埃

春興

柳暖鶯多語花明草盡長風流在詩句牽率逸池塘叫切
禽名字飛忙蝶姓莊時未真可惜自勉掇蘭芳

遠山

天際雲根破寒山列翠迴幽人當立久白鳥背飛來瀑濺
何州地僧尋幾嶠苔終須拂巾履獨去謝塵埃

和鄭谷郎中幽棲之什

誰知閑退跡門逕入寒汀靜倚雲僧杖孤看野燒星墨沾

吟石黑苔染釣船青相對唯溪寺初宵聞念經

勉道林謙光鴻蘊二姪

舊林諸姪在還住本師房共掃焚脩地同聞水石香莫將
閑世界擬敵好時光須看南山下無名塚滿岡

渚宮自勉二首

晨午殊豐足伊何挽肺腸形容侵老病山水憶韜藏必謝
金臺去還攜鐵錫將東林露壇畔舊對白蓮房
畢竟擬何求隨緣去住休天涯遊勝境海上宿仙洲夢好
尋無跡詩成旋不留從他笑輕事獨自憶莊周

謝澗湖茶

澗湖唯上貢何以惠尋常還是詩心苦堪消蠟面香碾聲
通一室熏色帶殘陽若有新春者西來信勿忘

寄歸州馬判官

郡帶女顏名民康境亦寧晏梳秋鬢白閑坐暮山青贈客
枌初熟尋僧酒乍腥應懷舊居處歌管隔牆聽

倦客

閉眼即開門人間事倦聞如何迎好客不似看閑雲少歇
資三要多言讓十分踈慵本吾性任笑早離羣

送靈詈上人遊五臺

此去清涼頂期瞻大聖容便應過洛水即未上嵩峯殘照
催行影幽林惜駐蹤想登金閣望東北極兵鋒

靜坐

坐卧與行住入禪還出吟也應長日月消得箇身心嘿論
相如少黃梅付囑深門前古松徑時起步清陰

謝虛中上人寄示題天策閣詩

天策二首作境幽搜亦玄閣橫三楚上題挂九霄邊寺額因
標勝詩人合遇賢他時誰倚檻吟此豈忘筌

荆門寄懷章供奉兼呈幕中知己

紫衣居貴上青衲老關中事物門相似朝天踞不同神凝
無惡夢詩澹老真風聞道知音在官高信莫通

江令石

思量江令意愛石甚悠悠貪向深宮去死同忘國休兩株
荒草裏千古暮江頭若似黃金貴隋軍也不留

月下作

良夜如清晝幽人在小庭滿空垂列宿那箇是文星世界
歸誰是心竟向自寧何當見堯舜重為造生靈

遊道林寺四絕亭觀宋杜詩版

宋杜詩題在風騷到此真獨來終日看一為掃秋塵古石
生寒仞春松脫老鱗高僧眼根靜應見客吟神

勉詩僧

莫把毛生刺低徊謁李膺須防知佛者解笑愛名僧道性
宜如水詩情合似冰還同蓮社客聯唱逸香燈

謝人墨

珍重歲寒煙樵來路幾千只應真典誥消得苦磨研正色
浮端硯精光動蜀牋因君強濡染捨此即忘筌

送人遊玉泉寺

西峯大雪開萬疊向空堆客貴猶尋去僧高肯不來潭澄
猿覲月竇冷鹿眠苔公子將才子聯題興未迴

寄鄭谷郎中

詩心何以傳所證自同禪覓句如探虎逢知似得仙神清
太古在字好雅風全曾沐星郎許終慙是斐然

春雨

欲布如膏勢先聞動地雷雲龍相得起風雷一時來霖霖
農桑野冥濛楊柳臺何人待晴暖庭有牡丹開

明月峯

明月峯頭石曾聞學月明別舒長夜彩高照一村耕頗亂
無私理徒驚鄙俗情傳云遭鑿後頑白在崢嶸

謝人惠紫栗拄杖

仙掌峯前得何當此見遺百年衰朽骨六尺歲寒姿雪外
兼松凭泉邊待月歌他時出山去猶謝見相隨

送人遊湘湖

君遊南國去旅夢若為寧一路隨鴻鴈千峯遠洞庭林明
楓盡落野黑燒初經有興尋僧否湘西寺最靈

小松

發地纔過膝蟠根已有靈嚴霜百草白深院一株青後夜
蕭騷動空階蟋蟀聽誰於千歲外吟逸老龍形

金江寓居

考盤應未永聊此養閑踈野趣今何似詩題舊不如春篁
離籜盡波藕拆花初終要秋雲是從風恣卷舒

晚夏金江寓居答友生

日日衝殘熱相尋入亂蒿閑中滋味遠詩裏是非高碧篔簹
新生竹紅蕖半熟桃時難未可出且欲涪豪曹

寄李洞秀才

到處聽時論知君屈最深
秋風幾西笑抱玉但傷心
野水翻紅藕滄江老白禽
相思未相識聞在蜀中吟

過商山

疊疊巖嵐寒紅塵翠裏盤
前程有名利此路莫艱難
雲木侵天老輪蹄到月殘
何能尋四皓過盡見長安

蟬八韻

咽咽復啾啾多來自早秋
園林涼正好風雨惡相收
在處聲無別何人淚欲流
冷憐天露滴傷共野禽遊
靜息深依

竹驚移瞥過樓分明晴渡口
淒切暮闌頭時節推應定飛
鳴即未休年年聞爾苦遠憶
所居幽

鷺鷥二首

日日滄江去時時得意歸
自能終潔白何慮悞翻飛
晚立銀塘闊秋棲玉露微
殘陽葦花畔雙下釣魚磯

雪裏曾迷我籠中舊養君
忽從紅蓼岸飛出白鷗羣
影照翹灘浪翎濡宿島雲
鴛鴻解相憶天上列紛紛

送僧歸南岳

濁世住終難孤峯念永安
逆風眉磔磔衝雪錫珊珊
石室

閑霞嫩松枝拂蘚乾巖猿應認得連臂下勾欄

夏日林下作

煩暑莫相煎森森在眼前暫來還盡日獨坐只聞蟬草媚
終難死花飛卒未薦秋風捨此去滿篋貯新篇

村居寄懷

風雨如堯代何心欲退藏諸侯行教化下國自耕桑道挫
時機盡禪留話路長前溪久不過忽覺早禾香

訓王秀才

相於分倍親靜論到吟真王澤曾無外風騷甚少人鴻隨

秋過盡雪向臘飛頻何處多幽勝期君作近隣

贈無本上人

往年吟月社因亂散揚州未免無端事何妨出世流洞庭
禪過臘岳坐經秋終說將衣鉢天台老去休

寄華山司空圖

天下艱難際全家入華山幾勞丹詔問空見使臣還瀑布
寒吹夢蓮峯翠濕閑兵戈阻相訪身老瘴雲間

題直州精舍

波心精舍好那岸是繁華礙目無高樹當門即遠沙晨齋

來海客夜磬到漁家石鼎秋濤靜禪迴有岳茶

懷道林寺因寄仁用二上人

名山知不遠長憶寺門松昨晚登樓見前年過夏峯雨餘
雲脚樹風外日西鍾莫更來東岸紅塵沒馬蹤

尋陽道中作

秋聲連岳樹草色遍汀洲多事時為客無人處上樓雲疎
片雨歇野濶九江流欲向南朝去詩僧有惠休

東林雨後望香爐峯

翠濕僧窓裏寒堆鳥道邊靜思尋去路危遶落來泉暮雨

開青壁朝陽照紫煙二林多長老誰憶上頭禪

寄雙泉大師師兄

清泉流眼底白道倚巖稜後夜禪初入前溪樹折冰南涼
來的的北魏去騰騰敢把吾師意密傳門外僧

送人潤州尋兄弟

君話南徐去迢迢過建康弟兄新得信鴻鴈久離行木落
空林浪秋殘漸雪霜閑遊登北固東望海蒼蒼

貽張生

日日見入寺未曾含酒容閑聽老僧語坐到夕陽鍾竹裏

行多影花邊偶過蹤猶言謝生計隨我去孤峯

送人游雍京

君來乞詩別聊與愴前程九野未無事少年何遠行商雲
盤翠險秦甸下煙平應見周南化如今在雍京

春草

處處碧萋萋平原帶日西堪隨游子路遠入鷓鴣啼金谷
園應沒夫差國已迷欲尋蘭蕙徑荒穢滿汀畦

懷華頂道人

華頂星邊出真宜上士家無人觸牀榻滿屋貯煙霞坐卧

臨天井晴明見海涯禪餘石橋去屐齒印松花

寄自牧上人

五老迴無計三峯去不成何言謝雲鳥此地識公卿夢媿
將僧說心嫌觸類生南朝古山寺曾憶共尋行

靜坐

日日只騰騰心機何以興詩魔苦不利禪寂頗相應硯滿
塵埃點衣多坐卧稜如斯自消息合是箇閑僧

送人遊衡岳

荆楚臘將殘江湖莽蒼間孤舟載高興千里向名山雪浪

來無定風帆去是閑石橋僧問我應寄岳茶還

答知己自闕下寄書

故人勞札翰千里寄荆臺知戀文明在未尋江漢來羣機
喧白晝陸海漲黃埃得路應相笑無成守死灰

新筍

亂迸苔錢破參差出小欄層層離錦籜節節露琅玕直上
心終勁四垂煙漸寬欲知含古律試剪鳳簫看

寄唐洙處士

行僧去湘水歸鴈度荆門彼此亡家國東西役夢魂多慵

如長傲久住不生根曾問興亡事丁寧寄勿言

謝人惠竹蠅拂

妙刮筠篁製纖柔玉柄同拂蠅聲滿室指月影搖空敢捨
經行外常將宴坐中揮談一無取千萬媿生公

新燕

燕燕知何事年年應候來却緣華屋在長得好時催花外
啣泥去空中接食迴不同黃雀意迷逐網羅媒

謝王先輩寄毡

深謝高科客名氈寄惠重靜思生朔漠和雪長蒙茸帽坐

資禪悅鋪眠減病容他年從破碎憺去卧孤峯

寄懷闕下高輦先輩卷

去歲逢京使因還所寄詩難留天上作曾換月中枝趣極
僧迷盲功深鬼不知仍聞得名後特地更忘疲

和孫支使惠示院中之什

憶就江僧乞和煙得一莖剪黃憎舊本科綠惜新生護噪
蟬身穩資吟客眼明星郎有佳詠雅合此君聲

苦熱中江上懷爐峯舊居

舊寄爐峯下杉松遶石房年年五六月江上憶清涼久別

應荒癡終歸隔渺茫何當便搖落披袖玩秋光

送僧遊龍門香山寺

君到香山寺探幽莫損神且尋風雅主細看樂天真

江上值春雨

江臯正月雨平陸亦波瀾半是峨眉雪重為澤國寒農田
淹寢盡客棹往來難愁殺騷人路滄浪正渺漫

七十作

七十去百歲都來三十春縱饒生得到終免死無因密理
方通理栖真始見真沃洲丘阜客幾劫不迷人

謝虛中寄新詩

舊友一千里新詩五十篇此文經大匠不見已多年趣極
同無迹精深合自然相思把行坐南望隔塵煙

送彬座主赴龍安請講

兩論久研精龍安受請行春城雨雪霽古寺殿堂明白髮
老僧聽金毛師子聲同流有誰共別著國風清

夏日荆渚書懷

嵩岳去值亂匡廬迴阻兵中途息瓶錫十載依公卿不那
猿鳥性但懷林泉聲何時遂情興吟逸杉松行

春日西湖作

一水遶孤島閑門掩春草曾無長者轍枉此問衰老

謝中上人寄茶

春山穀雨前併手摘芳煙綠嫩難盈籠清和易晚天且招
隣院客試煮落花泉地遠勞相寄無未又隔年

送節大德歸闕

西京曾入內東洛又朝天聖上方虛席僧中正乏賢晨光
金殿裏紫氣玉簾前知祝唐堯化新恩異往年

覽清尚卷

李洞僻相似得詩先示師鬼神迷去處風月背吟時格已
搜清竭名還着紫卑從容味高作翻為古人疑

荆門送晝公歸彭澤舊居

彭澤舊居在匡廬翠疊前因思從楚寺便附入吳船岸遶
春殘樹江浮曉霽天應過虎溪社佇立想諸賢

白蓮集卷第四

登祝融峯

廬岳僧齊已撰

猿鳥不共到我来身歆浮四邊空碧落絕頂正清秋宇宙
知何極華夷見細流壇西獨立久白日轉神州

寄貫休

子美曾吟處吾師復去吟是何多勝地銷得二公心錦水
流春闊峨眉疊雪深特逢蜀僧說或道近遊黔

送唐稟正字歸萍川

霜鬚芸閣吏久掩白雲扉未謁元戎後還騎病歸馬烟村

蔬飲淡江驛雪泥肥知到中林日春風長澗薇

寄懷江西栖公

龍沙為別日廬阜得書年不見來香社相思遠白蓮江僧
歸海寺楚路接吳煙老病何堪說扶羸寄此篇

山中喜得友生書

柴門閑樹石未省夢塵埃落日啼猿裏同人
有信來自成
為拙隱難以謝多才見說相思處前峯對古臺

謝人惠扇子及茶

鎗旗封蜀茗圓潔製較綃好客分烹煮青蠅避動搖陸生

誇妙法班女恨涼颿多謝崔居士相思寄寂寥

寄監利司空學士

詩家為政別清苦日聞新亂後無荒地歸來盡遠人寬容
民賦稅憔悴吏精神何必河陽縣空傳桃李春

荅陳秀才

萬事皆可了有詩門最深古人難得志吾子苦留心野疊
涼雲朶苔重怪木陰他年立名字笑我老雙林

遊橘洲

春日上芳洲經春蘭杜幽此時尋橘岸昨日在城樓路鷺立

青楓杪沙沉白浪頭漁家好生計簷底繫扁舟

寄武陵道友

阮肇迷仙處揮門接紫霞不知尋鶴路幾里入桃花晚樹
陰搖蘚春潭影弄砂何當見招我乞與片生涯

謝人惠藥

五金元造化九鍊更精新敢謂長生客將遺必死人久餐
應換骨一服已通神終逐淮王去永拋浮世塵

還族弟卷

豈要私相許君詩自入神風騷何句出瀑布一聯新苦若

長如此名須遠逐身閑齋舒復卷留滯忽經旬

送周秀遊峽

又向夔城去知難動旅魂自非亡國客何慮斷腸猿灑灑
分高仞瞿塘露淺痕明年期此約平穩到荆門

荆門夏日寄洞山節公

湖光搖翠岑靈洞壘雲深五月經行處千秋檜栢陰山形
臨北渚僧格繼東林莫惜相招信余心是此心

再經獎山與諸長老夜話

遠迹都如鴈南行又北迴老僧猶記得往歲已曾來話遍

名山境燒殘黑櫟灰無因伴師往歸思在天台

寄當陽張明府

玉泉神運寺寒磬徹琴堂有境靈如此為官興亦長吏愁
清白甚民樂賦輸忘聞說巴山縣今來尚憶張

游三覺山

白石路重重縈紆勢忽窮孤峯擎像閣萬木蔽星空世論
隨時變禪懷歷劫同良宵正冥目海日上牕紅

庭際晚菊上主人

九月將欲盡幽叢始綻芳都緣含正氣不是背重陽採去

蜂聲遠尋來蝶路長王孫歸未晚猶得泛金觴

送趙長史歸閩川

荆門與閩越關戍隔三千風雪揚帆去臺隍指海邊客情
消旅火王化似堯年莫失春迴約江城穀雨前

擬嵇康絕交寄湘中貫微

何處同嵇懶吾徒道異諸本無文字學何有往來書獄寺
逍遙夢侯門勉強居相知在玄契莫訝八行踈

寄許州清古

北來儒士說許下有吟僧白日身長倚清秋塔上層言雖

依景得理要入無徵敢望多相示孱微老不勝

謝

五首新裁翦搜羅盡指歸誰曾師古律君自負天機聖后
求賢久明公得雋稀乘秋好攜去直望九霄飛

驚秋

褰簾聽秋信晚傍竹聲歸多故堪傷骨孤峯好拂衣梧桐
凋綠盡菡萏墮紅稀却恐吾形影嫌心與口違

夏日雨中寄幕中知己

北風吹夏雨和竹亞南軒豆枕歌涼冷蓮峯入夢魂牕多

斜迸濕庭徧暴流痕清興知無限晴來示一言

夜次湘陰

風濤出洞庭帆影入澄清何處驚鴻起孤舟趁月行時難
多戰地野濶絕春耕骨肉知存否林園近郡城

寄唐稟正字

踈野還如舊何曾稱在城水邊無伴立天際有山橫落日
雲霞赤高窓筆硯明鮑昭多所得時憶寄湯生

宿舒湖希上人房

入寺先未此經窻半是湖秋風新菡萏暮雨老菰蒲任聽

浮生速能消默坐無語來燈焰短嘆嘆發高梧

戊辰歲江南感懷

忽忽動中私人間何所之老過離亂世生在太平時
桃李春無主杉松寺有旗曾吟子山賦何帝舊凌遲

送休上人歸永嘉舊居

東越常懸思山門在永嘉秋光浮楚水帆影背長沙
城黑天台雨村明海嶠霞時尋謝公跡春草有瑤花

荅友生山居寄示

嘉遁有新吟因僧寄竹林靜思來鳥外閑味遠松陰
兵寇

憑凌甚溪山幾許深休為反招隱攜取一相尋

新秋霽後晚眺懷先公

雨霽湘楚晚水涼天亦澄山中應解夏渡口有行僧
鳥列滄洲隊雲排碧落層孤峯磬聲絕一點石龕燈

池上感興

所向似無端風前冷凭欄旁人應悶見片水自閑看
碧底紅鱗鬣澄邊白羽翰南山衆木葉飄着竹聲乾

和曇域上人寄贈之什

百病煎衰朽栖遲戰國中思量青壁寺行坐赤松風
道寄

虛無合書傳往復空可憐
禪月子香火國門東

弔雙泉大師真塔

塔聳層峯後碑鐫巨石新
不知將一旬分付與何人
靜坐雲生衲空山月照真
後徒遊禮者猶認指迷津

暮冬送璘上人歸華容

故園雖不遠那免愴行思
莽倉平湖踏霏微過雪時
全無山阻隔或有客相隨
得見交親後春風動柳絲

秋夜聽業上人彈琴

萬物都寂寂堪聞彈正聲
人心盡如此天下自和平
湘水

瀉和碧古風吹太清
往年廬岳奏今夕更分明

謝人惠丹藥

別後聞餐餌相逢訝道情
肌膚紅色透髭髮黑光生
仙洞誰傳與松房日鍊成
常蒙遠分惠亦覓骨毛輕

荆門病中寄懷貫徹上人

我衰君亦老相憶更何言
除泥安禪力難醫必死根
梅寒爭雪彩日冷讓冰痕
早晚東歸去同尋入石門

匡山遠大師嘗與諸

賢遊石門洞玩錦繡谷

答孔秀才

早向文章裏能降少壯心不愁人不愛閑處自閑吟水國
雲雷潤僧園竹樹深無嫌我衰颯時此一相尋

秋江

兩岸山青映中流一棹聲遠無風浪動正向夕陽橫島嶼
蟬分宿沙洲客獨行浩然心自合何必濯吾纓

睡窻

孤舸凭幽窻清波逼面涼舉頭還有礙低眼即無妨瞥過
沙禽翠斜分夕照光何時到山寺上閣看江鄉

永夜

永日還欹枕良宵亦曲肱神閑無萬慮壁冷有殘燈香影
浮龕象瓶聲着井冰尋思到何處海上斷崖僧

中春愴懷寄二三知己

眼暗心還白逢春強凭欄因聞積雨夜却憶舊山寒竹撼
煙叢滑花燒露朵乾故人相會處應話此衰殘

自遣

了然知是夢既覺更何求死入孤峯去灰飛一燼休雲無
空碧在天靜月華流免有諸徒弟時來弔石頭

送陳霸歸閩

涼風動行興含笑語臨途已得身名了全忘客道孤鄉程
過百越帆影遶重湖家在飛鴻外音書可寄無

寄孫闢呈鄭谷郎中

衡岳去都忘清吟戀省郎淹留才半月訓唱頗盈箱雪長
松檉格茶添語話香因論樂安子年少老篇章

荆門送人自峨嵋游南岳

峨嵋來已遠衡岳去猶賒南浦懸帆影西風亂荻花天涯
遙夢澤山衆近長沙有興多新作攜將大府誇

謝主人石筍

西園罷宴遊東閣念林丘特減花邊峭來添竹裏幽憶過
陽朔見曾記太湖求從此頻吟遶歸山意亦休

經安公寺

大聖威靈地安公宴坐蹤未知長寂默不見久從容塔影
高羣木江聲壓暮鍾此遊幽勝後來夢亦應重

秋夕寄諸姪

每到秋殘夜燈前憶故鄉園林紅橘柚窗戶碧瀟湘離別
身垂老艱難路去長弟兄應健在兵火裏耕桑

謝炭

正擁寒灰次何當惠寂寥且留連夜向未敢滿爐燒必恐
吞難盡唯愁撥易消豪家袒為獸紅迸錦茵焦

夏滿日偶作寄孫支使

其年閏五月

一百二十日煎熬幾不勝憶歸滄海寺冷倚翠崖稜舊扇
猶操執新秋更鬱蒸何當見涼月擁衲訪詩朋

寄清溪道友

山門搖落空霜霰滿杉松明月行禪處青苔逸石重泉聲
喧萬壑鍾韻遍千峯終去焚香老同師大士蹤

謝重緣舊山水障子

敢望重緣飾微芒洞壑春坐看終未是歸卧始應真已覺
心中朽猶憐四面新不因公子鑒零落幾成塵

寺居

鄰井雙梧上一蟬鳴隔牆依稀舊林日撩亂逸山堂難嘿
吟風口終清飲露腸老僧加護物應任噪殘陽

剃髮

金刀閃冷光一剃一清涼未免隨朝夕依前長雪霜夏林
欺石膩春澗沐泉香向老凋疎盡寒天不出房

謝高輦先輩寄新唱和集

敢謂神 hands 多懷老比丘編聯來鹿野酬唱在龍樓洛浦
精靈懾印山鬼魅愁二南風雅道從此化東周

送徐秀才游吳國

西江東注急孤棹若流星風浪相隨白雲山瞥過青他時
誰共說此路我曾經好向吳朝看衣冠盡漢庭

憶在匡廬日

憶在匡廬日秋風八月時松聲虎溪寺塔影鴈門師步碧
歲蕤徑吟香菡萏池何當舊泉石歸去洗心脾

寄三覺山從益上人

山下人來說多時不下山是應終未是閑得且須閑海面
雲歸竇猿邊月上關尋思亂峯頂空送衲僧還

殘秋感愴

日日加衰病心心趣寂寥殘陽起閑望萬木聳寒條楚寺
新為客吳江舊看潮此懷何以寄風雨暮蕭蕭

寄南徐劉員外二首

竟陵兵革際歸復舊園林早歲為官苦常聞說此心海邊
山夜上城上寺秋尋應訝高峯約蹉跎直到今

晝公評衆製姚監選諸文風雅誰收我編聯獨有君餘生

終此道萬事盡浮雲爭得重攜手探幽楚水濱

貽王秀才

功到難搜處知難始是詩自能探虎子何慮屈男兒此道
真清氣前賢早白髭須教至公手不惜付丹枝

贈孫生

詩家詩自別君是繼詩人道出千途外功爭一字新寂寥
中影跡霜雪裏精神待折東堂桂歸未更苦辛

酬元員外

清洛碧松根寒流白照門園林經難別桃李幾株存衰老

江南日淒涼海上村閑來曉朱紱淚滴舊朝思

與楊秀才話別

瘦信來何極仲宣悲苦多因思學文賦不勝弄干戈自古
有如此於今終若何到頭重策蹇歸去舊煙蘿

寄何崇丘員外

門底桃源水涵空復映山高吟煙雨霽殘日郡樓間變俗
真無事分題是不閑尋思章岸見全未有年顏

贈劉五經

往年長白山發憤忍肌寒掃葉霜雪濕讀書唇齒乾羣經

通講解八十尚輕安今日江南寺相逢話世難

送游山道者

我亦遊山者常經舊所經雪消天外碧春晚海中青可見
亂離世况臨衰病形憐君北行興獨入白雲屏

舟中江上望玉梁山懷李尊師

殘照玉梁巔峩峩遠棹前古來傳勝異人去學神仙白鹿
老碧竪黃猿啼紫煙誰心共無事局上度流年

角

聞說征人說嗚嗚何處邊孤城沙塞地殘月雪霜天會轉

胡風急吹長磧鴈連應傷漢車騎名未勒燕然

言詩

畢竟將何狀根元在正思達人皆一貫迷者自多岐觸類
風騷遠懷賢肺腑衰河橋送別者二子好相知

酬王秀才

離亂幾時休儒生危遠遊亡家非漢代何處覓荆求旅夢
寒燈屋鄉懷晝雨樓相逢話相殺誰復念風流

春居寄友生

沙迳荒蕪甚君應共此情江村雷雨疾竹屋夢魂驚社過

多來鶯花繁漸老鶯相思意何切新作未曾評

寄荅武陵幕中何支使二首

十萬雄軍幕三千上客才何當談笑外遠慰寂寥未騷雅
鏘金擲風流醉玉顏爭知江雪寺老病向寒灰
南州無百戰北地有長征閑殺何從事傷哉蘇子卿江樓
聯雪句野寺看春耕門外滄浪水風波雜雨聲

浙江晚渡

去年曾到此久立滯前程歧路時難處風濤晚未平汀蟬
含老韻岸荻簇枯聲莫泥閑河險多遊自遠行

送人下第東歸再謁舊主人

一戰偶不捷東歸計未空還攜故書劔去謁舊英雄楚雪
連吳樹西江正北風男兒藝若是會合值明公

寄謝高先輩見寄二首

穿鑿堪傷骨風騷久痛心永言無絕唱忽此惠希音楊柳
江湖晚芙蓉島嶼深何因會仙手臨水一披襟
詩在混茫水難搜到極玄有時還積思度歲未終篇片月
雙松際高樓閣水邊前賢多此得風味若為傳

白蓮集卷第五

廬岳僧齊己撰

寄仰山光味長者

大仰禪栖處杉松到頂陰
下來雖有路歸去要無心
鳥道峯形直龍湫石影深
經行誰得見半夜老猿吟

貽廬岳陳沆秀才

為儒老雙鬢勤苦竟何如
四海方磨劍空山自讀書
石圍泉眼碧秋落洞門虛
莫慮搜賢僻徵君舊此居

邊上

漢地從休馬胡家自牧羊都來銷帝道渾不用兵防草上
孤城白沙翻大漠黃秋風起邊鴈一一向瀟湘

蟋蟀

聲異蟋蟀聲聽須是正聽無風來竹院有月在莎庭惟不
妨調瑟多堪伴誦經誰人向秋夕為爾歌忘形

寄西山鄭谷神

西望鄭先生焚修在杳冥幾番松骨朽未換鬢根青石闕
涼調瑟秋壇夜拜星俗人應撫掌閑處誦黃庭

讀叅同契

堪笑脩仙侶燒金覓大還不知消息火只在寂寥閑髮白
爐中術魂飛海上山悲哉五千字無用在人間

聞落葉

楚樹雪晴後蕭蕭落晚風因思故國夜臨水幾株空煮茗
燒乾脆行苔踏爛紅來年未離此還見碧叢叢

謝王先輩昆弟湘中廻各見示新詩

瀟湘多勝異宗社久徘徊兄弟同游去幽竒盡來來只應
求妙唱何以示寒灰上國攜歸後唯呈不世才

寄訓高輦推官

道自閑機長詩從靜境生不知春艷盡但覺雅風清竹臆
題幽碧蕉乾裂脆聲何當九霄客重疊記無名

逢詩僧

禪玄無可並詩妙有何評五七字中苦百千年後清難求
方至理不朽始為名珍重重相見忘機話此情

話道

大道多大笑寂寥何以論霜楓翻落葉水鳥啄閑門服藥
還傷性求珠亦損魂無端鑿混沌一死不還源

謝歐陽侍郎寄示新集

宮錦三十段金梭新織來殷勤謝君子迢遞寄寒灰鶯鷺
對鼓舞神仙雙徘徊誰當巧裁製披去升瑤臺

西墅新居

漸漸見苔青踈踈遍地生閑穿藤屐起亂踏石階行野鳥
啼幽樹名僧笑此情殘陽竹陰裏老圃打門聲

訓孫勳

幽人還愛雲才子已從軍可信鴛鴻侶更思麋鹿群新題
雖有寄舊論竟難聞知己今如此編聯悉欲焚

埽地

日日埽復洒不容纖物侵敢望來客口道似主人心蟻過
光中少苔依潤處門前亦如此一徑入疎林

書匡山隱者壁

紅霞青壁底石室薜蘿垂應有迷仙者曾逢採藥時桃花
饒兩頰松葉淺長髭直是來城市何人識得伊

送乾康禪師入山過夏

由來喧滑境難駐寂寥蹤逼夏搖孤錫離城入亂峯雲門
慮近寺石路或穿松知在栖禪外題詩寄地宗

野鴨

野鴨殊家鴨離群忽遠飛長生緣甚瘦近死為傷肥江海
游空濶池塘咏細微細蘭白蘋渚春暖刷毛衣

傷秋

旦暮餘生在肌膚十分無眠寒半榻朽立月一林枯夢已
隨雙樹詩猶却萬夫名山未歸得可死惜江湖

懷東湖寺

鐵柱東湖岸寺高人亦閑往年曾每日來北看西山竹徑
青苔合茶軒白鳥還而今在天末欲去已衰顏

寄峴山願公三首

形影更誰親應懷漆道人片言酬鑿齒半偈伏姚秦榛莽
池經燒蒿萊寺過春心期重西去一共弔遺塵
相思恨相遠至理那時何道笑忘言甚詩嫌背俗多青苔
閑閣閉白日斷人過獨上西樓望荆門千 坡
彼此無消息所思江漢遙轉聞多患難甚說遠相招老至
何悲歎生知便寂寥終期踏松影攜手虎溪橋

清夜作

不惜白日短乍容清夜長坐聞風露滴吟覺骨毛涼興寢
無諸病空閑有一床天明振衣起苔砌落花香

贈白處士

華野居何定浮生知是誰衣衫同野叟指趣似禪師白髮
應無也丹砂久服之仍聞創行計春暖向峨眉

崔秀才宿話

事轉聞多事心休話苦心相留明月寺共憶白雲岑
殘主韻霜軒倒竹陰開門又言別誰竟慰塵心

懷天台華頂僧

華頂危臨海丹霞裏石橋曾從國清寺上看月明潮好鳥
親香火狂泉噴沈寥欲歸師智者頭白路迢迢

送人赴官

年少作初官還如行路難
兵荒經邑里風俗久凋殘
照硯花光淡漂書柳絮乾
聊應充侍膳薄俸繼朝餐

水鶴

鴛鴦與鷓鴣相狎豈慙君
比雪還勝雪同群亦出群
靜巢孤島月寒夢九臯雲
歸路分明箇飛鳴即可聞

湘中感興

漁翁那會我傲兀葦邊行
亂世難逸跡乘流擬濯纓
江花紅細碎沙鳥白分明
向夕題詩處春風班竹聲

九日逢虛中虛受

楚后萍臺下相逢九日時
干戈人事地荒廢菊花離我已
多衰病君猶盡黑鬕
皇天安罪得解語便吟詩

贈李明府

名家宰名邑時謂屈鋒鎡
直是難蘇俗能消不下堂
冰痕生硯水柳影透琴床
何必稱潇洒獨為詩酒狂

暮春久雨作

積雨向春陰冥冥獨院深
已無花落地空有竹藏禽
簷溜聲何暴隣僧影亦沉
誰知力耕者桑麥最關心

渚宮莫問詩一十五首 并序

予以辛巳歲蒙主人命居龍安寺察其踈鄙免以趨奉爰
降手敕曰蓋知心不在常禮也予不覺欣然而作顧謂形
影曰爾本青山一衲白石孤禪今王侯構室安之給俸食
之使之樂然萬事都外游息自得則雲泉猿鳥不必為狎
其放縱若是夫何繫乎自是龍門墻仞歷稔不復瞻覬况
他家哉因創莫問之題凡一十五篇皆以莫問為首焉
莫問踈人事王侯已任伊不妨隨野性還似在山時靜八
無聲樂狂拋正律詩自為仍自愛敢望至公知

莫問休持鉢從貧乞已踈侯門叨月俸齋食剝年儲簪履
三千外形骸六十餘舊峯何練若松徑接匡廬

莫問依劉跡金臺又度秋威儀非上客譚笑愧諸侯禮許
無拘檢詩推異輩流東林未歸得搖落楚江頭

莫問無機性其名百鈍人一床鋪冷落長日卧精神分已
踈知舊詩還得意新多才碧雲客時或此相親

莫問關門意從來寡往還道應歸淡泊身合在空閑四面
苔園綠孤牕雨洒班夢尋何處去秋色水邊山

莫問

夏

松邊坐秋光水畔行更無時忌諱容易得題成

莫問多山興晴樓獨凭時六年滄海寺一別白蓮池句早
逢名匠禪曾見祖師冥搜與真性清淨裏尋思

莫問伊嵇懶流年已付他話通時事少詩着野題多夢外
春苑李心中舊薜蘿浮生此不悟剃髮竟如何

莫問休行脚南方已徧尋了應湏自了心不是他心赤水
珠何覓寒山偈莫吟誰同論此理杜口少知音

莫問孱愚格天應只與閑合居長樹下那稱衆人間跡絕
為真隱機忘是大還終當學支遁買取箇青山

莫問無求意浮雲喻可知滿盈如不戒倚伏更何疑樂矣
賢顏子窮乎聖仲尼已過知命歲休把運行推

莫問閑行趣春風野水涯千門無謝女兩岸有楊花好鶴
曾為客真龍或作蛇踟躕自迴首日脚背樓斜

莫問真消息中心只自知清風含笑詠明月混希夷壞衲
涼天擁玄文靜夜披善哉温伯子言外認揚眉

莫問衰殘質流光速可悲寸心修未了長壽欲何為坐卧
身多倦徑行骨漸疲分明說此苦珍重竺乾師

莫問野騰騰芳形已不能慙慙無上士珍重有名僧坐覺

心心默行思步步冰終歸石房裏一點夜深燈

荊州新秋病起雜題一十五首

病起見王化融融古帝鄉
曉煙凝氣紫晚色作雲黃
四野歌豐稔千門唱樂康
老身仍未死猶詠好風光

病起見圖書

病起見圖書雲門興似饒
衲衣梭笠重嵩岳華山遙
命在齋猶赴刀閑髮盡凋
秋光漸輕健欲去倚江橋

病起見苔錢

病起見苔錢規模遍地圓
兒童掃不破子母自相連
潤屋

何曾有緣牆謾可憐虛教作銅臭
空使外人傳

病起見庭竹

病起見庭竹君應悲我情何妨甚
消瘦却稱苦脩行每謝侵牀影
時迴傍枕聲秋來漸平復吟逸骨毛輕

病起見生涯

病起見生涯資緣覺甚奢
方袍嫌垢弊律服變光華
頗愧同諸俗何嘗異出家
三衣如兩翼珍重你寒鴉

病起見生秋扇

病起見秋扇風前倍感傷
念子當咽絕得爾致清涼
沙路

如搖影汀蓮似綻香不同嫌好詠託意怨君王

病起見衰葉

病起見衰葉飄然似我身偶乘風有韻初落地無塵縱得紅露露爭如綠帶春因傷此懷抱聊寄一篇新

病起見庭栢

病起見庭栢青青我不任力扶乾瘦骨勉對歲寒心韻謝踈篁合根容片石侵衰殘想長壽時倚就閑吟

病起見庭蓮

病起見庭蓮風荷已颯然開時聞馥郁枕上正纏綿本在

滄江闊移來碧沼圓却思香社裏葉葉漏聲連

病起見庭菊

病起見庭菊幾勞栽種工可能經卧疾相倚自成叢翠萼低含露金英盡亞風那知予愛爾不在酒盃中

病起見庭石

病起見庭石豈知經夏眠不能資藥價空自作苔錢翠憶藍光底青思瀑影邊品僧應笑我細碎種階前

病起見庭莎

病起見庭莎綠階傍竹多遶行猶未得靜聽復如何蟋蟀

幽中響蟪蛄深處歌不緣田地窄剩種任婆娑

病起見苔色

病起見苔色凝然陣未枯淺深圍柱礎詰曲遶廊廡翠碧
文相間青黃勢自鋪為錢虛玷染畢竟不如無

病起見秋月

病起見秋月正當三五時清光應鑒我幽思更同誰惜坐
身猶倦牽吟氣尚羸明年七十六約此健相期

病起見閑雲

病起見閑雲空中聚又分滯留堪笑我舒卷不如君觸石

終無跡從風或有聞仙山足鸞鳳歸去自同群

夜坐聞雪寄所知

初宵飛霰急竹樹洒乾輕不是知音者難教愛此聲漸凌
孤燭白偏激苦心清堪想同文友忘眠坐到明

懷洞庭

憶過巴陵歲無人問去留中宵滿湖月獨自在僧樓漁父
真閑唱靈均是謾愁今來欲長往誰借未蘭舟

欲遊龍山鹿苑有作

龍山門不遠鹿苑跡非遙合逐閑身去何須待客招羊華

殘兩鬢筋骨倦長宵聞說峯前寺新修白石橋

再逢畫公

竟陵西別後徧地起刀兵彼此無緣着雲山有處行久吟
難敵句終忍不求名年髮俱如雪相看眼且明

送人遊武陵湘中

為子歌行樂西南入武陵風煙無戰士賓榻有吟僧山遶
軍城疊江臨寺閣層遍尋幽勝了湘水泛清澄

酬九經者

九經三史學窮妙又窮微長白山初出青雲路欲飛江僧

酬雪句沙鶴識麻衣家在黃河北南來偶未歸

寄贈集灘二公

間有灘名境因君住更名軒窻中夜色風月遶灘聲客好
過無馱禽幽畫不成終期一尋去聊且寄吟情

夏日作

鷺雀語相和風池滿菱荷可驚成事晚殊喜得閑多竹衆
涼欺水苔繁綠勝莎無慙孤聖代賦詠有詩哥

行路難

下浸與高盤不為行路難是非真險惡翻覆作峯巒漆媿

同時黑朱慙巧處丹令人畏相識欲盡白雲者

送玉泉道者迴山寺

却意西峯頂經行絕愛憎別來心心念念歸去雪層層石塢
尋春筍苔龕續夜燈應悲塵土裏追逐利名僧

謝王拾遺見訪兼寄篇什

竹裏安禪處生涯一印灰經年乞食過昨日諫臣求愧把
黃梅偈曾酬白雪才因令識馬跡重疊在蒼苔

題張氏池亭

樹石叢叢別詩家趣向幽有時閑客散始覺細泉流蝶到

琴碁畔花過島嶼頭月明紅藕上應見白龜遊

送人南遊

且聽吟僧遠君此去蒙州瘴國頻聞說邊鴻亦不遊蠻花
藏孔雀野石亂犀牛到彼誰相慰知音有郡侯

題明公房

寺北閒湘浪窻南見嶽雲自然高日用何要出人群瓦滴
殘松雨爐香匝印文近年精易道疑者曉紛紛

寄顧處士

半年離別夢來往即湖邊兩幅關山雪尋常在眼前項容

歲古翠張藻卷寒煙藍淀圖花鳥特人不惜錢

貽徐生

可能東海子清苦在貧居掃地無閑客堆窻有古書少年
猶若此向老合何如去歲頻相訪今來見亦踈

謝虛中上人晚秋見寄

楚外同文在荆門得信時幾重相別意一首晚秋詩日暮
山沉雨蓮殘水滿池登樓試南望為子動歸思

世傳齊已有撲滿詩檢集中不載為錄之

末

撲滿工器可置錢有入竅而無出竅滿則撲而
碎之乃出錢也

祇我滿我腹爭知滿害身到頭須撲破却散與他人

白蓮集卷第五卷 終

黃太史跋齊已詩云齊已胡氏子本益陽人高氏據有荆
州延已居龍興寺給月俸遂為渚宮莫問十五篇以自見
蓋已初捨俗入瀉山叅禪猛利持律清苦晚歲牽情於詩
遂作荊州僧止以老故有未謝侯門去之句耳十二郎見
過言是高家郎君此絕句高勝翰墨亦可愛

此詩今亦不見集中

萬曆丁酉重陽前二日夢覺子偶書

白蓮集拾遺

寄東林言之禪子

廬岳僧齊已撰

閑思相送後幽院閉苔錢使我吟還廢聞君病未痊聽秋
唯困坐怕客但佯眠可惜東窓月無寥過一年

寄懷西蟾師弟

萬里八九月一身西北風自從相示後長記在吟中見說
南遊遠堪懷我性同江邊忽得信迴到岳門東

新秋病中枕上聞蟬

枕上稍醒醒忽聞蟬一聲此時知不死昨日即前生更欲

此詩今亦不見集中

臨窓聽猶難策杖行尋應同蛻殼重飲露華清

寄雲蓋山先禪師

曾尋湘水東古翠積秋濃長老禪栖處半天雲蓋峯閑床
饒得石雜樹少於松近有誰堪語瀏陽妙指蹤

落葉

落多秋亦晚牕外見諸鄰世上誰驚盡林間獨掃頻蕭騷
微月夜重疊早霜晨昨日繁陰在鶯聲樹：春

次耒陽作

遶岳復沿湘衡陽又耒陽不堪思北客從此入南荒旦夕

多猿狖淹留少雪霜因經杜公墓惆悵學文章

吊杜工部墳

鵬翅蹋於斯明君知不知城中詩價大荒外土墳卑瘴雨
無時滴蛩風有穴吹唯應李太白魂魄往來疲

嶽中寄殷處士

出岳與入岳前題繼後題遍尋僧壁上多在雁峯西近說
遊江寺將誰話石梯相思立高巘山下草萋萋

送幽禪師

霜繁野葉飛長老卷行衣浮世不知處白雲相待歸磬和

天籟響禪動岳神威莫便言長往勞生待蒺藜

燒

獵獵寒蕪引乘風勢不還放未應有主焚去到何山
焰入空濛裏烟飛莽蒼間石中有良玉惆悵但傷顏

寄陽岐西峯僧

西峯殘照東瀑布洒冥鴻閑憶高窓外秋晴萬里空
藤陰歲石磴衣毳落杉風日有誰來覓層層鳥道中

贈詢公上人

威儀可貴重一室貯冰清終日松杉徑自多
虫蟻行像前

孤立影鍾外數珠聲知悟脩來事今為第幾生

秋興

所見皆時情閑行亦獨行晚涼思水石危閣望崢嶸
雨外殘雲片風中亂葉聲舊山吟友在相憶夢應清

古寺老松

百歲禪師說先師指此松小年行道遠早見偃枝重
月檻移孤影秋亭草一峯終當因夜電拏攫便雲龍

題無余處士書齋

閑地從苔蘚誰人愛此心琴棋懷客遠風雪閉門深
枕外

江灘響牕西樹石陰他年衡岳寺為我一相尋

歲暮江寺住

山衣枯槁客何處見年終風雪軍城外蕪葭古寺中孤村
誰認磬極浦夜鳴鴻坐憶匡廬隱泉聲滴半空

新鶯

棲託近佳人應憐巧語新風光華屋暖絃管牡丹晨遠采
江泥膩雙飛麥雨勻差池自有便敢觸杏梁塵

喻吟

日用是何專吟疲即坐禪此生還可喜餘事不相便頭白

無邪裏魂清有象先江花與芳草莫染我情田

過湘江唐宏書齋

四隣無俗跡終日大開門水晚來邊雁林秋下楚猿一家
隨難在雙眼向書昏况近騷人廟吟應見飛魂

讀賈島集

遺篇三百首首是遺寃知到千年外更逢何者論離秦
空得罪入蜀但聽猿還似長沙祖唯餘賦鵬言

寄山中諸友

自歸城裏寺長憶宿山門終夜冥心客諸峯叫月猿嵐光

生眼力泉滴爽吟魂只待遊方遍還來掃樹根

懷終南僧

擾擾二京塵何門是了因萬重千疊嶂一去不來人鳥道
春殘雪蘿龕書定身寥寥石窓外天籟動衣巾

岳陽道中作

客思尋常動未知今斷魂路岐經亂後風雪少人村大澤
鳴寒鴈千峯啼畫猿爭教此時白不上鬢鬚根

聞尚顏下世

岳僧傳的信聞在麓山亡郡有為詩客誰來吊影堂夢休

尋灞渚跡已絕瀟湘遠憶同吟石新秋檜栢涼

薔薇

根本似玫瑰繁英刺外開香高蕞有架紅落地多苔去住
閑人看晴明遠蝶來牡丹先幾日銷歇向塵埃

遇元上人

七澤過名山相逢黃葉殘杉松開寺晚泉月話心寒袒遍
諸方禮經曾幾處者應懷出家院紫閣近長安

早梅

萬木凍欲折孤根暖獨迴前村深雪裏昨夜一枝開風遞

幽香去禽窺素艷來明年猶應律先發映春臺

聽泉

落石幾萬仞遠聲飄冷空高秋初雨後半夜亂山中只有
壁照月更無吹葉風幾曾廬岳聽到曉與僧同

匡山寓居栖公

外物盡已外閑遊亦自由好山逢過夏無事住經秋樹影
殘陽寺茶香古石樓何時定休講歸漱虎溪流

湘西道林寺陶太尉井

太尉遺孤井寒澄七百年未聞陵谷變終與姓名傳影浸

無風樹光含月天林僧曉來此滿汲洒金田

閉門

外事休閑念灰心獨閉門無人來問我白日又黃昏燈集
飛蛾影窻銷迸雪痕中心自明了一句祖師言

寄栖白上人

萬國爭名地吾師獨此閑題詩招上相看雪下南山內殿
承恩久中條進表還常因秋貢客少得掩禪關

自題

禪外求詩妙年未髮已秋未會將一字容易謁諸侯桂夢

山皆遠題詩石盡幽敢言梁太子傍采碧雲流

寄舊居隣友

別後知何趣搜竒少客同幾曾山影下萬樹雪聲中晚鼎
烹茶綠晨厨爨粟紅何時携卷出世代有名公

送朱秀才歸閩

荆門來幾日欲往又囊空遠客歸南越單衣背北風近香
微有雪到海漸無鴻努力成詩業無諸謁至公

春雪初晴喜友生至

數日不見日飄飄勢忽開雖無忙事出還有故人来已盡

南簷滴仍殘北牖堆明朝望平遠相約在春臺

懷巴陵舊遊

洞庭雲夢秋空碧共悠悠孟子狂題後何人更倚樓日西
來遠棹風外見平流終欲重尋去僧牕古岸頭

白蓮集拾遺

七言律

題東林十八賢真堂

白藕花前舊影堂
劉雷風骨畫龍章
共輕天子諸侯貴
同愛吾師一法長
陶令醉多招不得
謝公心亂入無方
何人到此思高躅
嵐點苔痕滿粉牆

寓廬岳僧

一聞飛錫別區中
深入西南瀑布峯
天際雪埋千片石
洞

門水折幾株松烟霞明媚栖心地苔蘚縈紆出世蹤莫問
江邊舊居寺火燒兵劫斷秋鍾

海棠花

繁於桃李盛於梅寒食旬前社後開半月暄和留艷態兩
時風雨免傷催人憐格異詩重賦蝶戀香多夜更來猶得
殘紅向春暮牡丹相繼發池臺

題贈湘西龍安寺利禪師

頭白已無行却念自開荒寺住煙蘿門前路到瀟湘盡石
上雲歸岳麓多南祖衣盂曾禮謁東林泉月舊經過閑來

松外看城郭一片紅塵隔逝波

重宿舊房與愚上人靜話

曾此栖心過十冬今來瀟洒屬生公檀栾舊植青添翠蕚
苗新栽白換紅北面城臨燈影合西隣壁近講聲通不知
門下趨進士何似當時石解空

懷金知舊

海門相別住荆門六度秋光兩鬢根萬象倒心難蓋口一
生無事可傷魂石頭城外青山疊北固窓前白浪翻盡是
共遊題板處有誰惆悵拂苔痕

聞沈彬赴吳都請辟

長訝高眠得穩無，果隨徵辟起江湖。
鴛鴦已列樽壘貴，鷗鶴休懷釣渚孤。
白首不妨扶漢祚，清才何讓賦吳都。
可能更憶相尋夜，雲滿諸峯火一爐。

寄江夏仁公

寺閣高連黃鶴樓，簷前檻底大江流。
幾因秋霽澄空外，獨為詩情到上頭。
白日有餘閑送客，紫衣何啻貴封侯。
別來多少新吟也，不寄南宗老比丘。

貽惠暹上人

經論功餘更業詩，又於難裏縱天機。
吳朝客見投文去，楚國僧迎著紫歸。
已得聲名先振俗，不妨風雪更探微。
金陵高憶息門在，終掛雲帆重一飛。

湘中寓居春日感懷

江禽野獸兩堪傷，避射驚彈各自忙。
頭角任多無獬豸羽，毛雖衆讓鴛鴦落。
苔紅小櫻桃熟，侵井青纖燕麥長。
吟把離騷憶前事，汨羅春浪撼殘陽。

塘上閑作

閑行閑坐藉莎烟，此興堪思二古賢。
陶靖節居彭澤畔，賀

知章在鏡湖邊鴛鴦著對能飛繡
蕙苗成群不語仙形影
騰騰夕陽裏數峯危翠滴漁船

懷匡阜

荊州連歲滯遊方拄杖塵封六尺光
洗面有香思石溜冥
心無撓憶山床閑機但媿時機速
靜論須慙世論長昨夜
分明夢歸去薜蘿幽迳逸禪房

答無願上人書

鄭生驅蹇峴山迴傳得安公好信來
千里阻脩俱老骨八
行重疊慰寒灰春殘桃李猶開戶
雪滿松杉始上臺必有

南遊山水興漢江平穩好浮杯

送徹公歸闕

西朝歸去見高情應戀香燈近
聖明閑令莫疑非馬辨道
安還跨亦驢行充齋野店蔬無味
酒笠平原雪有聲忍惜
文章便閑得看他趨競取特名

感時

忽忽枕前蝴蝶夢悠悠覺後利名塵
無窮今日明朝事有
限生來死去人終與狐狸為窟穴
謾師龜鶴養精神可憐
顏子能消息虛室坐亡心最真

渚宮謝楊秀才自嵩山相訪

嵩峯有客遠相尋
塵滿麻衣袖苦吟
花盡草長方閉戶
道孤身老正傷心
紅堆落日雲千仞
碧撼涼風竹一林
惆悵雅聲消歇去
喜君聊此暫披襟

荆門寄沈彬

罷趨明聖懶從知
鶴氅褊遂性披道有靜君堪託跡
詩無賢子擬傳誰
松聲白日邊行止日影紅霞裏
夢思珍重兩篇千里達
去年江上雪飛時

移居

上台言任養疎愚乞與西城水
滿湖吹榻好風終日有
趣涼閑客片時
無檀栾翠擁清蟬在
菡萏紅殘白鳥孤
欲問存思搜抉妙
幾聯詩許敵三都

荆門寄題禪月大師影堂

澤國聞師泥日後
蜀王金禮葬餘灰
白蓮塔向清泉鎖
禪月堂臨水開
西岳千篇傳古律
南宗一句印靈臺
不堪隻履還西去
葱嶺如今無使迴

湘江送客

湘江秋色湛如水
楚客離懷暮不勝
千里碧雲聞塞鴈
幾

程青草見已陵寒濤響疊晨征櫓岸葦聚明夜泊燈鸚鵡
洲邊若回首為思前事一桐膺

林下留別道友

住亦無依去是閑何心終戀此林間片雲孤鶴東西路四
海九州多少山靜坐趁涼移樹影興隨題處著苔斑秋來
洗浣行衣丁還爾隣僧舊行閑

寄居道林寺作

嵐濕南朝殿塔寒此中因得謝塵寰已同庭樹千株老未
負溪雲一片閑石鏡舊遊臨皎潔岳蓮曾上徹孱顏如今

衰颯成多病黃葉風前晝掩關

道林寓居

秋泉一片樹千株暮汲寒燒外有餘青嶂這邊來已熟紅
塵那畔去應踈風騷未肯忘雕琢瀟洒無妨更剝除即問
沃州開士僻愛禽憐駿意何如

仙掌

峭形寒倚夕陽天毛女蓮花翠影連雲外自為高出手人
間誰合闔揮拳鶴拋青漢來岩檜僧隔黃河望頂煙晴露
紅霞長滿掌只因栖託是神仙

中秋月

空碧無雲露濕衣
群星光外湧清規
東樓莫礙漸高影
四海待看當午時
還許分明吟皓魄
肯教幽暗取丹枝
可憐半夜嬋娟影
正對五侯殘酒池

聞尚顏上人新居有寄

麓山南面橘洲西
別構新齋與竹齊
野客已聞將鶴贈
江僧未說有詩題
窓臨杳靄寒千嶂
枕遍潺湲月一溪
遙想乍移吟榻處
松陰冷濕壁新泥

庚午歲九日作

門底秋苔嫩似藍
此中消息興何堪
亂離偷過九月九
頭尾算來三十三
雲影半晴開夢澤
菊花微暖傍江潭
故入今日在不在
胡雁背風飛向南

湘中春興

雨歇江明苑樹乾
物妍時泰恣遊盤
更無輕翠勝楊柳
盡覺濃華在牡丹
終日去還拋寂寞
遶池迴却凭欄杆
紅芳片片由青帝
忍向西園看落殘

自湘中將入蜀留別諸友

巾舄初隨入蜀船
風帆吼過洞庭烟
七千里路到何處
十

二峯雲更那邊巫女暮歸林浙漜巴猿吟新月嬋娟來年
五月峨眉雪坐看消融滿錦川

對菊

蝶醉蜂狂半折時冷烟清露壓離披欲傾琥珀盃浮爾好
把茱萸朵配伊孔雀毛衣應這是鳳凰金翠更無之何因
裁向僧園裏門外重陽過不知

白蓮集拾遺

廬自岳天僧齊已編撰

古風

日日曲

日日日東上日日日西沒任是神仙客也須成朽骨浮雲
滅復生芳草死還出不知千古萬古人葬向青山為底物

耕叟

春風吹蓑衣暮雨滴箬笠夫婦耕且勞兒孫饑對泣田園
高且瘦賦稅重復急官倉鼠雀群只待新租入

苦熱行

離宮劃開赤帝怒喝起六龍奔日馭下土熬熬若煎者蒼
生惶惶無處處火雲崢嶸焚汰寥東臯老農腸欲焦何當
一雨蘇我苗為君擊壤歌帝堯

苦寒行

冰峯撐空寒直矗矗雲凝水凍埋海陸殺物之性傷人之慾
既不能斷疾稊荆棘之根株又不能展鳳凰麒麟之拳跼
如此則何如為和煦為膏雨自然天下之榮枯融融於萬

戶

夏雲曲

紅嵯峨燦晚波乖龍慵卧早鬼多燿燿萬里壓天塹颺雷
電光空閃閃好雨不雨風不風徒倚穹蒼作巖險男巫女
覘更走魂焚香祝天天不聞天若聞必能使爾為潤澤洗
埃氛而又變之成五色捧日輪將以表唐堯虞舜之明君

讀李白集

竭雲濤剗巨鼇搜括造化空牢牢冥心入海海神怖驪龍
不敢為珠主人間物象不供取飽飲遊神向玄圃鏘金鏗
玉千餘篇膾吞炙嚼人口傳須知一一丈夫氣不是綺羅

兒女言

祈真壇

玉甃瑤壇二三級學神弟子參差入霓旌隊仗下不下松
檜森森天露濕殿前寒氣束香雲朝祈暮禱玄元君茫茫
俗骨醉更昏樓臺十二遙崑崙崑崙縱廣一萬二千里中
有五色雲霞五色水何當斷慾便飛去不要九轉神丹換
精髓

黃雀行

雙雙野田雀上下同飲啄暖去栖蓬蒿寒歸傍籬落殷勤

避羅網乍可遇鷓鴣鷓鴣雖不仁分明在寥廓

古劍歌

古人手中鑄神物百鍊百淬始提出令人不要強研磨蓮
鐔星文未曾沒一彈一撫聞錚錚老龍影奪秋澄明何時
得遇英雄主用爾平治天下去

贈持法華經僧

衆人有口不說是即說非吾師有口何所為蓮經七軸六
萬九千字日日夜夜終復始乍吟乍諷何悠揚風篁古松
含秋霜但恐天龍夜叉軋闍衆囑塞虛空耳皆聳我聞念

經功德緣舌根可等金剛堅他特劫火燃後神光璨璨如
紅蓮受持身心苟精潔尚能使煩惱大海水枯竭魔王輪
幢自摧折何況更如理行如理說

剗腸龜

爾既能於靈應久存其生爾既能於瑞胡得迷其死剗腸
徒自屠曳尾復何累可憐濮水流一葉泛莊子

贈巖居僧

石如騏驎巖作室秋苔漫壇淨於漆袈裟蓋頭心在無黃
猿白猿啼日日

昇天行

身不沉骨不重驅青鸞駕白鳳幢蓋飄搖入冷空天風琴
瑟星河動瑤闕參差阿母家樓臺戲閉凝彤霞五三仙子
乘龍車堂前碾爛蟠桃花迴頭却顧蓬山頂一點濃嵐在
深井

還人卷

李白李賀遺機杼散在人間不知處聞君收在芙蓉江日
闔鮫人織秋浦金梭軋軋文離離吳娃越女羞上機鴛鴦
浴烟鸞鳳飛澄江晚映餘霞輝仙人手持玉刀尺寸寸酬

君珠與璧裁作霞裳何處披紫皇殿裏深難覓

輕薄行

玉鞭金鉗驂騶蹄橫眉吐氣如虹霓五陵春暖芳草齊笙
歌到處花成泥日沉月上且鬪雞醉來莫問天高低伯陽
道德何唾喚仲尼禮樂徒卑栖

浮雲行

大野有賢人大朝有聖君如何彼浮雲掩蔽白日輪安得
東南風吹散八表外使之天下人共見堯眉彩

弔汨羅

落日倚闌杆徘徊汨羅曲冤魂如可弔烟浪聲似哭我欲
考鼃鼃之心烹魚龍之腹爾既啖大夫之血食大夫之肉
千載之後猶斯暗伏將謂唐堯之尊還如荒悴之君更有
逐臣於焉葬魂得以縱其噬咨其吞

贈念法華經僧

念念念兮入惡易念念念兮入善難念經念佛能一愛河
竭處生波瀾言公少年真法器白晝不出夜不睡心心緣
經口緣字一室寥寥燈照地沉檀卷軸寶函盛簷蔔香薰
水精記空山木落古寺間松枝鶴眠霜霰乾牙根舌根冰

滴寒珊瑚榭打紅瑯玕但恐蓮花七朶一時坼朶朶似君
心地白又恐天風吹天花繽紛如雨飄絮淅况聞此經甚
微妙百千諸佛真祕要靈山說後始傳來聞者雖多持者
少更堪誦入陀羅尼唐音梵音相雜時舜絃和雅薰風吹
文王武王絃更悲如此爭不遣空一碧中有龍來聽有鬼
來聽亦使人間人聞者敬見者敬自虛空性清淨此經真
體即毗盧雪嶺白牛君識無

漁父

夜釣洞庭月朝醉巴陵市却歸君山下魚龍窟邊睡生涯

在何處白浪千萬里曾笑楚臣迷蒼黃汨羅水

啄木

啄木啄木鳴林響嗑貪心既緣利嘴斯鑿有朽百尺微虫
斯宅以啄去害啄更彌劇層崖豫童聳幹蒼蒼無縱爾啄
摧我棟梁

行路難

行路難君好看驚波不在黠黠間小人心裏藏崩湍七盤
九折寒嶠崒翻車倒盖猶堪出未似是非唇舌危閣中潛
斃平人骨君不見楚靈均千古沉冤湘水濱又不見李太

白一朝却作江南客

謝徽上人見惠二龍障子以短歌酬之

我見蘇州崑山金城中金城柱上有二龍老僧相傳道是
僧繇手尋常入海共龍鬪又聞蜀國玉局觀有孫遇跡盤
屈身長八十五尺遊人爭者不敢近頭覲寒泉萬丈碧近
有五羊微上人開工小筆得意新畫龍不誇頭角及鬚鱗
只求筋骨與精神微上人真藝者惠我雙龍不言價等閑
不敢將懸掛恐以葉公好假龍及見真龍却驚怕

白蓮集拾遺

廬岳僧齊己撰

七言絕句

送人往長沙

荆門歸路指湖南千里風帆興可諳好聽鷓鴣啼兩處木
蘭舟晚泊春潭

寄山中叟

清泉碧樹夏風涼紫巖紅粳午爨香應咲晨持一手盥苦腥
膾市裏叫家常

勉吟僧

千途萬轍亂真源
白晝勞形夜斷魂
忍着袈裟把名紙學
低折五侯他門

夏日城中作二首

三面僧隣一面牆
更無風路可吹涼
他年捨此歸何處
青壁紅霞裏石房

其二

竹低沙淺雨濛濛
小檻幽窓暑月中
有鏡牽懷人不曾東
林門外翠橫空

貽九華山人

一法傳聞繼老能
九華間卧最高層
秋鍾盡後殘陽暝
門掩松邊雨夜燈

默坐

燈引飛蛾拂焰迷
露淋栖鶴壓枝低
冥心坐睡蒲團穩
夢到天台過剡溪

水邊行

身着袈裟手杖藤
水邊行止不妨僧
禽栖落日猶孤立
隔浪秋山萬層

幽齋偶作

幽院繞容箇小庭
踈篁低短不堪情
春來猶賴隣僧樹
時引流鶯送好聲

閉門

正是閉門爭合閉
大家開處不須開
還防朗月清風夜
有箇詩人相訪來

夏日寄清溪道者

老病不能求藥餌
朝昏祇是但焚燒
不知誰為收灰骨
纍石栽松傍寺橋

觀荷葉露珠

霏微曉露成珠顆
宛轉田田未有風
任器方圓徃終在
不妨翻覆落池中

苦熱懷玉泉寺寄仁上人

大雲如燒接蒼梧
原野煙連大澤枯
謾費葛衫葵扇力
爭禁泉石潤肌膚

酬光上人

禪言難後到
詩言坐石心
同立月魂應
記前秋會吟
處五更猶在老松根

送僧歸日本

日東來向日西遊一鉢閑尋遍九州却意雞林本師寺欲
歸還待海風秋

吳興晝上人杼山集序

朝議郎大夫守湖州刺史于頔撰

詩自風雅道息二百餘年而騷人作其旨愁思其文婉麗
亡楚之變風歟至西漢李陵蘇武始全為五言詩體源於
風流於騷故多憂傷離遠之情梁昭明所撰文選錄古詩
十九首亡其名氏觀其辭蓋東漢之世亦李蘇之流也洎
建安中王仲宣曹子建鼓其風晉世陸士衡潘安仁揚其
波王曹以氣勝潘陸以文尚氣勝者魏祖興武功于二京
已覆文尚者晉武亡帝圖於五胡肇亂觀其人文興亡之
較然

跡人焉廋哉人焉廋哉宋高祖平桓玄定江表文帝繼業
五十年間江左寧謐魏晉文章鬱然復興康樂侯謝靈運
獨步江南俯視潘陸其文炳而麗其氣逸而暢驅風雷於
江山變晴昏於洲渚煙雲以之慘澹景氣為其澄霽信江
表之文英五言之麗則者也迨于齊世宣城守謝玄暉亦
得其辭調涵於氣格不侔康樂矣梁陳已降雖作者不絕
而五言之道不勝其情矣有唐吳興開士釋皎然字清晝
即康樂之十世孫得詩人之奧旨傳乃祖之菁華江南時
人莫不楷範極於緣情綺靡故辭多芳澤師古典制故律

尚清壯其或發明玄理則深契真如又不可得而思議也
貞元壬申歲余分刺吳興之明年集賢殿御書院有命徵
其文集余遂採而編之得詩筆五百四十六首分為十卷
納于延閣書府上人以余嘗著詩述論前代之詩遂託余
以集序辭不獲已略志其變上人之植性清和稟質端懿
中秘空寂外開方便妙言說於文字了心境于定慧又釋
門之慈航智炬也余游方之內者何足以扣玄關謝氏世
為世人豈佛書所謂習氣云爾

此書之序...

門之...

中...

以...

歸...

其...

負...

尚...

杼山集卷之第一

唐 吳興 釋皎然 清晝撰

郡齋卧疾贈晝上人上人早名皎然晚字晝

湖州刺史于頔

夙陪翰墨徒深論窮文格麗則風騷後然公我詞客晚依
方外友極理探精願習合南北宗晝公我禪伯光明性不
染故我行貞白隨順令得解故我言芳澤雪水漾清潄吳
山橫碧岑含珠復蘊玉價重雙南金的皦曜奇彩淒清流
雅音商聲發楚調調切諧瑤琴吳山為我高霄水為我深

萬景徒有象孤雲本無心衆木豈無聲倚桐有清響衆耳
豈不聆鍾期有真賞高潔古人操素懷夙所仰覲君冰雪
姿祛我淫滯想常吟柳惲詩茗浦久相思逮此遠為郡蘋
洲芳草衰逢師羊臘長

值我病容羸共語無生理聊用契心期

五言奉酬于中丞使君郡齋卧病見示一首

宿昔祖師教了空無不可枯槁未死身理心寄行坐仁公
施春令和風來澤我生成一草木大道無負荷論入空王
室明月開心骨性起妙不染心行寂無蹤若非禪中侶君

為雷次宗比聞朝端名今貽郡齋作真思凝瑤瑟高情屬
雲鶴扶得驪龍珠光彩曜掌握若作詩中友君為謝康樂
盤薄西山氣貯在君子衿澄澹秋水影用為字人心群物
鳧鷖游翺愛清深格居第一品高步凌前躅精義究天人
四坐聽不足伊昔柳太守曾賞汀洲蘋如何五百年重見
江南春公每省往事詠歌懷昔辰以茲得高卧任物化自
淳還因訪禪隱知有雪山人

五言贈李中丞一首

深沉閫外略奕世當榮寄地裂大將封家傳介珪瑞至今

漳河俗猶受仁人賜公初鎮惟刑決勝無精兵重圍逼大
敵六月守孤城政用仁恕立恩由賞罰明遂令麾下士感
德不願生于時聞王師諸將兵頗潰天子狩南漢烟塵滿
函谷純臣獨耿介下士多反覆明公仗忠節一言感萬夫
物性如疾梨化作春蘭敷見說金被燦終期玉有瑜移官
萬里道君子情何如伊昔避事心乃是方袍客頓了空王
旨仍高致君策安知七十年一朝值宗伯言如及清風醒
然開我懷晏息與游樂不將衣褐乖海底取明月鯨波不
可度上有巨蟒吞下多毒龍護一與吾師言乃於中心悟

咄哉冥冥子胡為自塵汙

五言杼山禪居寄贈東溪吳處士馮一首

青雲何潤澤下有賢人隱路入菱湖深跡與黃鶴近野風
吹白芷山月搖清軫詩祖吳叔庠才致君不盡身當青山
秀詩曰家住青山下青山有吳均文體多郢聲澄澈湘水

秀

詩曰家住青山下青山有吳均

故宅後改為吳均山

文體多郢聲澄澈湘水

碧沈寥楚山清時人格不同至今罕知名昔賢敦師友此
道君獨行既得廬霍趣乃高雷遠情別時春風多掃盡雪
山雪為君中夜起坐石上月悠然遺塵相邈矣達性說故
人不在茲幽桂惜未結

五言妙喜寺高房期靈澈上人不至重招之一首

晨起峯頂心懷人望空碧掃雪開寺門灑水淨僧席言笑
形外阻風儀想中覲馳心驚葉動傾耳聞泉滴豈虎咆虎
逢乍疑崩湍隔前期或不顧知爾隳常格如今誰山下秋
霖步浙澀吾亦聊自得行禪荷輕策松聲暢幽情山意導
遐跡舉目無世人題詩足奇石貧山何所有特此邀來客
五言奉和薛員外誼贈湯評事衡反招隱之

跡兼見寄十二韻

喜友稱高儒曠懷美無度近為東田誘遂耽西山趣庭有

介隱心得無雲泉誤府公中司貴頻貽咫尺素郡佐仙省
高亦贈瓊瑤句誚茲長往志紆彼獨遊步禪子方外期夢
想山中路艱難親稼穡晨夕苦烟霧曷若孟嘗門日榮國
士遇鏗聃聆綺瑟攀折適瓊樹幽踐隨鹿麋久期怨蟾兔
情同不繫舟有跡道所惡

五言答黎士曹黎生前適越後之楚

楚木紛如麻高松自孤直願得苦寒枝與君比顏色故鄉
眇天末羈旅滄江隅委質在忠信苦心無變渝何由表明
義贈君金轆轤何以知美才投我懸黎珠遽為千里別南

風思越絕愛君隨海鷗倚棹宿沙月不栖惡木上肯蹈已
蛇穴台人表朝逆命一上蕭然峯擬蹤幽人轍晨興獨西
望郢水期沂沿夜到洞庭月秋經雲夢天黎生知吾道此
地不潜然欲寄楚人住學拏漁子船奈何北風至攪我窓
中絃遊子動歸思江籬亦綿綿篋中封禪書欲獻無由緣
豈乏晨風翼翻飛到日邊

五言答豆盧次方

吾愛道交論為高貴世名昔稱紫桑令今聞豆盧生彼生
清淮氣獨鍾文中彩近作公讌詩如逢何柳在吾用古人

耳採君四坐珎賢士勝朝暉温温無冬春朝暉爍我肌賢
士清我神微爾與雲鵠幽懷何由申別來秋風至獨坐楚
山碧高月當清真禪心正寂歷增波徒相駭人遠情不隔
有書遺瓊什以代貂襜褕風教凌越絕聲明掩吳趨懸壁
安可訓徒倚還踟躕明當作名

五言答蘇州常應物郎中

詩教殆淪缺庸音互相傾忽觀風騷韻會我夙昔情蕩漾
學海資鬱為詩人英格將寒松高氣與秋江清何必鄴中
作可為千載程受辭分堯竹萬里臨江城到日掃煩政况

今休瀆兵應怜禪家子林下寂無營跡隳世上華心得道
中精脫略文字累免為外物嬰書衣流埃積硯石駭癖生
恨未識君子空傳手中瓊安可誘我性始願愆素誠為無
鸞鷲音繼公雲和笙吟之向禪數反愧幽松聲

五言答鄭方回

獨禪外念入中夜不成定願我顛顛容澤君陽春詠詞貞
思且逸瓊彩何暉映如聆雲和音况覩聲明盛琴語掩為
聞山心聲宜聽是時寒光澈萬境澄以淨高秋日月清中
氣天地正遠情偶茲夕道用增寥曼思君處虛室一操不

可更時美城北徐家承谷口鄭軒車未有轍蒿蘭且同徑
莊生誠近名夫子罕言命是以耕楚田曠然殊獨行姜蕤
鸞鳳彩特達珪璋性通隱嘉黃綺高儒重荀孟世汚平我
未起道蹇吾猶病逸翮思冥冥潛鱗樂游泳宗師許學外
恨不逢孔聖說詩迷類靡偶俗傷趨競此道共誰詮因君
情欲聲

五言答俞校書冬夜

夜閑禪用精空界亦清迴子真仙曹吏好我如宗炳一宿
覲幽勝形清煩慮屏新聲殊激楚麗句同歌郢遺此感予

懷沉吟忘日永月彩散瑤碧示君禪中境真思在查冥浮
念寄形影遙得四明心略四何須蹈岑嶺時情聊作用空
性復寂靜若許林下期看君辭簿領

五言妙喜寺達公禪齋寄李司直公孫房都曹

德裕從事方舟顏武康士騁四十二韻

我祖傳六經精義思朝徹莊子曰守之九日而後能
外生外生而後能朝徹方舟

頗周覽逸書亦備閱墨家傷刻薄墨流刻薄而不仁可儒
以理身不可以濟世

氏知優劣弱植庶可彫苦心未嘗輟中年慕仙術永願傳

其訣歲駐若木景日食瓊禾屑婵娟羨門子斯語豈徒設

天上生白榆歲隄信好折實可反柔顏花堪養玄髮求之

性分外業棄金亦竭藥化成白雲形彫辭素穴素穴一聞
山名

西天旨初禪已無熱第四禪中有天名無熱無三災之患
以為名今初禪即得益詩人美已

證超消子非我宗然公有真訣却尋丘壑趣始與纓紱別

野飯敵膏梁山楹代藻枕與君北巖侶遊寓日常眇靜對

春谷泉晴披陽林雪境清覺神王道勝知機滅詣寂長杳

冥忘歸暫採樹物生豈有心麗容俟予別桂子何莫苓竒

葩亦皎潔此木生意高亦與衆芳列賞心識屢換省躬悟

彌切微尚若不虧足以全吾節北風吹蕙帶蕭寥聞蜻蛚

宿昔廬峰期流芳已再歇不有清屏鑒使我商絃絕願寄
千里心月高不可掇優游邦之直遠矣踵前列立俗忘毀
譽遇物遺巧拙真氣獨脩然軒裳詎能紕都曹風韻整綱
紀信明決於交必傾寫立行豈矜伐政與清渭同分流自
澄澈裴侯資亮直中誠豈徒說古人比明義清士願交結
溫溫躬珪彩終始聲不缺顏生烟介士有志不可越伏羲
冒險艱持操去淄涅世論高二顏即魯公猶子也賢賢繼前哲四
子遭明盛衰然皆秀傑理名雖殊迹悟道寧異轍愛爾竹
栢姿為予寒不折

五言遙酬袁使君高春暮行縣過報德寺見懷
江春行求瘼偶與真境期見說三陵下前朝開佛祠停舟
仰麗刹繡組發香墀咫尺空界色天人花落時盛游限羸
疾悚踴瞻旌旗峯翠羨閑步松聲入遙思素高淮陽理况
負東山姿迨此一登覽深情見新詩

五言冬日遙和盧使君幼平綦母居士游法華

寺高嶺臨湖亭

仁坊標絕境廉守躡高踪天晚絕分刹風傳欲盡鍾城中
歸路遠湖上碧山重水照千花界雲開七葉峯寒空艾綬

滿空翠白綸濃逸韻知難繼佳遊恨不逢仍聞撫禪石為
我久從容

秋日遙和盧使君遊何山寺宿敬上人房論涅槃經義

江郡當秋景期將道者同跡高於竹寺夜靜賞蓮宮古磬

清霜下寒山曉月中詩情緣境發法性寄筌空翻譯推南

本何人繼謝公香華映天空界色天人出法華盡誠所願

出齋步杉影手自開禪扉花滿不汙地雲多從觴衣思山

石癯淨擬客露葵肥果得宗居士論心到極微

奉酬袁使君高寺院新亭對雨其亭使君所創

茲亭跡素淺勝事併隨公法界飄香雨禪窓灑竹風浮煙

披夕景高鶴下秋空冥寂四山久寧期此會同

奉酬顏使君真卿見過郭中寺寺無山水之賞

故予述其意以荅焉其亭使君所創

州西柳家寺禪舍隱人間證性輕觀水栖心不買山履聲

知客貴雲影悟身閑彥會前賢事方今可得攀

酬烏程楊明府華雨後小亭對月見呈

十一

夜涼喜無訟霽色搖閑情暑退不因雨陶家風自清凝絃
停片景蕝詠靜秋聲何事禪中隱詩題忽記名

自蘇州訪醫迴酬盧士關判官見贈買山歸

尋醫初疾理忽憶故山雲遠訪桑公子還依柳使君周旋
承惠愛佩服比蘭薰從事因高唱秋風起處聞山水之賞

答李師尚

雅篇忽見遺婉開絨蕝惠風搖精思瓊蓋疑竹風響
花空門青山月潘生獨不見清景屢盈缺林下長寂寥人
間自離別何時解輕珮來稅丘中轍

贈烏程李明府伯宜沈兵曹仲昌

水國苦彫瘵東臯豈遺忝雲陰無盡時日出常帶雨昨夜
西溪漲扁舟入簷廡野人同鳥巢暴客若蜂聚歲晏無斗
粟寄身欲何所空羨鷺鶴姿翩翩自輕舉

奉酬顏使君真卿王員外圓宿寺兼送負外使

迴

魯公邀省客貧寺人過少錦帳惟野花竹屏有窻篠朝行
石色淨夜聽泉聲小釋事情已高依禪境無擾超遙長路
首悵望空林杪離思從此生還將此心

杓山上峯和顏使君真卿袁侍御五韻賦得印
字仍期明日登開元寺樓之會無對送
道情寄遠岳放曠臨千仞香路延絳縹華泉寫金印日欵
諸天近雨過三華潤留客雲外心忘機松中韻靈嘉早晚
期為布東山信

同薛負外誼喜雨詩兼上楊使君

積旱忽飛澍蒸民心亦傾郊雲不待族雨色飛江城雉稼
濯又發敗荷滋更榮時隨霧轂重乍集柳絲輕一宿恐魚
飛數朝徵鶴鳴毒暑澄為冷高塵滌還清乃知陰陽數制

在造化情及此接歡賀臨風聞頌聲

南湖春泛有客自北至說友人岑元和見懷因
叙相思之志以寄焉

故人隔楚水日夕望芳洲春草思眇眇征雲暮悠悠心期
無形影跡曠成阻修有客江上至知君佐雄州鑑鑄佩蒼
玉躡蹠駟絳騶伊昔中峰心從來非此流資予長生訣

授以胎息之訣希彼高仙儔此情今如何宿昔師吾謀別後謁禪

老更添石室籌深見人間世飄如水上漚蟬號齊王却月
苦隋帝樓聲華盡冥冥麋鹿徒呦呦我有一字教坐然遺

此憂何煩脫珪組不用辭王侯祇在名位中空門兼可游

同薛負外詎久旱感懷寄兼呈上楊使君

皇天鑒不昧恤農何亢極絲雨久愆期綺霞徒相惑陰雲
舒又卷濯枝安可得涸井不繫瓶乾溪一憑軾赤地芳草

死颶塵驚四塞戎寇夜刺閨民荒歲傷國刺以王猷盛中

原無凶慝楊公當此晨省災常旰食獨感下堂雨

自州南諸鄉降

其澤長城顧渚平地。雨一尺水分流澤數鄉也。偏嘉越境或秋郊天根見我疆

看稼穡請迴雲漢詩為君歌樂職

兵後早春登故鄣南樓望崑山寺白鶴鶴示清

道人并沈道士

新陽故樓上眇眇傷遐睎遠世情易忘羈時得無倦春歸

華樓歿世故陵谷變擾擾陌上心悠悠夢中見蒼林有靈

境杳映遙可羨春日倚東峯華泉落西甸鍾聲在空碧幡

影搖蔥蒨緬想山中神期如會面別離芳月積岐路浮

雲遍正入空門仙君依苦縣隳形捨簪紱烹玉思精鍊

事外宜我心人間豈予戀身遺世自薄道勝名必賤耳目

何所娛白雲與黃卷

酬烏程楊明府華將赴涓北對月見懷

釋印及秋夜身閑境亦清風襟自蕭洒月意何高明聞說
武安君萬里驅妖精開府 秀士先招士林英晉家用元
凱亦是魯諸生北望撫長劔感君知己行邊塵昏玉帳殺
氣凝金鉦大敵折齊俎一書下聊城翻飛青雲路宿昔滄
洲情

春云詩中悠然
頌山侶之句

酬刑端公濟春日蘇臺有呈袁州李使君兼書

并寄辛陽王二侍御

大賢當佐世堯時難退身如何丹青侶却在滄江濱柳色
變又遍鶯聲聞亦頻賴宜春守共賞南湖春營道知止足

篩躬無緇磷家將詩流近跡與禪僧親放曠臨海門翱翔

望雲津雖高空王說不久山中人

上句春端公
學無為之句

奉和裴使君清春夜南堂聽陳山人彈白雪

春宵凝麗思閑坐開南園郢客彈白雪紛綸發金徽散從
天上至集向瓊臺飛絃上疑颼颼虛中想霏霏通幽鬼神
駭合道精鑒稀戀態風更入含情月初歸方知阮太守一
聽識其微

答孟秀才

羸疾依小院空閑趣自深躡苔憐靜色掃樹共芳陰物外

好風至意中佳客尋虛名誰欲累世事我無心投贈荷君
芷馨香滿幽襟

酬崔侍御見贈

市隱何妨道禪棲不廢詩與君為此說長破小乘疑
贈柳喜得嵩山法門自號嵩山老
一見嵩山老吾生恨太遲問君年幾許曾出上皇詩

酬李補闕紆

不住東林寺雲泉處處行近臣那得識禪客本無名

湖南蘭若示大乘諸公

未到無為片空憐不繫舟東山白雲意歲晚尚悠悠

兵後經永安法空寺寄悟禪師

其寺為賊所焚

常說人間法自空何言出世法還同微蹤舊是香林下餘
燼今成火宅中後夜池心生素月春天樹色起悲風吾知
世代相看盡誰悟浮生似影公

遙和康錄事李侍御萼小寒食夜重集康氏園

林

習家寒食會何頻應恐流芳不待人已愛治書詩句逸更
聞從事酒名新庭蕪暗積承雙履林蕩雷飛瀑幅巾誰見

奈園時節共還持綠茗賞殘春

釋裴循春愁

蝶舞鸚歌喜歲芳柳絲裊裊蕙帶長江南春色共君有何事君心獨自傷

春日杼山寄李負外縱

南山唯與北山隣古樹連拳伴我身黃鶴有心多不住白雲無事獨相親閑持竹錫深看水懶繫麻衣出見人欲掇幽芳聊贈遠即官那賞石門春

酬秦山人贈別二首

知君高隱占賢生卷葉時時注佛經姓被名公題舊里

秦君

里詩將麗句號新亭

麗句亭

來觀新月依清室欲漱香泉護

觸瓶我有主人江太守如何相伴住禪靈

江淹為宣城守常會禪靈寺

其二

誰知卧疾不妨禪跡寄詩流性似偏葉示黃金童子愛書題青字古人傳時高獨鶴來雲外每羨閑花在眼前對此留君還欲別應思石澗訪春泉

山屋示靈澈上人

清明路出山初煖竹踏春蕪看茗歸乍削柳枝聊代札時

窺雲影學裁衣身閑始覺隳名是心了方知苦行非外物
寂中誰似我松聲草色共無機

西白溪期裴方舟不至

望君不見復何情野草閑雲處處生應向秦時武陵路花
間寂歷一行人

勞山憶栖霞寺道素上人久期不至

遠寺蕭蕭獨坐心山情自得趣何深泉聲稍滴芙蓉漏月
影絕分鷺鷥林滿地雲輕長礙徒繞松風近每吹襟貪閒
不記前心偈念別聊為出世吟更待花開遍山雪山山相
似若為尋

酬秦山人出山見呈

手携酒盃共書帙迴語長松我即歸若是出山機已息嶺
雲何事背君飛

酬秦山人見尋

左右香童不識君檐登訪我領鷗群山僧待客無俗物惟
有窓前片碧雲

宿法華寺簡靈徹上人

至道無機但杳冥孤燈寒竹自青熒不知何處小乘客一

夜風來聞誦經

夜風來聞誦經

夜風來聞誦經

夜風來聞誦經

夜風來聞誦經

夜風來聞誦經

夜風來聞誦經

夜風來聞誦經

夜風來聞誦經

夜風來聞誦經

杼山集卷之第二

唐 吳興 釋 皎然 清晝撰

奉酬袁使君高游鵲鵒峯蘭若見懷

鵲鵒中峰近高奇古人遺常欲乞此地養松桂藤絲昨聞
雙旌出一川花滿時恨無翔雲步遠赴閑山期躋險與誰
賞折芳應自怡遙知忘歸趣喜得春景遲已見郢人唱新
題石門詩

谷裴濟從事

遲遲雲鶴意奮翅知有期三東網紀局累登清白資應懷

青塘居蕙草沒前墀舊月照秋水廢田留故陂至今高風
在為君吹桂枝昨逢洞庭客果得故人詩何異王內史來
召道林師欲攜山侶出難與白雲辭

白雲上精舍尋村山禪師兼示崔子向何山道
上人

望遠涉寒水懷人在幽境為高皎皎姿及愛蒼蒼嶺果見
栖禪子潺湲灌真頂積疑一念破澄息萬緣靜世事花上
塵惠空心中境清閒誘我性遂使腸慮屏許共林客遊欲
從山王請木栖無名樹水汲忘機井持此一日高未肯謝

箕穎夕霽山態好空月生俄頃識妙聆細泉悟深滌清茗
此心誰復得笑向西林永

酬薛負外誼苦熱行見寄

六月金敷伏茲辰日在庚炎曦爍肌膚毒霧昏性情安得
奮輕翮超遙出雲征不知天地心如何匠生成火德燒百
卉瑤草不及榮省客當此時忽貽懷中瓊捧翫煩襟滌嘯
歌美風生遲君佐元氣調使四序平中令霜不後火餘氣
常貞江南詩騷客休吟苦熱行

採實心竹杖寄贈李萼侍御

竹杖栽碧鮮步林賞高直實心去內矯全節無外飾行樂
聊自持扶危資爾力初生在榛莽孤秀豈封殖千雪不死
枝贈君期君識

酬薛負外誼見戲一首

方知正始作麗掩碧雲詩文彩盈懷袖風規發詠思遺弓
逢有敵摩壘怯偏師頻有移書讓多慙繫組遲淺才迂且
拙虛譽喜還疑猶倚披沙鑿長歌向子期

奉酬李中丞洪湖州西亭即事見寄兼呈吳馮

處士時中丞量移湖州長史

愛君溪上住逢月開前高山火照書卷野風吹酒餅為誰
留此物意在眼中青樵子逗煙墅漁翁宿沙汀主人非楚
客莫謾譏獨醒宿昔刑城功道高心已冥貪將到處士放
醉烏家亭

茗溪草堂自大曆三年夏新營泊秋及春彌覺

境勝紀其事簡潘丞述湯評事衡四十三韻

萬慮皆可遺愛山情不易自從東溪住始與人群隔應物
非宿心遺身是吾策先民崆峒子淪景事金液綺里猶近
名於陵未泯跡吾師逆流教禪隱殊古昔

僧傳云人皆隱於山我獨隱於

禪洗足臨潺湲銷聲寄松栢細荷株堪服柔草持可席道

心制野猿法語授幽客境靜萬象真寄目皆有益原上無

情花聖教意草木等器世間雖無情而理性通又云鬱鬱黃花無非般若其義山中聽經石

高僧詮公詩曰學徒數塊石生公有通經石竹生自蕭散雲性常潔白却見羈

世人遠高摩霄翮達賢觀此意煩想遂冰蘖伊予戰苦勝

覽境情不溺智以動念昏功由無心積形骸爾何有生死

誰所戚為與勝悟冥不憂頽齡迫春風自駘蕩禪地長閒

寂擲札成柳枝僧傳北遠法師作涅槃經疏畢擲札于庭柳枝生焉漑瓶養泉脈道

人知止足盥漱聊自適學外見古賢頗令我心惕眇綿雲

官世夢幻羽陵籍鬼錄徒相矜九原誰家宅俗情封淺近

至理昧堯跖蹈善嗟沉冥履仁傷墮阨匠心聖亦尤攻異

天見責世論謂堯聖德而嗣不肯盜跖毀行而亨長富無福仁禍淫之應師心攻異之士反怨天責聖不知

有昭昭之業論空者又失性空之實試以慧眼觀斯言諒可覲外事非吾

道忘緣倦所歷中宵廢耳目形靜神不役色天夜清迥花

漏時滴瀝高僧要公刻蓮花漏東風吹杉梧幽月到石壁此中一悟

心可與千載敵故交徒好我筐中無咫尺潘生入空門祖

師傳祕蹟潘子魯愛曹師禪門湯子自天德精詣功不僻放世與成

名兩圖在所擇遠公謂劉處士云世間唯是想耳苟放其世之見心即道豈有世外物未羈爾邪

吾高鷓夷子身退無瑕謫吾嘉魯仲連功成棄珪璧二賢

兼彼才晚節何感激不然作山計改服我下澤君陳元亮

冠我脫潛師屐僧傳沙門法潛倚卧高松根共迹金閨籍

答裴集陽伯明二賢各垂贈二十韻今以一章

用酬兩作

知音如瓊枝天生為予有攀折若無階何殊天上柳裴生

清通嗣陽子盛德後詩名比元長二子詩比王融為俱少年著名賦體凌

延壽賦如文孝亦俱盛年珠生驪龍頷或生靈蛇口何以雙瓊章英

英曜吾手白日不可汙清源肯容垢持此山上心待君忘

情友且緝丘壑賞未隨名宦誘坐石代瓊茵製荷捐艾綬

清宵集我寺烹茗開禪牖發論教可垂正文言不朽白雲

供詩用清吹生坐右不嫌逸令醉莫試仙壺酒皎皎尋陽

隱千年可為偶一從漢道平世事無紛亂星文齊七政天

軸明二斗召士揚弓旌知君在林藪莫學穎陽子請師高

山叟出處藩我君還來會匡阜

答豆盧居士春夜遊東園見懷

春意賞不足承夕步東園事表精慮遠月中華木繁開襟

寄清景遐想屬空門安得纚芳屐看君幽徑萱

寄崔萬芳夔

氣殺高阜擊惜芳步寒林風搖蒼琅根霜剪收音翹遙心歸
思忽眇眇佳期亦沉沉我身豈遐遠如隔湘漢深事適智
莫及願垂情不任遲君忘言侶一笑開吾襟

訪朱放山人

野人未相識何處異鄉隔昨逢雲陽信教向雲陽覓空聞
天上風飄飄不可覲應非矍鑠翁或是滄浪客早晚從我
游共携春山策

晚冬廢溪東寺懷李司直縱

廢溪無人跡益見離思深歸來始昨日恍忽驚歲陰清想
屬遙夜圓景當空林宿昔月未改何如故人心遊從間芳
趾搖落栖寒岑眇眇湖上別含情初至今道流安寂寞世
路倦嶇嶇此意欲誰見懷賢獨難任微聲反冥默夕籟何
哀吟禪念破離夢吾師誠援琴耿耿已及旦曷由開此襟
幽期諒未偶勝境徒自尋安得西歸雲因之傳素音

兵後與故人別予西上至今在楊楚因有是寄

日月不相待思君魂屢驚草玄寄楊子作賦得蕪城温温
獨游跡遥遥相望情淮上春草歇楚子秋風生辟士天下

盡君何獨屏營運開應佐世業就可成名誰借楚山住年
辛事耦耕

因遊支硎寺寄邢端公

大厦資多士掄才得豫章清門推重望早歲騁康莊作用
方開物聲名久擅場丹延分塞郡宿昔領戎行始馭屏星
乘旋陰蔽第棠始佐延州朝端瞻鶚立閑右仰鷹揚威令
兼寧朔英聲重護羗三軍成父子雜虜避封疆身執金吾
貴時遭寶運昌雍容持漢稍肅穆衛周堂排難知臣節攻
疑定國章一言明大義千載揖休光踐職勲庸列修躬志

行彰優游應慕陸止足定師張中宸懷殊政南州佇小康

仁為桂江雨威是栢臺霜

自桂州除侍御史

謇諤言無隱公忠禍

不防譴深辭紫禁恩在副朱方

左遷温州治中量移潤州長史

切玉鋒休

淬乘天翅罷翔論文徵賈馬述隱許求羊肘後看金碧腰
間笑水蒼詩題白羽扇酒挈綠油囊曠達機何有深沉器
莫量時應登古寺佳趣在春岡止水平香砌鮮雲滿石牀
山情何寂樂塵世自飛揚已遇鑪峯社還思緝蕙房外心
親地主內學事空王花會宜春淺禪遊喜夜涼高明依月
境蕭散躡庭芳得道殊秦佚隳名似楚狂餘生於此足不

欲返韶陽

同諸公奉侍祭岳瀆使大理盧幼平自會稽迴

經平望將赴于朝廷期過故林不至

用題中韻

望祀崇周典皇華出漢庭
紫泥傾會計玄酒薦芳聲
聖慮多虔肅齋心合至靈
占祥刊史竹筮日數克
莫禮秩加新命朝章薦理刑
敷誠通北闕遺愛在南亭
茗水思曾泛礪山憶重經
清風門客仰佳頌國人聽
攀桂留卿月徵文待使星
春郊迴駟牡遙識故林青

早秋桐廬思歸示道諺上人

桐江秋信早憶在故山時
靜夜風鳴磬無人竹掃墀
猿來觸淨水鳥下啄寒梨
可即閑吾事歸心自有期

勞勞山居寄呈吳處士

山事由來別只應中老身
寒園掃綻粟秋浪拾乾薪
楚人呼養柴為領鶴閑書竹誇雲
笑向人俗家相去遠野水作東隣

寄報德寺從上人

鼓吹山在寺西

宗流許身子物表養高閑
空色清涼寺秋聲鼓吹山
看心水磬後行道雨花間
七葉翻章句時時啟義關

賦工氣風山中月夜寄無錫長官

湖上涼風早雙峰月色秋遙知秣陵令今夜在西樓別葉
蕭蕭下含霜處處流如何共清景異縣不同遊

奉賀顏使君真卿二十八日隔絕自河北遠歸

相失值氛煙絕應掌上年久離鶻貌長多難喜身全此信
尚書重如威太守憐滿庭看玉樹更有一枝連

題湖上蘭若示清會上人

峯心惠忍寺嶮頂謝公山何似南湖近芳洲一畝間意中
雲木秀事外水堂閑永日無人到時看獨鶴還

秋宵書事寄吳馮

真性在方丈寂寥無四隣秋天月色正清夜道心真大夢
觀前事浮名悟此身不知庭樹意榮落感何人

題山壁示道維上人

獨居何意足山色在前門身野長無事心冥自不言閑行
數亂竹靜坐照清源物外從知少禪徒不耐煩

晚秋登佛川南峯懷裴例

登嶺望落日眇然傷別魂亭臯秋色遍游子荊門世故
東西客山空斷續猿此心誰復見寂寞偶芳蓀

訪陸處士羽

太湖東西路吳王古山前所思不可見歸鴻自翩翩何山
賞春若何處弄春泉莫是滄浪子悠悠一釣船

酬李侍御萼題者心道場賦以眉毛腸心牙等
五字畫得牙字

我法從誰悟心師是貫花三塵觀種子一雨發萌芽定起
輪燈缺宵分印月斜了空如藏史始肯會禪家

辯止論亦有九流一

曰禪家者流

酬姚補闕南仲雲溪館中戲題隨書見寄

寺溪臨使府風景借仁祠補袞周官貴能名漢王思臥雲

知獨處望月憶同時忽枉緘中贈瓊瑤滿手持

春夜期裴都曹濟集心上人院不至

東林期隱吏日月為虛盈遠望浮雲隔空憐定水清逍遙
方外侶荏苒府中情漸聽寒鞞發淵淵在郡城

和裴少府懷京兄弟

宦遊三楚外家在五陵原涼夜多歸夢秋風滿故園北書
無遠信西候獨傷魂空念青門別殷勤岐路言

和閻士和望池月荅人

片月忽臨池雙蛾憶畫時光浮空似粉影散不成眉孤枕

應驚夢寒林正入帷情知雨處望莫怨獨相思

遙和塵外上人與陸澧夜集山寺問涅槃義無

賞陸生文卷

北山人自號

共是竹林賢

孫綽僧史以七人配德祇阮號竹林七僧

心從貝葉傳說經看月

喻開卷愛珠連清淨遙城外蕭疎古塔前應隨北山子高

頂枕雲眠

春日和盧使君幼平開元寺聽妙奘上人講時

上人將遊五臺

仁聖垂文在虛空日月懸後遲遲哲匠宗旨發幽詮法受

諸侯請心教四子傳春生雪山草香下棘林天願我從今

日聞經悟宿緣涼山萬里去應為教猶偏

答李侍御問

入道曾經離亂前長干古寺住多年愛貧惟製蓮花足取

性閑書樹葉偏自笑不歸看石榜誰高無事弄苔泉身外

空名何足問吾心已出第三禪

奉酬李負外使君嘉祐蘇臺屏營居春首有懷

昔歲為邦初未識今朝休沐始相親移家水巷貧依靜種

柳風窻欲占春詩思先邀烏府客山情還訪白樓人登臨

許作煙霞伴高在方袍間幅巾

和李舍人使君紆題雲明府道室

許令如今道性雲曾經西岳事桐君
沃霞手把應怜壽黃鶴心期擬作
群金錄時教弟子檢砂牀不遣世人
聞桂陽亦是神仙守分別無嗟兩地分

奉和陸中丞使君長源寒食作

寒食江天氣最清庾公晨望動高情
因逢內火千家靜便覩行春萬木榮
深淺山容飛雨細縈紆水態拂雲輕
腰章本郡誰相似數日臨人政已成

奉酬袁使君送陸鬬却迴期過寺院

欲別湖上客暮期西林還高秋風音
表放舟月色間更人莫報夜禪閣本無
關

招韓武康章

山僧雖不飲酤酒引陶潛此意無人別
多為俗士嫌

秋居法華寺下院望高頂贈如獻上人

峯色秋天見松聲靜夜聞影孤長不出
行道在寒雲

贈常早陸羽

只將陶與謝終日可忘情不欲多相識
逢人懶道名

戲呈薛彝

山僧不厭野才子會須狂何處銷君興春風擺綠楊

贈顏主簿

漢家儀禮盛名教出諸顏更見尚書後能文在子山

贈融上人

常愛西林寺池中月出時芭蕉一片葉書取寄吾師

聽寒更寄朱兵曹巨川

歌枕聽寒更寒更發還任一夜千萬聲幾聲到君處

早春書懷寄李少府仲宣

併序

予故里在長城下山昔歲屬狂寇陷沒江左親
故離散永望粉梓不覺傷懷因李使君長城遂
寄是詩以見情也

早年初問法因悟日中花忽值胡雛起芟夷若亂麻脫身
投彼岸弔影念生涯跡與空門合心將世路賒東田已蕪

沒

東部公有
東田詩

南澗益傷嗟

稜陵記曰南
澗竭謝氏滅

崇替驚人事凋殘

感物華知君過我里惆悵舊煙霞

贈和評事判官

廷評年少法家流心似澄江月正秋學究夫人知遠識權

分鹽鐵許良籌春風憶酒烏家近好月論禪謝寺幽清白
比來誰見賞憐君獨有富人侯

酬秦系山人題

雲林出空鳥未歸松吹時飄雨浴衣石語花悲徒自
心見境盡為非

酬秦系山人戲贈

正論禪寂忽狂歌莫是塵心顛倒多白足行花曾不染黃
囊貯酒欲如何

貽李湯

茅氏常論七真記壺公愛說三山事寧知梅福在人間獨
為蒼生作仙吏日服丹砂骨自清膚如冰雪心更明山中
玉筍是仙藥袖裏素書題養生願隨黃鶴一輕舉仰望青
霄獨延佇平生好駿君已知何必山陰訪王許

述祖德贈湖上諸沈

我祖文章有盛名千年海內重嘉聲雪飛梁苑操奇賦

梁苑

出惠連公雪賦春發池塘得佳句

康樂云池上樓詩夢惠連方得池塘生芳草之句

世業

相承及我身風流自謂過時人初看甲乙矜言語對客偏
能鳴鶴舞

尚公少善馬

飽用黃金無所求長裾曳地干王侯一

朝金盡長裾裂吾道不行計亦拙歲晚高歌悲苦寒空堂
危坐百憂攢昔時軒蓋金陵下何處不傳沈與謝田公與
約俱是
西邸
八支
綿綿芳藉至今聞眷眷通宗有數君誰見予心獨飄
泊依山寄水似浮雲

舟行懷閻士和

二月湖南春草遍橫山渡口花如霰相思一日在孤舟空
見歸雲兩三片

贈張道士

玉京真子名太一因服日華心如日此心不許世人知只

向仙宮未曾出

戲呈吳馮

世人不知心是道只言道在他方妙還如瞽老望長安長
安在西向東笑

雜言宿山寺寄李中丞洪

偶來中峰宿閑坐見真境寂寂孤月心亭亭圓泉影
滿山花落始知靜從他半夜愁猿驚不廢此心長杳冥

雜言戲呈吳馮

予讀古人書遂識古人面不是識古人邪正心自見貴義

輕財求俗譽一錢與人便驕倨昨朝為火今為水此道非君獨撫膺

感興贈烏程李明府伯宜兼簡諸秀才

門前峴山近無路可登陟徒愛峴山高仰之常歎息不如松與桂生在重巖側

杼山集卷之第三

唐 吳興 釋 皎然 清晝撰

奉和顏使君真卿與陸處士羽登妙喜寺三癸

亭亭即陸生所創

秋意西山多列岑縈左次繕亭歷三癸

以癸丑年癸卯朔癸亥日立故為顏

名疏址隣釋寺元化隱靈蹤始君啟高致誅榛養翹楚鞭

草理芳穗俯砌披水容通天掃峯翠境新耳目換物遠風

煙異倚石忘世情援雲得真意嘉林幸勿剪禪侶欣可庇

衛法大臣過佐遊群英萃龍池護清澈虎節到深邃徒想

崦頂期于今沒遺記

奉陪陸使君長源裴端公樞春遊東西武丘寺

雲水夾雙刹遙疑涌平陂入門見藏山元化何由窺曳組

探詭怪停驄訪幽竒情高氣為爽德暖春亦隨瑤草自的

皦蕙宋本樓爭蔽虧金精發壞陵劍彩沉靈池一覽弔天

界中峰步未移應嘉宋本生公石列坐援松枝

奉和陸使君長源夏月遊太湖此時公權領湖州

庾公心曠遠府事局耳目遂與南湖遊開襟滌煩燠始知

皇天意積水在亭育細流信不讓動物欣所蓄萬頃合天

容洗然無雲族峭嶠嶺仙嶺神仙傳洞庭超遙隨明牧知

公愛澄清波靜氣亦肅已見橫流極况聞長鯨戮會北信至王師

已取長安中洲暫採蘋即柳惲汀洲採南郡思剖竹公時改授信州向

夕分好風飄然送歸舳

奉和崔中丞使君論李侍御登爛柯山石橋寺

効小謝體

常愛謝公郡幽期願相從果迴青驄臆共躡玄仙蹤靈境

若髮鬢爛柯思再逢飛梁丹霞接古局蒼苔封住想冥昧

理誰親冰雪容蕙樓聳空界蓮宇開中峯今為仙寺普是

昇仙之處見在昔化冲虛鶴今藏護法龍雲窺香樹杳月見色天
重永夜寄岑寂清言滌心胃盛遊千年後書在巖中松

同顏使君真卿李侍御夢遊法華寺登鳳翅山
望太湖

雙峰開鳳翅秀出南湖州地勢抱郊樹山威增郡樓正逢
周柱史來會魯諸侯緩步凌彩雋清鏡發颼颼披雲得靈
境拂石臨芳洲積翠遙空碧含風廣澤秋蕭辰資鹿思高
論驚精修何似鍾山集微文及惠休

奉陪陸使君長源諸公遊支硎寺
寺即支公學道處

嘗覽高逸傳山僧有遺蹤佐遊繼雅篇嘉會何由逢塵世
即下界色天當上峰春暉遍衆草寒色留高松繚繞彩雲
合叅差綺樓重瓊葩灑巾烏石瀟清心胃靈境若可託道
情知所從

奉陪鄭使君諤遊太湖至洞庭山登上真觀却
望湖水

郡齋得無事放舟下南湖湖中見仙邸果與心賞俱不遠
風物變忽如寰宇殊背雲視層崖別是登蓬壺突兀盤水
府叅差杳天衢迴瞻平蕪盡洪流豁中區氣吞江山勢色

靜氛靄無靈長習水德勝勢當地樞朝宗動歸心萬里思
鴻途

奉和袁使君高郡中新亭會張練師畫會上人
置亭隱城堞事簡跡易幽公性崇儉素雅才非廣求傍簷
竹雨清拂案杉風秋不移府中步登茲如遠遊坐覺詩思
高俯知物役休虛寂偶禪子逍遙親道流更聞臨川作下
節安能訓

奉和陸使君長源水堂納涼效曹劉體

柳家陶暑亭意遠不可齊煩襟蕩朱絃高步援綠夷愛公

滿亭客來是清風攜澄渟前溪上曠望古郡西六月正中
伏水軒氣常淒野香襲荷芰道性親鳧鷖禪子顧惠休逸
民重劉黎乃知高世量不以出處睽

夏日奉陪陸使君長源公堂集

府中自清遠六月高梧間寥亮泛雅瑟逍遙扣玄關嶺雲
與人靜庭鶴隨公閑動息諒兼遂茲情即東山

伏日就湯評事衡湖上避暑

大火方燥石停雲晝亦收將從賞心侶寸景難遠遊擁几
苔炎伏出門望汀洲迴溪照軒宇廣陌臨梧楸釋悶念雅

珥必放情思亂流更持無生論可以清煩憂

奉和顏使君真卿修韻海畢會諸文生東堂

重校

外學宗碩儒游焉從後進恃以仁恕廣不學門欄峻著書
禪理化奉上表誠信探討始河圖紛綸歸海韻親承大匠
琢况覩頽波振錯簡記鉛槧

音

載閱書移玉鎮曷由旌不朽

盛美流歌引

喜義興權明府自居山至集陸處士羽青塘

別業

應難久辭秩暫寄君陽隱已見縣名花會逢闈是粉本自
尋人至寧因看竹引身閑白雲多門占春山盡最賞無事

心籬遠釣溪近

夏日集李司直縱溪齋

脩景屬良會遠颺生煩襟泄雲收淨綠衆木積芳陰疏滌
府中務迢遙湖上心習閑得招我賞月宜泛琴山近資性
靜月未寄情深澹然若事外豈藉隳華簪

夏日題桐廬楊明府納涼山齋

陶家無炎暑自有林中峰席上落山影桐梢迴水容放懷
涼風至緩步清陰重何事親堆按猶多高世蹤

和楊明府早秋遊法華寺

釋事出縣閭初聞茲山靈寺扉隱天色影刹遙丁丁碧峯
委合杳香蔓垂窠苓清景為公有放曠雲邊亭秋賞石潭
潔夜嘉杉月青誦空性不昧助道跡又經是以於物理紛
然未若形移來字人要全與此道冥

宿道士觀

古觀秋木秀冷然屬鮮風瓊葩被修蔓栢實滿寒條影殿
山寂寂寥天月昭昭幽期寄仙侶習定至中宵清佩聞虛
步真官方宿朝

冬日天井西峯張鍊師所居

採薪逢野泉暫見樓閣所坎坎山上聲幽幽林中語仙鄉
何代隱鄉服言亦楚開水淨藥苗掃雪候山侶零葉聚敗
籬幽花積寒渚冥冥孤鶴性天外思輕舉

奉同顏使君真卿開元寺經藏院會觀樹文

殊碑

萬國布殊私千年降祖師鴈門傳法至龍藏立言特故實
刊周典新聲播魯詩六鉢那更拂劫石盡無期

奉同盧使君幼平遊精舍寺

影刹西方在虛空翠色分人天霽後見猿鳥定中聞真界
隱青壁春山凌白雲今朝石門會千古仰斯文

奉同顏使君真卿袁侍御駱駝橋翫月

山中常見月不及共遊時水上恐將缺林端愛落遲鳥驚
憲府客人詠鮑家詩永夜南橋望徘徊若有期

和邢端公登臺春望句句有春字之什

春日繡衣輕春臺別有情春煙間草色春鳥隔花聲春樹
亂無次春山遙得名春風正飄蕩春雍瓦莫須傾

經仙人渚即沈山下古人沈義白日昇僊處

日月人間短何時得此仙古人春已盡遺渚事空傳不見
騰雲駕徒臨洗藥泉如今成逝水翻使恨流年

獨遊二首

性野趨無端春晴踞又乾逢泉破石弄放鶴向雲看好僻
誰相似從狂我自安芳洲亦有意步上白沙灘

其二

臨水興不盡虛舟可同嬉還雲與歸鳥若共山僧期世事
吾不預此心誰得知西峰有禪老應見獨遊時

游溪寺待月

溪色思泛月泓洄欲未歸殘燈逢水店踈磬憶山扉夜浦
魚驚少空林鵲逸稀可中纔望見撩亂擣寒衣

西溪獨泛

道情何所寄素舸漫流間真性恰高鶴無名羨野山經寒
叢竹秀入靜片雲閑泛泛誰為侶惟應共月還

早秋陪韓明府泛阮元公溪

公嘗言禪功可入
而宦情詎能忘故

詩中有此
意戲之

雨信清殘暑蕭條古縣西早涼生浦淑秋意滿高低前事
雖堆案閑情得沂溪何言戰未勝空寂用還齊

九日陪顏使君真卿登水樓

重陽荆楚尚高會此難陪偶見登龍客同遊戲馬臺風文

向水疊雲態擁歌迴持菊煩相問捫襟愧不才

與盧孟明別後宿南湖對月

五湖生夜月千里滿寒流曠望烟霞盡淒涼天地秋相思
路渺渺獨夢水悠悠何處空江上徘徊送客舟

自義亭驛送李長史後夜宿臨平東湖

長亭賓馭散岐路起悲風千里勲王事驅車明月中寒生
洞庭水夜度塞門鴻處處堪傷別歸來山又空

出遊

少時不見山便覺無竒趣狂發從亂歌情未任閑步此心

誰共證笑看風吹樹

界石守風望天竺靈隱二寺

山頂東西寺江中旦暮潮歸心不可到松路在清霄

奉和顏使君脩韻海畢州中重宴

世學高南郡身封盛魯邦九流宗韻海七字揖文江借賞
雲歸堞留歡月在窓不知名教樂千載與誰雙

晦日陪顏使君白蘋洲集

南朝分古郡山水似湘東堤月湖風在湔居楚客同桂寒
初結旆蘋小欲成叢時晦佳遊促高歌聽未終

冬至日陪裴端公使君清水堂集

亞歲崇高晏華軒照綠波渚芳迎氣早山翠向晴多推往
知時訓書雲辨政和從公惜日短留賞夜如何

陪盧判官水堂夜宴

暑氣當宵盡徘徊坐月前靜依山堞近涼入水扉偏久是
棲林客初逢佐幕賢愛君高野意烹茗釣淪漣

新秋同盧侍御薛員外白蘋洲月夜

隔暑蘋洲近迎涼欲泛舟榮從憲府至喜會夕郎游氣奪
滄浪色風欺汗漫流誰言三伏夜獨此月前秋

夏日集裴錄事北亭避暑

前林夏雨歇為我生涼風一室煩暑外衆山清景中忘歸
親野水適性許雲鴻蕭散都曹吏還將靜者同

與王錄事會張徵君姊妹鍊師院翫雪兼懷清

上人

何意庶從事還未會默仙寒空驚雪遍春意入歌偏瑤草

三花發瓊林七葉連飄飄過柳寺應滿譯經前

和李侍御萼歲初夜集處士書閣

書閣即侍御所創

遲賢新置閣高意北郊居古逕行春早新窓見月初放歌

還倚瑟講道亦觀書為我留禪位未逢此會疎

湯評事衡水亭會覺禪師

山侶相逢少清晨會水亭雪晴松葉翠煙暖藥苗青靜對
滄洲鶴閑看古寺經應憐叩關子了義共心冥

與朝陽山人張朝夜集湖亭賦得各言其志

洞庭孤月在秋色望無邊零露積衰草寒螿鳴古田茫茫
區中想寂寂塵外緣從此悟浮世胡為傷暮年

晦夜李侍御萼宅集招潘述湯衡海上人飲

茶賦

晦夜不生月琴軒猶為開牆東隱者在淇上逸僧來茗爰

傳花飲詩看卷素裁風流高此會晚景屢徘徊

寄昱上人上方屋

厭向人間住逢山欲懶歸片雲閑似我日日在禪扉地靜
松陰遍門空鳥語稀夜涼踈磬盡師友自相依

夏日與綦母居士昱上人納涼

為依鑪峰住境勝增道情涼日暑不變空門風自清坐援
香實近轉愛綠蕪生宗炳青霞士如何知我名苗青精

建元寺集皇甫侍御書閣

不因居佛里無事得相逢名重朝端望身高俗外蹤公愛講佛

經營云慕劉處士深詣至理

機閑看淨水境寂聽疎鐘宣室恩長在知

君志未從

郭北尋徐主簿別業

近依城北住幽逕少人知積雪行深巷間雲繞古籬竹花
冬更發橙實晚仍垂還共巖中鶴今朝下淶池

題報德寺清幽上人西峯

寺即陳文帝故鄉

陳世凋亡後仁祠識舊山帝鄉喬木在空見白雲還雙塔
寒林外三陵暮雨間此中難戰勝君獨啓禪關

題鄭谷江畔桐齋

鄭生好琴性達無寡欲

客齋開別住坐占綠江瀆流水非外物閑雲長屬君浮榮
未可累曠達若為群風起高梧下清絃日日聞

和閻士和李蕙冬夜重集

郡理日閑曠洗心宿香峯雙林秋見月萬壑靜聞鍾佩玉
行山翠交麾動水容如何股肱守塵外得相從

春日陪顏使君真卿皇甫曾西亭重會韻海

諸生

為重南臺客朝朝會魯儒暄風衆木變清景片雲無峯翠
飄簷下溪光照座隅不將簪艾隔知與道情俱

寒食日同陸士行報德寺宿解公房

古寺章陵下潛公住幾年安心生軟草灌頂引春泉寂寂
傳燈地寥寥禁火天世間多暗室白日為誰懸

兵馬曹季良宅夜集

清景不可失尋君趣有餘身高避事後道長問心初出處
名則異遊從跡何踈吟看刻畫燭笑卷讀殘書露彩生筆
硯風音入庭除平明山侶散敲觥動迴車

同李侍御萼李判官集陸處士羽新宅

素風千戶敵新語陸生能借宅心常遠移籬多更弘釣絲
初種竹衣帶近栽藤戎佐推兄弟詩流得友朋柳陰容過

客花逕許招僧不為墻東隱人家到未曾

題報恩寺惟照上人房

上界雨色乾涼宮日遲遲水紋披菡萏山翠動呆愚中有
清真子惜惜步閑墀手縈頗黎縷願證黃金姿旋草堦下
生者心當此時亦名苾芻草枝葉皆右旋故名旋草草有五德

尋天目徐君

常見仙翁變姓名豈知松子號初平逢人不道往來處賣
藥還將鷄犬行獨鶴天邊俱得性浮雲世上共無情三花
落盡君猶在笑撫安期昨日生

同李著作縱題塵外上人院

百緣唯有什公瓶萬法但看一字經從遣鳥喧心不動任
教香醉境常冥蓮花天晝浮雲卷貝葉宮春好月停禪伴
欲邀何著作空音宜向夜中聽

題周諫別業

予寺與周生所俱臨蒼水

隱身若上欲如何不着青袍愛綠蘿柳巷任踈容馬入水
籬從破許船過昂藏獨鶴開心遠寂歷秋花野意多若訪
禪齋遙可見竹窓書幌共烟波

李中丞洪水亭夜集

佳人但莫吹參差正憐月色生酒卮山公取醉不關我為
愛尊前白鷺鷥

題秦系山人入麗句亭

獨將詩教領諸生但看青山不愛名滿院竹聲堪愈疾亂
林花片足忘情

春夜集陸處士翫月

欲賞芳菲肯待辰忘情人訪有情人西林可是無清景祇
為忘情不記春

寄題雲門寺梵月無側房

時人相傳是實
月道人後身也

實一作寶

越山千萬雲門絕西僧貌古還名月清朝掃石行道歸林
下眠禪看松雪

法華寺上方題江上人禪室

路入松聲遠更奇山光水色共參差中峰禪寂一僧在坐
對梁朝老檜枝

冬日山行遇薛徵君

我行倦脩坂四顧無平陸雨霽鳴鷹鷗天寒聚麋鹿幽人
訪名士家在南崗曲菜實縈小園稻花遶山屋深居寡憂

悔勝境怡耳目微心尚與我永言謝浮俗

雜言往丹陽尋陸處士不遇

遠客殊未歸我來幾惆悵叩關一日不見人繞屋寒花笑
相向寒花寂寂遍荒阡柳色蕭蕭愁暮蟬行人無數不相
識獨立雲陽古驛邊鳳翅山中思本寺魚竿村口望歸船
不見見寒烟離心遠水共悠然他日相期那可定閑僧着
處即經年

集湯評事衡湖上望微雨

蒼涼遠景中雨色綠山有雲送滿洞庭風吹繞楊柳蕭蕭

解輕袂盡日隨林叟

九日與陸處士羽飲茶

九日山僧院東籬菊也黃俗人多泛酒誰解助茶香

夜過康錄事造會兄弟

愛君門館夜來清瓊樹雙枝是弟兄月在詩家偏足思風
過客位更多情

杼山集卷之第四

唐吳興釋皎然清晝撰

送梁拾遺歸朝

梁名肅

明主重文諫才臣出江東
東書辭東山改服臨北風
萬里望皇邑九重當曙空
天開芙蓉闕日上蒲桃宮
天子初未起金閨籍先通
身逢軒轅世名貴鴛鴦中
故人榮此別何用悲絲桐

奉陪楊使君頊送段校書赴南海幕

碩賢靜廣州信為天下貞
屈茲大將佐籍彼延閣英
聲動

柳吳興郊餞意不輕吾知段夫子高論閔蒼生處以德為
藩出則道可行遙知南樓會新景當詩情天高木瘡洗秋
遠海色青時泰罷飛檄唯應頌我成

送陸侍御佳赴上京

長安三千里喜行不言永清路黃塵飛大河蒼流靜更懷
西川府主公昔和鼎伊鬱瑤瑟情威遲花駘影此時已難
別日又無停景出餞闕相從心隨過前嶺

奉陪顏使君真卿登峴山送張侍御嚴歸堂

峴首千里情北轅自茲發煙霞正登覽簪筆限趨謁黃鶴

望天衢白雲歸帝闕客心南浦柳離思西樓月留賞景不
延感時方易歇他晨有山信一為訪林越

酬元主簿子球別贈

故人方遠適訪我陳別情此夜偶禪室一言了無生覽君
緘中寶如搴青玉瑛胡為蘊高價歲晚徒營營辭秩貧且
病何人見艱貞出無黃金橐空歌白苧行威遲策駑馬獨
望故關樹渺渺千里心春風起中路近聞新拜命鳶鳳猶
棲棘勸君寄一枝且養冥冥翼井泉多竹花明年待君食

答道素上人別

春色遍遠道寂寞閨中行碧水何渺渺白雲亦英英離人
不可望日暮芳洲情黃鶴有逸翮翹翹白雲輕欲為山中
侶肯祕遼天聲藍縷真子褐歲近臣纓以茲奪爾懷常
恐道不成吾門弟子中不減惠休名一性研已遠五言功
更精從君汗漫游莫廢學無生忍草肯搖落禪枝不枯榮
采采慰長路知吾心不輕幻情有去住真性無離別留取
老桂枝歸來共攀折

雪溪館送韓明府章辭滿歸

洛令從告還故人東門餞惠愛三年積軒車一夜遠曉月
離館空秋風故山晚榮君有嘉薦願我阻遊衍宿昔峰頂
心依依不可卷

送穆寂赴舉

天子錫玄纁傾山禮隱淪君拋青霞去榮資觀國賓劍光
既陸離瓊彩何璘玢夙駕別情遠商絃秋意新冥冥鴻鵠
姿數尺看蒼旻殘寇近宋郊西行惡颶塵立身素耿介處
難思經綸春府搜才日高科得一人

送張仲彝歸長沙

早聞凌雲彩謂在鴛鴦儔華髮始相遇滄江仍旋遊策名

忘寄進澹慮輕所求常服遠遊誠緬懷經世謀片帆背風
渚萬里還湘洲別望荆雲積歸心漢水流蘭若行采采桂
棹思悠悠宿昔無機者為君動離憂

秋日毗陵南寺送潘述之揚州

孤客秋易傷嘶蟬靜仍續佳晨亦已屢歡會常不足禪地
非路歧我心常羈束情生遠別時坐恨清景促望中千里
隔暮歸西山曲蕭條月中道彩籬原上綠不見同心人幽
懷增躑躅

春日又送潘述之揚州

別渚望邗城岐路春日遍柔風吹楊柳芳景流郊甸日日
東林期今昔異鄉縣文房曠佳士禪室阻清眄潘生曾離
受禪印離
恨奪心賞不得諧所願莫憶山中人碧雲遙可見

新秋送盧判官

故人念宿昔欲別增遠情入座炎氣屏為君秋景清由來
空山客不怨離絃聲惟有暮蟬起相思碧雲生

奉送袁高使君詔徵赴行在劾曹劉體

皇心亭毒廣螫賊皆陶甄未刈蚩尤旗方同軒后年天子
幸漢中轅轅阻氛煙壘書召英牧名在列岳仙國難倚長

城廟謀資大賢清損休汝騎仁留述職篇遐路渺天未繁
茄思何邊飾徒促遠期祇命赴急宣謏才豈足稱深仁願
何偏那堪臨流意千里望旗旃

奉送陸中丞長源詔徵入朝

詔下鄴侯幕徵賢寵上勲才當持漢典道可致堯君藩牧
今榮餞詩流此盛文水從吳渚別樹向楚門分宿寺期嘉
月看山識故雲歸心復何能怙悵在江濱

能字誤
或作耐

奉送中丞道昌入朝

文憲中司盛恩榮外鎮崇諸侯皆取則八使獨推功詔喜

新銜鳳車看舊飾熊去思今武子餘教昔文翁清在如江
水仁留是國風光徵二千石掃地望司空

冬日送顏延之明府撫州覲叔父

臨川千里別惆悵上津橋日暮人歸盡山空雪未銷鄉心
雲渺渺楚水路遙遙林下方歡會山中獨寂寥天寒驚斷
鴈江信望迴潮歲晚流芳歇思君在此宵

送關小師還金陵

如何有歸思愛別欲忘難白鷺汀沙晚青龍水寺寒蕉花
鋪靜地桂子落空壇持此心為境應堪夜月看

峴山送裴秀才赴舉

漢家招秀士峴上送君行
萬里見秋色兩河傷遠情
王師出西鎬虜寇避東平
天府登名後迴看楚水清

酬別襄陽詩僧少徵

詩中卷上人
歸夢之意

證心何有夢示說夢歸頻
文字齋秦本詩騷學楚人
蘭開衣上色柳向手中春
別後須相見浮雲是我身

送契上人遊

西陵古江口遠見東揚州
淶水不同泛春山應獨遊
尋僧白巖寺望月謝家樓
宿昔心期在人寰非久留

送德清衛明府赴選

時柳黜陟
有薦狀

八使慎求能東人獨薦君
身猶千里限名已九霄聞
遠路翻喜別離言暫惜分
鳳門多士會擁佩入卿雲

送鄭孝廉淮西覲省

離袂翠華滿晨羞欲早行
春風生楚樹曉角發隨城
野靄濕衣綵江鴻增客情
征途不用戒坐見白波清

送沈秀才之閩中

越客不成歌春風起淶波
嶺重寒不到海近瘴偏多
野戍枕柳發人家翡翠過
翻疑此中好君問定如何

送清會上人遊

佳遊限衰疾一向笑西風思見青門外曾臨素澹東峰明

雲際寺

寺名

日出露寒宮

宮名

行道禪長在香塵不染空

送沈居士還太原

辭鄉因世難家族盛南朝名重郊居賦

沈休之作郊居賦

才高獨

酌謠

沈文子作

浪花飄一葉峯色向三條高逸雖成性弓旌肯

忘招

奉同顏使君真卿峴山送李法曹陽冰西上獻

書時會有詔徵赴京

漢日中郎妙周王太史才雲書捧日去鶴版下天來草見

吳洲發花思御苑開羊公惜風景欲別幾遲迴

兵後送姚太祝起選

兩河兵已偃處處見歸舟日夜故人散江臯芳樹秋楚雲

傷遠思秦月憶佳遊名動春官籍翩翩才少儔

兵後送薛居士移家安吉

舊遊經喪亂道在復何人寒草心易折閑雲性常真交情

別後見詩句比來新向我桃州住惜君東嶺春

送鄔僂之洪州覲兄弟

年少足詩情西江楚月清書囊山翠濕琴匣雪花輕久別
經離亂新正憶弟兄贈君題樂府為是豫章行

送乾封李成

羽檄飛未息離情遠近同感君由泛瑟關我是征鴻眇默
歸人盡踈蕪夜渡空還期當歲晚獨在路行中

送崔判官還楊子

輕傳祗遠役依依下姑亭秋聲滿楊柳暮色繞郊垆煙水
搖歸思山當楚驛青

奉酬袁使君西樓餞秦山人與晝同赴李侍御

招三韻

秋風怨別情江守上西城竹署寒流淺琴窓宿雨晴治書
招遠意知共楚狂行

送清涼上人

何意欲歸山道高由境勝花空覺性了月靜知心證永夜
出禪吟清猿自相應

送李丞使宣州

結駟何翩翩落葉暗寒渚夢裏春穀泉愁中洞庭雨聊持
剡山茗以代宜城醕

送至洪沙彌遊越

知爾學無生不應傷此別相逢宿我寺獨往遊靈越早晚
花會中經行剡山月

送皇甫侍御曾還丹陽別業

雲陽別夜憶春耕花發菱湖問去程積水悠揚何處夢亂
山稠疊此時情將離有月教絃斷贈遠無蘭覺意輕朝右
要君持漢典明年此墅可須營

白蘋洲送洛陽李丞還

蘋洲北望楚山重千里迴輶止一封臨水情來還共載看

花醉去更相從罷官風渚何時別寄隱雲陽幾處逢後會
那應似疇昔年年覺老雪山容

送履霜上人還金陵西山

携錫西山步綠莎禪心未了奈情何湘宮水寺清秋夜月
落風悲松柏多

送辨聰上人還廣陵

莫學休公學遠公了心須與我心同隋家古柳數株在看
取人間萬事空

送清勵上人遊福建

禪子自矜禪性成
將來擬照建溪清
南看閩樹花不落
更取何緣了妄情

送顧道士遊洞庭山

見說洞庭無上躡
春遊亂踏五靈芝
含桃風起花狼籍
正是仙翁碁散時

送刑台州濟

海上仙山屬使君
石橋竒樹古來聞
他時畫出白團扇
乞取天台一片雲

送柳察諫議叔

東城南陌強經過
怨別無心亦放歌
明日院公應問我
閒雲常在石門多

送柳淡扶持赴洪州

此子素少宦情
共予有西山之好

中林許師友
忽阻夙心期
自顧青緇好
來將黃鶴辭
少年輕遠涉
世道得無欺
煙雨孤舟上
晨昏千里時
離魂渺天末
相望在江湄
無限江南柳
春風卷亂絲

同李司直縱題武丘寺兼留諸公與陸羽之

無錫

陵寢成香阜
禪枝出白楊
劍池留故事
月樹即他方
應世緣須別
栖心趣不忘
還將陸居士
晨發泛歸航

夏日題鄭谷江上納涼館

超遙山意外清風又對君若為于此地翻作路歧分別館
琴徒語前洲鶴自群明朝天畔遠何處逐閑雲

太湖館送殷秀才赴舉

春風洞庭路搖蕩暮天多衰疾見芳草別離傷遠波詩名
推首薦賦甲擬前科數日聞天府仙衣製芰荷

送重鈞上人遊天台

漸看華頂出幽意高隨生十里行松竹千重過水聲海容
雲正盡山態雪初晴事事將心證知君道可成

早春送顏主簿遊越東兼謁元中丞

輕舸趣不已東風吹綠蘋欲看梅市雪知賞柳家春別意
傾吳醕芳聲動越人山陰三月會內史得佳賓

同顏使君清明日遊因送蕭主簿

誰知賞嘉節別意忽相和暮色汀洲遍春晴楊柳多高城
戀旌旆極浦宿風波惆悵友山月今宵不再過

送道琚上人還金陵

一與鍾山別山中得信稀經年求法後及夏問安歸野實
充其膳池花當彩衣慈親莫返拜外禮欲無為

送裴邕之上京

辭山偶世情，挾策忽西行。
帆過隋江疾，衣沾楚雪輕。
尚文須獻賦，重道莫論兵。
東觀今多事，應高白馬生。

送珎上人還天竺兼寄廣通上人秦山人

江寺名天竺，多君攝遠踪。
春帆依柳浦，輕履上蓮峰。
禪子兼三隱，空書共一封。
因君達山信，應向白雲逢。

送張孝廉赴舉

名在諸生右，家經見素風。
春田休學稼，秋賦出儒宮。
別路殘雲濕，雜情晚桂叢。
明年石渠署，應繼叔孫通。

送劉司法之越州

蕭蕭鳴夜角，驅馬背城濠。
雨後寒流急，秋來朔吹高。
三山期望海，八月欲觀濤。
幾日西陵路，應逢謝法曹。

送簡栖上人之建州覲使君舅

亂峰江上色，羨爾及秋行。
釋氏推真子，郗家許貴甥。
艷花新雨淨，帆葉好風輕。
千里依元舅，迴潮亦有情。

海人以木葉為帆

登開元寺樓送崔少府還平望驛

登望思慮積，長亭樹連連。
悠揚下樓日，杳映傍帆烟。
八夜西郊靜，南湖月待船。

送王居士游越

野性配雲泉詩情屬風景
愛作瀾漫游閑尋東路永何山
最好望湏上蕭然嶺

雜言重送皇甫侍御曾

人獨歸日將暮孤帆帶孤嶼
遠水連遠樹難作別時心還
看別時路

送演上人之撫州覲使君叔

臨川內史憐諸謝爾在生緣
比惠宗遠別應將秦木去幽
尋定有楚僧逢停船夜坐親
孤月把錫秋行八亂峯便道

湏過太師寺白蓮池上訪高踪

送大寶上人歸楚山

厭上烏橋送別頻湖花瀾漫望
行人欲將夜舸陪嘉月肯
住空林伴老身獨鶴翩翩飛
不定歸雲蕭散會無因從何
得道懷惆悵莫是人間屢見春

送侯秀才南遊

芳草隨君自有情不關山色與猿聲
為看嚴子灘頭石曾憶題詩不着名

別洞庭維諒上人

白雲關我不關他此物留君情最多情着春風生橘樹歸
心不怕洞庭波

康造錄事宅送太祝姪之虔吉訪兄弟

阮咸別曲四座愁賴是春風不是秋漫漫江行訪兄弟猿
聲幾夜宿蘆洲

冬日梅溪送裴方舟宣州

平明足馬上村橋花發梅溪雪未銷日短天寒愁送客楚
山無限路遙遙

送常向陸州謁獨孤使君記

才子南看多遠情閑舟蕩漾任春行新安江色長如此何
似新安太守清

送至嚴山人歸山

初到人間柳始陰山書昨夜報春深朝朝花落幾株樹惱
殺禪僧未證心

送僧遊揚州

平明擇鉢向風輕正及隋堤柳色行知爾禪心還似我故
宮春物肯傷情

晉書

平陽對桂園風送五侯龍對財志百味再舉心空如好

趙郡趙郡世之

蘇東對未盛心

蘇陸人間味飲山書雅野群春紫照腹引武幾林

趙至器山人驪山

如陳艾人市書

下午南音多盡計開丹萬乘到春許祥之

杼山集卷之第五

唐 吳興 釋 皎然 清晝撰

兵後餘不亭重送盧孟明遊江西并序

孟明常引支子元道人修習禪心兼餌芝朮遂

與予有栖山之契其宦情未遣故歡勉之

携手曾此分况如隔胡越倫侯古封邑榮盛風雨歇飢飈

號空亭野草生故轍如何此路岐更作千里別馮軾望遠

道春山無斷絕朝行入郢樹夜泊依楚月佳士持操高揚

才日招晰離言何所贈盈滿有虧缺時節傷蟪蛄芳菲忌

鷓鴣予思鹿門隱心跡貴冥滅顏顏反芝木昔貌成冰雪
歲晏期爾來銷聲坐巖穴

別山詩并序

時因主人寄風溪蘭若與道士石脇峰相憐禪
僧仙師時得道會至秋中值外緣有請別山懷
舊遂有是詩

山翁亦好禪借我風溪樹採藥多近峰汲泉有春渡幽僧
時相偶仙子或與晤自許戰勝心彌高獨遊步如何區中
事奪我林栖趨辭山下復上戀石行仍願宿昔情或乖庶

幾跡無誤松聲莫相誚此心冥去住

同袁高使君送李判官使迴

庾公歡此別路遠意猶賒為出塘邊柳榮歸府中花馳陽
照古堞遙思凝寒筇延步下前渚沂觴臨淺沙湖光引行
色輕舸傍殘霞

陪顏使君餞宣諭蕭常侍

江淮凋瘵後遠使發天都昏墊宸心及哀矜詔命敷恤民
驅急傳訪舊枉征艫外鎮藩條最中朝顧問殊文皆正風
俗名共溢寰區已事方懷闕歸期戒途繁笳咽水高蓋擁

雲衢暮色生千嶂秋聲入五湖離歌猶宛轉歸馭已踟躕
今夕庾公意西樓月亦孤

奉陪顏使君脩韻海畢東溪泛舟餞諸文士

諸侯崇魯學羔鴈日成群外史刊新韻中即定古文

魯公著書

依切韻起束字脚皆列古篆

菁華兼百氏縑素備三墳國語思開物王

言歆致君研精業已就歡宴惜應分獨望西山去將身寄

白雲

今上初登極歲送皇甫孝廉赴選

孝廉即故大夫之子

行應會府春歆勸及芳辰北極天文正東風漢律新少年

逢聖代歡笑別情親况是勲庸後思榮襲爾身

同楊使君白蘋洲送陸侍御士佳入朝

久愛吳興客來依道德藩旋師聞杖屨歸路憶轅轅舊玉

佩蒼在新歌白芷繁今朝天地靜北望重飛翻

雪夜送海上人常州親叔父上人殷仲文後

繼世風流在傳心向一燈望雲裁衲慣翫雪步花能交戰
情忘久銷魂別未曾明朝阮家集知有竹林僧

送常清上人還舒州

瀟

徐林反

人思爾法楚信有迴船估客親宵話閑鷗偶畫禪

經聲含石漱塵尾拂江烟常說歸山意誅茅廬霍前

峴山送崔子向之宣州謁裴使君

楚思入詩清晨登峴山情秋天水西寺古木宛陵城琴匣
應將往書車亦共行吾知江太守一顧重君名

送嚴明府入關謁黎京兆

春日異秋風何為怨別同潮迴芳渚沒花落晝山空旅候
聞嘶馬殘陽望斷鴻應思右內史相見直城中

送丘秀才遊越

山情與詩思爛漫欲何從夜舸誰相逐空江月自逢春期

越草秀晴憶剡雲濃便擬將輕錫携居入亂峰

送楊校書還濟源

妖烽昨日靜故里近嵩丘楚月搖歸夢江楓見早秋鄉心
無遠道北信減離憂禪子還無事辭君買沃州

送楊遂初赴選

秋風吹別袂客思在長安若得臨觴醉何須減瑟彈秉心
凌竹栢杖信越波瀾春會文昌府思君每北看

送贇上人還京

夕遊春草盡還寄北船歸沙鳥窺中食江雲滿淨衣秦原

山色近楚寺磬聲微見說翻經館多聞似爾稀

送廣通上人遊江西

香鑪七嶺秀秋色九江清自古多禪隱吾常愛此行尋師
經鄂渚受請到青城離別人間事何関道者情

送羅判官還壽州幕

君章才五色知爾得家風故里旋歸駕壽春思奉戎天寒
長虵伏颯烈文虎雄定頌張征虜桓桓戡難功

送李秀才赴婺州招

山開江色上孤賞去應遲淶水近吳榜秋風入楚詞猿清

獨宿處木落遠行時見說東陽守登樓為爾期

送薛逢之宣州謁廢使

六月鵬盡化鴻飛獨冥冥秋烽家不定險路客頻經牛渚
何時到漁舡幾處停遙知詠史夜謝守月中聽

送德守二叔姪上人還國清寺覲師

道賢齊二阮俱向竹林歸古偈穿花線春裝卷葉衣僧墟
迴水寺佛隴啓山扉愛別吾何有人心強有違

同明府章送沈秀才還石門山讀書

身為印令客心許楚山雲文墨應經世林泉漫誘君欲隨

樵子去惜與道流分肯謝申公背治詩事漢文

送吉判官還京赴崔尹幕

江南梅雨天別思極春前長路飛鳴鶴離帆聚散煙清晨
趨九陌秋色望三邊見說王都尹山陽辟一賢

送裴判官赴商幕

商洛近京師才難赴幕時離歌紛白紵候騎擁青絲會喜
疲人息應逢猾虜衰看君策高足自此烟霄期

送李喻之處士洪州謁曹王

獨思賢王府遂作豫章行雄鎮廬霍秀高秋江漢清見聞

驚苦節艱故傷遠情西邸延嘉士遺才得正平

送唐贊善遊越

田園臨漢水離亂寄誰關今日塵煙盡東西又未還長亭
百越外孤棹五湖間何處游芳草雲門千萬山

送韋秀才

晨裝行墮葉萬里望桑乾舊說涇關險猶聞易水寒黃雲
戰後積白草暮耒看近得君苗信時教旅思寬

送陳秀才赴舉

諸侯懼削地選士皆不羈休隱脫荷芟將鳴驚羽儀甲科

爭玉片詩句語花枝君實三楚秀承家有清規

烏程李明府水堂同盧使君幼平送樊上人游

五臺

身將劉令隱經共謝公翻有此宗師在應知我法存問心
恒寂樂為別豈傷魂獨訪華泉去秋風入鴈門

送李季良北歸

風吹殘柳絲孤客欲歸時掩抑楚絃絕離披湘葉衰前軍
猶轉戰故國杳難期北望鴈門雪空吟平子詩

送淳于蘭陵覲省

歡言欲忘別風信忽相驚柳浦歸人思蘭陵春草生櫛芳
心未及視枕戀常盈此去非長路還如千里情

送至洪沙彌赴上元受戒

上元江中蔡州有梁戒壇

不肯資章甫勝衣被木蘭今隨秣陵信欲及蔡州壇野寺
鍾聲遠春山戒足寒歸來次第學應見後心難

九日同盧使君幼平吳興郊外送李司倉赴選
重陽千騎出送客為踟躕曠野多搖落寒山滿路隅晴空
懸蒨旆秋色起菱湖幾日登司會揚才盛五都

送盧孟明還上都

江臯北風至歸客獨傷魂楚水逢鄉鴈平陵憶故園征驂
嘶別館落日隱寒原應及秦川望春華滿國門

送李少賓赴舉

豈謂江南別心如塞上行苦雲搖陣色亂木攪秋聲周谷
雨未散漢河流尚橫春司遲爾策方用靜妖兵

留別闍士和

不慣人間別多應忘別時逢山又逢水只畏却來遲

送李道士

常隨山上下忽限江南北共是忘情人何由肯相憶

送裴參軍還下邳舊居

北望烟鋪驃騎營虜烽無火楚天晴此時千里西歸客泗
上春風得及耕

送文會上人還富陽

悠悠渺渺屬寒波故寺思歸意若何長憶孤洲二三月春
山偏愛富春多

送維諒上人歸洞庭

從來湖上勝人間遠愛浮雲獨自還孤月空天見心地寥
寥一水鏡中山

九月八日送蕭少府歸洪州

明日重陽今日歸
布帆絲雨望霏霏
行過鶴渚知堪住
家在龍沙意有違

同顏魯公泛舟送皇甫侍御魯

維舟若許暫從容
送過重江不厭重
霜簡別來今始見
雪山歸去又難逢

送孫侍御游越

不知持斧客吟會
是何情
丹陛恩猶在
滄洲賞暫行
江橈隨月泛
山策逐雲行
佳句傳零雨
詩流許盛名

送顏處士還長沙覲省

西候風信起
三湘孤客心
天寒漢水廣
鄉遠楚雲深
服綵將侍膳
擷芳思滿襟
歸人忘艱阻
別恨獨何任

送還本上人遊江西

欲廣分何教
心將江漢期
雲招望寺處
月待沂盃時
真侶誰傷別
降猿汝自悲
多應過廬阜
幽賞却來遲

送路少府使京兼覲侍御兄

國賦推能吏
今朝發貢湖
佇瞻雙闕鳳
思見栢臺烏
樹向秦關遠
江分楚驛孤
榮君有兄弟
相繼騁長途

於武原從送盧士舉

落日歸獨客空山走馬嘶蕭條關外岐路更東西大澤雲
寂寂長亭雨淒淒君還到湘水寒夜滿猿啼

送烏程李明府得陟狀赴京

驛吏滿江城深仁見此情士林推玉振公府薦冰清為政
移風久承恩就日行仲容綸綍貴南巷有光榮

送裴秀才往會稽山讀書

一身齋萬卷編室寄煙蘿硯池滴穿小書衣種楮多吟詩
山響谷泛瑟竹聲和鶴板求儒術深居意若何

送崔庶事論之上都

崔嘗典
吳興

金虎城池在銅龍劍珮新重看前浦柳猶憶舊洲蘋遠思
秦雲暮歸心臘月春青園昔遊處惆悵別離人

京口送盧孟明還揚州

蕭蕭北風起孤棹下江濱暮客去來盡春流南北分萋萋
御亭草渺渺蕪城雲相送日千里空山獨望君

送沙彌大智遊五臺

童年隨法侶家世本儒流章句三生學清涼萬里游雲歸
龍沼暗木落鴈門秋長老應相問傳子向祖洲

送稟上人游越

雲泉誰不賞獨見爾情高
投石輕龍窟臨流笑鷺濤
折荷為片席灑水淨方袍
剡路逢禪侶多應問我曹

送潘秀才之舒州

楚水清風生楊舫泛月行
荻洲寒露彩雷岸曙潮聲
東道思才子西人望客卿
從來金谷集相繼有詩名

送王山人遊廬山

千里訪靈竒山資亦相隨
葉舟過鶴市花漏宿龍池
峰頂應閑散人間足別離
白雲將世事吾見爾心知

送道契上人之越覲大夫叔

楚僧推後輩唐本學新經
外國傳香艷何人施竹瓶
秋風別李寺春日向柯亭
大阮今為郡看君報最青

送沙彌長文遊京

白版羊猶小黃花渴已通
若為詩思逸早欲似休公
邁俗多真氣傳家有素風
應須學心地宗指在關東

秋日送擇高上人往江西謁曹王

超然獨遊趣無限別山情
予病不同賞雲間應共行
齋容秋水照香艷早風輕
曾被陳王識遙知江上迎

送如獻上人遊長安

關中四子教猶存見說新經待爾翻為法應過七祖寺忘
名不到五侯門閑尋鄠社看修竹獨上風涼望古原高逸
詩情無別怨春遊從遣落花繁

日曜上人還潤州

送君何處最堪思孤月停空欲別時露茗猶芳邀重會寒
花落盡不成期鶴令先去看山近雲爰初飛到寺遲草倚
禪功放心定蕭家陵樹誤人悲

寺院聽胡笳送李殷

一奏胡笳客未停野僧還欲廢禪聽難將此意臨江別無
限春風葭莢青

送僧繹

斜日搖揚在柳絲孤亭寂寂水逶迤誰堪別後行人盡唯
有春風起踞歧

荅裴評事澄荻花間送梁肅拾遺

波上荻花非雪花風吹撩亂滿袈裟如今歲晏無芳草獨
對離尊作物華

送勝雲小師

昨日雪山記爾名吾今坐石已三生少年道性易流動莫
遣秋風入別情

雜言誚士和別

今日同明日隔何事悠悠久為客君怜溪上去來雲我羨
磷磷水中石

送吳馮游京

北期何意促蕙草夜來繁清月思淮水春風望國門此時
休旋逸萬里忽飛翻若憶山陰會孤琴為我援

送僧遊宣州

楚山千里一僧行念爾初緣道未成莫向舒姑泉口泊此
中嗚咽為傷情

杼山集卷之第六

從軍行五首

唐

吳興

釋

皎然

清晝撰

雙騎出紛紛元戎霍冠軍漢鞞秋昭地羗火晝燒雲萬里
戈城合三邊羽檄分烏孫驅未盡肯顧遼陽勲
韓旆拂丹霄漢軍新破遼紅塵驅鹵簿白羽擁嫖姚戰苦
軍猶樂功高將不驕至今丁零塞朔吹空蕭蕭
百萬逐呼韓頻年不解鞍兵屯絕漠暗馬飲濁河乾破虜
功未錄勞師力已殫須防肘腋下飛禍出無端

杼山集卷之第六

從軍行五首

唐 吳興 釋皎然 清晝撰

雙騎出紛紛元戎霍冠軍漢鞞秋昭地羗火晝燒雲萬里
戈城合三邊羽檄分烏孫驅未盡肯願遼陽勲

韓旆拂丹霄漢軍新破遼紅塵驅鹵簿白羽擁嫖姚戰苦
軍猶樂功高將不驕至今丁零塞朔吹空蕭蕭
百萬逐呼韓頻年不解鞍兵屯絕漠暗馬飲濁河乾破虜
功未錄勞師力已殫須防肘腋下飛禍出無端

飛將下天來奇謀闔外裁水心龍劍動地肺鴈山開望氣
燕師銳當鋒虜凍摧從今射鷗騎不敢過雲堆
黃紙君王詔青泥校尉書誓師張虎落選將探犀渠霧暗
津蒲失天寒塞柳踈橫行十萬騎欲掃虜塵餘

隴頭水二首

隴頭水欲絕隴水不堪聞碎影搖槍壘寒聲咽慢軍素從
塩海積綠帶柳城分日落天邊望逶迤入塞雲
秦隴逼玄羗征人去未央如何幽咽水併欲斷君腸西注
悲窮漠東分憶故鄉旅魂聲攪亂無夢到咸陽

塞下曲二首

寒塞無因見落梅胡人吹入笛聲來勞勞亭上春應度夜
夜城南戰未迴
都護今年破武威胡沙萬里鳥空飛旄竿瀚海掃雲出
騎天山踏雪歸

覽史

黃綺皆皓髮秦時隱商山嘉謀匡帝道高步遊天關不愛
珪組紕却思林壑還放歌長松下日與孤雲閑

詠史

獨負高世姿冥冥寄浮俗卞子去不歸何人辨荆玉鬻春
意不淺汚迹身豈辱鸞鷟樂迤邐虬蟠其窟束五噫譎且
正可以見心曲

雜言詠史

田氏門下客馮公衆中賤一朝市義還百代名獨擅始知
下客不可輕能使主人功業成借問高車與珠履何如卑
賤一書生

讀張曲江集

相公乃天益人文佐王成立程正類靡繹思何縱橫春紆
弄緗綺陽林敷玉英飄然飛動姿邈矣高簡情後輩驚失
步前脩敢爭衡始忻耳目遠再使機慮清體正力已全理
精識何妙昔年歌陽春徒推郢中調今朝聽鸞鳳豈獨羨
門嘯帝命鎮雄州待濟寄上流兼荆衡秀氣助瀟湘秋逸
蕩子山足經竒文暢儔沉吟未終卷變態紛難數曜耳代
明璫襲衣同芳杜悵悵聞玉磬寤寐在靈府

奉酬陸使君見過各賦院中一物得江籬

江籬生古砌花每落禪床嘉客未採掇空門自馨香名因
詩目見色對道心忘不遇陸內史誰知殊衆芳

賦得謝野送王長史

其野即畫七代祖吳興守舊居

世業西山墅移家長我身蕭疎遺樹老寂寞廢田春車巷
傷前轍籬溝憶舊隣何堪再過日更送北歸人

夏日同崔使君論登城樓賦得遠山

遠山湖上小青翠望依稀纔向窓中列還從林表微色濃
春草在峰起夏雲歸不是蓬萊島如何人又稀

詠數探得七

鄒子談天歲黃童對日年求真初作傳鍊魄已成仙鶴駕
迎緹嶺星橋下蜀川逢君竹林客相對弄清絃

奉同顏使君真卿送李侍御萼賦得荻唐路

落日車遙遙客心在歸路細草在回塘奉泉縈古渡遺跡
嘆蕪沒遠道悲去住寂寞荻花空行人別無數

賦顏氏古今一事得晉仙傳送顏逸

梁湘東王國常侍顏

協著晉仙傳五篇

曾看顏氏傳多記晉時仙却憶桐君老俱還桂父年青春
留髮髮白日向雲煙遠別賫遺簡囊中有幾篇

賦得石梁泉送崔達

架石通霞壁懸崖散碧沙天晴虹影渡風細練文斜攀陟

幽期阻沿洄客意賒河梁非此路別恨亦無涯

賦得夜雨滴空堦送陸羽歸龍山 同字

閑堦夜雨滴偏入別情中
斷續青猿應淋漓候館空氣令
煩慮散時與早秋同
歸客龍山道東來雜好風

賦得燈心送李侍御萼 光字

燈心生衆草因有始知芳
綵妓窓偏麗金桃動更香
花驚春未盡焰喜夜初長
別後空離室何人借末光

賦得竹如意送詳師赴講 青字

縹竹湘南美吾師尚斲形
仍留負霜節不變在林青
每入

楊枝手因談貝葉經
誰期沃洲講持此別東亭

聽素法師講法華經

法子出西秦名齊濟道人
總敷藥草義便見雪山春
護講龍來遠聞經鶴下頻
應機如一雨誰不滌塵心

詠敷上人座右畫松

寫得長松意千尋數尺中
翠陰疑背日寒色欲生風
真樹孤標在高人立操同
一枝遙可折吾欲問生公

夏日登觀農樓和崔使君

片雨拂簷檻煩襟四坐清
霏微過來隴蕭散傍萊城
靜愛

和花落幽聞入竹聲朝觀趣無限高詠寄深情

妙喜寺達公院賦得夜磬送呂評事

一磬寒山至凝心轉清越細和虛籟盡踈遶寒泉發在夜
吟更長停空韻難絕幽僧悟深定歸客忘遠別寂歷無性
中真聲何起滅

詠小瀑布

瀑布小更奇潺湲二三尺細脉穿亂沙叢聲咽危石初因
智者賞果會幽人迹不向定中聞那知我心寂

仙女臺

寂寞舊桑田誰家女得仙應無雞犬在空有子孫傳古木
花猶發荒臺月尚懸片雲低不散疑是却歸年

靈澈上人何山寺七賢石詩

七石配七賢隱僧山上移石性殊磊落君子又高奇跂禪
服宜壞坐客冠可隳夜倚月樹影晝傾風竹枝隼質惠追
琢表頑用磷緇佚火玉亦害塊然常在茲

潘承孩子

愛子性情奇初生玉樹枝人曾天上見名向月中知我識
嬰兒意何須待珮鐳

南池雜詠五首并序

余草堂在池上洲昔柳吳興詩汀洲採白蘋即
此地也左右雲山滿目一坐遂有終焉之志會
廣德中寇盜淮海騷動宵人肆志吾欲不安因
賦南池五詠聊以自適

水月

夜夜池上觀禪身坐月邊虛無色可取皎潔意難傳若向
空心了長如影正圓

溪雲

舒卷意何窮縈流復帶空有形不累物無迹去隨風莫恠
長相逐飄然與我同

虛舟

虛舟動又靜忽似去逢時觸物知無迂為梁幸見遺因風
到此岸非有濟川期

寒山

侵空撩亂色獨愛我中峰無事負輕策閑行躡幽踪衆山
搖落盡寒翠更重重

寒竹

裊裊孤生竹獨立山中雪蒼翠搖勁風嬋娟帶寒月狂花
不相似還共凌冬發

度前溪

不意入前溪愛溪從錯路清清鑿不足非是深難度

望遠村

林杪不可分水步遙難辨一片山翠邊依稀見村遠

惜暮景

踈陰花下動片景松梢度

下原關

待山月

夜夜憶故人長教山月待今宵故人至山月居何在

效古

天寶十四年

日出天地正煌煌闢晨曦六龍驅群動古今無盡時夸父
亦何愚競走先自疲飲乾咸池水折盡長桑枝渴死化燭
火嗟嗟徒爾為空留鄧林在折盡令人嗤

雜言古別離

代人答閻士和

太湖三山口吳王在時道寂寞千載心無人見春草誰識
緘怨者持此傷懷抱孤舟畏狂風一夜宿煙島望所思兮
若何月蕩漾兮空波雲離離兮北斷鴻眇眇兮南多身去

兮天畔心折兮湖岸春風胡為兮寒路使我歸夢兮撩亂

擬長安春詞

春信在河源春風蕩妾魂春歌雜啼鴉春夢繞鞦韆春絮
愁偏滿春絲悶更繁春期不可定春曲懶新翻

效古

思君轉戰渡交河強弄胡琴不成曲日落應愁隴底難春
未定夢江南數萬丈游絲是妾心惹蝶縈花亂相續

昭君

自倚嬋娟望主恩誰知美惡忽相翻黃金不買漢宮貌青

塚空埋胡地魂

銅雀妓

強開樽酒向陵者憶得君王舊日歡不覺餘歌悲自斷非
關艷曲轉聲難

長門怨

春風日日閉長門搖蕩春心似夢魂誰遣花開只關妾不
如桃李正無言

哭吳縣房聳明府

仁人邁厚德可謂名實全撫迹若踈曠會心極精研履危

節詎屈廣德初江南寇盜充斥賦通名著論識不偏公著道性

論一篇恨以榮級淺嘉猷未及宣伊人期遠大志業難比肩

昭世既合并吾君藉陶甄奈何明明理與善徒空詮徵教

或稽聖窮源反問天一官自吳邑六翻委江壖始是牽絲

日翻成撤瑟年金膏果不就房公昔日就沈道士學長玉生之術畫以佛理難之

珮長此捐倚伏信冥眇天修驚後先安知忘情子愛網素

已褰為有深仁感遂令真性遷心悲空林下淚灑秋景前

夫子寡兄弟撫孤傷藐然傾雲為慘結吊鶴共聯翩割念

命歸駕訣詞向空筵樹桃陰始合愛客位常懸忉然遠行

志崇望歸朝旋悟茲歡宴隔哀彼歲月延書帶變芳草履

痕移綠錢冥期儻可逢生盡會無緣王坦之與生法師為冥期此死者歸報其

罪福幸願示因業代君運精專沈約死後冥中見十因師云急為我造經捨我苦難

相思轉寂寞獨住西林泉欲見故人心時閱所贈篇素高

陶靖節今重楚先賢芳躅將遺愛可為終古傳

哭覺上人

憶君南適越不作買山期昨得耶溪信翻為逝水悲神交

如可見生盡杳難思白日東林下空懷步影詩

方泉題 題餘不溪廢寺

武原離亂後真界積塵埃殘月生秋水悲風起故臺居人
今已盡棲鴿暝還來不到無生理應堪賦七哀

同李洗馬入餘不溪經辛將軍故城

慘慘寒城望將軍下世時高墉暮草遍大樹野風悲壁壘
今惟在勲庸近可思蒼然古溪上川逝共悽其

憶天台

箬溪朝雨散雲色似天台應是東風便吹從海上來靈山
游汗漫仙石過莓苔誤到人間世經年不早迴

萬回寺

萬里稱逆化愚惹性亦全紫紱拖身上妖姬安膝邊見他
拘坐竅故我是眠禪吾知至人心杳若青冥天

禪詩

萬法出無門紛紛使知昏徒稱誰氏子獨立天地元實際
且何有物先安可存須知不動念照出萬重源

哀教

本師不得已強為我著書智盡百慮遣名存萬象拘如何
工言子終日論虛無伊人獨冥冥時人以為愚

聞鍾

古寺寒山上遠鍾揚好風聲餘月樹動響盡雪天空永夜
一禪子冷然心境中

溪上月

秋水月娟娟初生月界天蟾光散浦淑素影動淪連何事
無心見虧盈向夜禪

山雪

夕陽在西峰疊翠縈殘雪狂風卷絮迴驚猿攀玉折何意
山中人誤報山花發

雜言江上風

江風西復東飄暴忽何窮初生虛無際稍起蕩漾中應吹
夏口檣竿折定覺湓城浪花咽今朝莫恠沙岸明昨夜聲
狂卷成雪

雜言山雨

一片雨山半晴長風吹落西山上滿樹蕭蕭心耳清雲鶴
亂下水香凝不然風迴雨定芭蕉濕一滴時時入畫禪

雜言問遙山禪老

天與松子壽獨飲日月精復令顏子賢胡為天其生吾將
尋河源上天問天何不平吾將詰仙老大道無私誰強名

仙老難逢天不近世人何人解應盡明朝欲向超頭山問
取禪公此義還

禪思

真我性無主誰為塵識昏奈何求其本若拔大木根妄以
一念動勢如千波翻傷孔子桑扈蟲臂徒虛言神威興外
論宗邪生異源何妨色在妙豈廢身存寂滅本非寂誼譁
曾未誼嗟嗟世上禪不共智者論

拔字當誤存字止脫一字

支公詩

支公養馬復養鶴率性無機多脫略天生支公與凡異凡

情不到支公地得道由來天上仙為僧却下人間寺道家
諸子論自然此公惟許逍遙篇山陰詩友誼四座佳句縱
橫不廢禪

述夢

夢中歸見西陵雪渺渺茫茫行路絕覺來還在剡東峰鄉
心繚 愁夜鍾寺址禪崗猶記得夢歸長見山重重

赤松

緣岸蒙籠出見天晴沙瀝瀝水濺濺何處羽人長洗藥殘
花無數逐流泉

戲題松樹

為愛松聲聽不足每逢松樹遂忘還
翛然此外更何事笑向閑雲似我閑

戲題二首

看飲逢歌日屢曛我身何似繫浮雲
時人不解野僧意歸去溪頭作鳥群

喧喧共在是非間終日誰知我自閑
偶客狂歌何所為欲於人事強相關

雜寓興

嗟嗟號呶子世稱謫仙儔媚俗被蛟綃
欺天薦昫脩奔景謂可致馳齡言易流
燕昭昧往事嬴政立前儔三山果不見
九仙忽悠悠君看牛山樂君見麋浦遊
昨日千金子聯綿成古丘吾將攬明月
照爾生死流至樂亭爰居慙貽達者
尤冥冥光塵內機喪成海漚

雜興六首

吾觀談天客工言卷其精萬物資廣庇
此中何有情若為昧顏跖脩短怨太清
高論讓鄒子放詞徵屈生請從象外推
至論尤明明

短齡役長世擾擾悟不早嬪女身後空歡娛夢中好從教
西陵樹千載傷懷抱鶴駕何冥冥鼇洲去浩浩柔顏感三
花凋蕝悲蔓草月中伐桂人是誰使年年不衰老
誰高齊公子泣聽雍門琴死且何足傷殊非達人心
獨高庭中鶴意遠貴氛埃有時青冥游願我還下來
白雲琅玕色一片生虛無此物若無心若何卷還舒
踈散遂吾性栖山更無機寥寥高松下獨有閑雲歸精意
不可道冥然還掩扉

偶然五首

樂禪心似蕩吾道不相妨獨悟歌還笑誰言老更狂
偶然寂無喧吾了心性源可嫌虫食木不笑鳥能言
隱心不隱迹却欲住人寰欠樹移春樹無山看畫山居喧
我未錯真意在其間

虜語嫌不學胡音從不翻說禪顛倒是樂殺金王孫
真隱須無矯忘名要似愚只將兩條事空却漢潛夫

問天

天公何時有談者皆不經誰道賢人死今為傳說星

寓言

吾道本無我未曾嫌世人如今到城市彌覺此心真

前溪作

春歌已寂寂古水自涓涓徒誤時人輩傷心作逝川

戲作

乞我百萬金封我異姓王不如獨悟時大笑放清狂

雜言浮雲三章 并序

浮雲刺讒也蓋取夫盛時之時為浮雲所蒙非不明也小人比於君側讒言熒惑亦如浮雲之害明予覽古史極觀君臣之際敗亡之兆生於

讒匿遂作是詩

浮雲浮雲集於扶桑扶桑茫茫日暮之光匪日之暮浮雲之汙嗟我懷人憂心如蠹

浮雲浮雲集于咸池咸池微微日昊之時匪日之昊浮雲之感嗟我懷人憂心如織

浮雲浮雲集于高春高春濛濛日夕之容匪日之夕浮雲之積嗟我懷人憂心如怒

寓言

人生百年我過半天生才定不可換東海釣鼈鼈不食南

山坐石石欲爛

杼山集卷之第七

唐 吳興 釋皎然 清晝

吊靈均詞

昧天道兮有無聽汨音竟渚兮躊躇期靈均兮若存問神理
兮何如願君精兮為月出孤影兮示予天獨何兮有君君
在萬兮不群既冰心兮皎潔上問天兮胡不聞天不聞神
莫覩若雲冥冥兮雷霆怒蕭條杳眇兮餘草莽古山春兮
為誰今猿哀兮何思風激冽兮楚竹死國殤人悲兮雨颯
颯雨颯颯兮望君時光茫蕩漾兮化為水萬古忠貞兮徒

爾為

步虛詞

予因覽真訣遂感西城君玉皇下青冥人間未曾聞日華
鍊精魄精魄無垢氛謂我有仙骨且今餌氤氲俯仰媿靈
顏願隨鳶鵠群俄然動風馭縹緲歸青雲

奉應顏尚書真卿觀玄真子置酒張樂舞陣書

洞庭三仙歌

道流迹異人共驚寄向畫中觀道情如何萬象自心出而
心澹然無所營手援毫足蹈節披縑灑墨稱麗絕石文亂

點急管催雲態徐揮慢歌發樂

洛音

縱酒酣狂更好攢峰若

雨縱橫掃尺波澶漫意無涯片嶺峻嶒勢將倒矐昧方知
造境難象忘神遇非筆端昨日幽竒湖上見今朝舒卷手
中看興餘輕拂遠天色曾向峰東海邊識秋空暮景颼颼
容翻疑是真畫不得顏公素高山水意常恨三山不可至
賞君狂畫忘遠遊不出軒墀坐蒼翠

谷芾山人隱起龍文藥瓢歌

野人藥瓢天下絕全如渾金割如月彪炳文章智使然生
成在我不在天若言有物不由物何意中虛道性全芾生

能詩兼好異，獲此靈瓢遠。相遺仙侯玉，帖人漫傳若士青。
囊世何祕一捧，一開如見君。藥成五色香，氛氲背上驪龍。
蟠不睡，張鱗擺頷生風雲。世人強知金丹道，點仙不成穢。
仙老年少紛如陌，上塵不見吾飄盡。枯槁聊將繫肘步，何
輕便有三山孤鶴情。東方小兒之此物，遂令仙籍獨無名。

桃花石枕歌贈康從事

卞山幽石產奇璞，荆人至死採不着。何人琢枕持贈君，片
片桃花開未落。劔工見兮可為劔，昆吾石鐵可鑄為劔玉工辨兮知
非石。至寶由來覽者稀，今君獨鑿應欲惜。何辭隼與常，天

真幸得提携，近玉人可中。弃置君不顧，天生秀色徒璘玢。
四座喧喧爭目悅，巧過造化稱一絕。莫言昨日因錯磨，看
取從來無點缺。六月江南暑未闌，一尺花冰試枕看。高窓
正午風颯變，室中不減春。天寒主人所重重，枕德文章外
飾徒相惑。更有堅貞不易心，與君天下為士則。

張伯英草書歌

伯英死後生伯高，朝看手把山中毫。先賢草律我草狂，風
雲陣發愁鍾王。須臾變態皆自我，象形類物無不可。閭風
遊雲千萬朵，驚龍蹴踏飛欲墮。更覩鄧林花落朝，狂風亂

攬何飄飄有時凝然筆空握情在寥天獨飛鶴有時取勢
氣更高憶得春江千里濤張生竒絕難再遇王小令草書
古今稱草絕
草罷臨風展輕素陰慘陽舒如有道鬼狀魁容若可懼黃
公酒

寒栖子歌

曾居廬山欲有
事羅浮之行

君在廬山知有疑是鶴又是雲生死塵埃汗不得眼前榮
利徒紛紛今日惠然來訪我酒榼書囊肩背荷拂除衣上
餌煙霞昨夜胥門宿蔡家天然不飲亦不食拋名換姓覓
不得且向人間作酒仙不肯將身生羽翼停形為餌天地

根

胎息
道成

世人皆死我獨存洗慮因吞清明錄世人皆貪我
常足栖子妙今道已成手把玄樞心運冥能令鬼哭神敢
靈身如飄風不可絆朝遊崆峒夕汗漫向來坐客猶未散
忽憶羅浮欲去時遙指孤雲路岐海上仙遊不可見人間
日落空桑枝

翔隼歌送王端公

古人賞神駿何如秋隼擊獨立高標整霜翮應看天宇如
咫尺但迴拂地凌風翔鵬鷁敢下鴈斷行晴空四顧忽不
見有時獨出青霞傍窮陰萬里落寒日氣殺草枯增奮逸

雲塞斜飛攬葉迷雪天直上穿花疾見君高情有所屬贈
別因歌翔隼曲離亭惓惓客散時歌盡路長意不足

白雲歌寄陸中丞使君長源

一見西山雲使人情意遠馮高發詠何迢遙道妙如君有
舒卷縈空疊景多麗容衆峯峯上自為峯潔白不由陰雨
積高明肯共雜煙重萬物有形皆有着白雲有形無繫縛
黃金被爍玉亦瑕一片飄然汗不得或逢天下或人間人
自營營雲自閑忽爾飛來暫為侶忽然飛去莫能攀逸民
對雲効高致禪子逢雲增道意白雲遇物無偏頗自是人

心見同異閭闔天門亘曙者為纓作蓋擁千官從龍合沓

臨清暑

殿名

就日逶迤繞露寒

宮名

誰憐西山雲亭亭處幽絕

坐石長看非我羈手中欲攬待君說貞白先生那得知只
向空山自怡悅

裴端公使君清席賦得青桂歌送徐長史

昔年攀桂為留人今朝攀桂送歸客秋風桃李搖落盡為
君青青伴松柏謝公南樓送客還高歌桂樹凌寒山應憐
獨秀空林上空賞敷華積雪間昨夜一枝生在月嬋娟可
望不可折若為天上堪贈行徒使亭亭照離別

周長史昉畫毗沙門天王歌

長史畫神獨感神高步區中無兩人雅而逸高且真形生
虛無忽可親降魔大戟縮在手倚天長劍橫諸紳慈威示
物雖凜凜在德無秋唯有春吾知真象本非色此中妙用
君心得苟能下筆合神造誤點一點亦為道寫出霜縑可
舒卷何人應識此情遠秋齋清寂無外物盥手焚香聊自
展憶昔胡兵圍未解感得此神天上下至今雲旗圖我形
為君一顧煙塵清

奉和顏魯公真卿落玄真子舴艋舟歌

楚章華
臺成頌

諸侯
落之

滄浪子後玄真子冥冥釣隱江之汜剡木新成舴艋舟諸
侯落舟自茲始得道身不繫無機舟亦閑從水遠逝兮任
風還朝五湖兮夕三山停綸乍入芙蓉浦擊汰時過明月
灣太公取璜我不取龍伯釣鼈我不釣竹竿媢媢魚徒徒
此中自得還自笑汗漫一遊何可期後來誰遇冰雪姿上
古初聞出堯世今朝還見在堯時

鄭容全成蛟形木机歌

萬物貴天然不可得渾朴無勞剝剝工幽姿自可蛟龍質

欲騰未去何翩翩楊袂爭前誰敢拂可中風雨一朝至還
應不是池中物蒼山萬重採一枝形如器車生意竒風號
雨噴心不折衆木千叢君獨知廣德中鄭生避賦吳興毗
山於稠人之中遇予獨見
賞稱高人心多越格有時就月吟春風持來座右驚神客愛
君開閤江之濱白雲黃鶴長相親南郭子綦我不識非君
獨是是何人

奉同顏使君真卿清風樓賦得洞庭山歌送吳
鍊師歸林屋洞

名山洞府到金庭三十六洞稱最靈不有古仙啓其祕今

日安知靈寶經中山鍊師栖白雲道成仙袂號元君

安之
高仙

者有元君次有夫人
元有君袂比左仙公

三千甲子朝玉帝世上如今名始聞

吐納青牙養肌髮花冠玉馬何高潔不聞天上來謫仙自
是人間授真訣吳興太守道家流仙師遠放清風樓應將
內景還飛去且從分風當此留湖之山兮樓上見山冥冥
兮水悠悠世人不到君自到縹緲仙都誰與儔黃鶴孤雲
天上物物外飄然自天足一別千年未可期仙家不數人

間日

憂銅椀為龍吟歌 并序

唐故太尉房公瑄早歲常隱終南山峻壁之下
往往聞龍吟聲清而靜滌人邪想時有好事僧
潛戛之以三金寫之唯銅聲酷似他日房公偶
至山寺聞林嶺間有此聲乃曰龍吟復遷于茲
矣僧因出其器以告公命戛之驚曰真龍吟也
大歷十三祀秦僧傳至桐江予使童兒戛金倣
之亦不減秦聲也緇人或有譏者曰此達僧之
事可以嬉婢尔曹無以瑣行自拘因賦龍吟歌
以見其意

逸僧戛椀為龍吟世上未曾聞此音一從太尉房公賞遂
使秦人傳至今初戛徐徐聲漸顯樂音不管何人辨似出
龍泉萬丈底乍恠聲來近而遠未必全由戛者功真生虛
無非椀中寥亮掩清猗縈迴凌細風遙聞不斷在煙抄萬
籟無聲天境空聽專一境則衆音乍向天台宿華頂秋霄
一吟更清迥能令聽者易常性戛人忘戛躁人靜今日鏗
錙江上聞蛟螭奔飛如得群聲過陰嶺恐成雨響駐晴天
將起雲坐來吟盡空江碧却尋向者聽無迹人生萬事將
此同暮賤朝榮動還寂

飲茶歌請崔石使君

越人遺我剡溪茗，採得金牙鑿金鼎。素瓷甕雪色，縹沫香何似。諸仙瓊藥漿，一飲滌昏寐。情來朗爽滿天地，再飲清我神。忽如飛雨灑輕塵，三飲便得道。何須苦心破煩惱，此物清高世莫知。世人飲酒多自欺，愁者畢卓甕間夜笑向陶潛。籬下時崔侯啜之意不已，狂歌一曲驚人耳。孰知茶道全爾真，唯有丹丘得如此。

買藥歌送楊山人

華陰少年何所希，欲餌丹砂化骨飛。江南藥少淮南有，暫別胥門上京口。京口斜通江水流，徘徊應上青山頭。夜驚潮沒鷓鴣堰，朝看日出芙蓉樓。搖蕩春風亂帆影，片雲無數是揚州。揚州喧喧賣藥市，浮俗無由識仙子。荷間姹女直千金，紫陽夫人服不死。吾於此道復何如，昨朝新得蓬萊書。

薛卿教長行歌

時量移湖州別駕

桂陽仙柳道家說，昔傳蘇君今是薛。聊將握槊偶時人，便被人間稱冠絕。黃楊文局龜螭蟠，琢成骰子雙琅玕。初疑月破雲中墮，復恠星移指下攢。誰識兵奇勢可保，坐看將

軍上一道

長行有將軍梁

有時彩王

去聲

非所希笑擊單于出重圍

鳧驚隼擊疾苦飛左顧右盼生光輝家本聯姻漢戚里身

是長安貴公子名高藝絕何翩翩幾迴決勝君王前扈遊

長樂與祈年人望青雲白日邊謫宦江南歲陰晚還將此

道聊自遣由來君子行最長

長行經有君子行小人行

予亦知君寄心

遠

桃花石枕歌送安吉康丞

并序

安吉古桃州也今為吳興右邑士遐副焉於南

山獲桃花石異而重之玆于席上士遐將赴京

師故帥詩人以君所寶之物高歌贈行

君吏桃州尚竒跡桃州採得桃花石爛疑朝日照已舒含

似春風吹未折珪璋特達世所珍吾知此物亦其倫應羨

花開不凋悴應嘉玉片無緇磷立性堅剛平若砥君子偏

將交道比何人亦秉堅剛姿吾見君心得如此君心所好

我獨知別多見少長相思從來賞翫安左右萬里提携君

莫辭

賦得吳王送女潮歌送李判官之河中府

見說吳王送女時行宮直到荆溪口溪上千年送女潮為

感吳王至今有乃知昔人由志誠流水無情翻有情平波
忽起二三尺此上疑與神仙宅今人猶望荆之湄長令望
者增所思吳王已歿女不返潮水無情那有期溪草河草
號帝女溪竹河竹號湘妃靈濤旦暮自堪傷的皜嬋娟又
爭簇客歸千里自茲始覽古高歌感行子不知別後相見
期君意何如此潮水

觀李中丞洪二美人唱歌軋箏歌

時量移湖州長史

君家雙美姬善歌工箏人莫知軋用蜀竹絃楚絲清哇哇
音歌聲也宛轉聲相隨夜靜酒闌佳月前高張水引何淵淵美

人矜名曲不誤感響時時如迸泉趙琴素所嘉齊謳世稱
絕箏歌一動凡音輟凝絃且莫停金壘淫聲已闕雅聲來
游魚唵喁鶴徘徊主人高情始為開高情放浪出常格偶
世有名道無跡勲業先登上將科文章已冠諸人籍每笑
石崇無道情輕身重色禍亦成君有佳人當禪伴於中不
廢學無生愛君天然性寡欲家貧祿薄常知足謫官無愠
如古人交道忘言比前躅不意全家萬里來湖中再見春
山綠吳興公舍幽且閑何妨寄隱在其間時議名齊謝太
傳更有携妓似東山

陳氏童子草書歌

書家孺子有奇名天然大草令人驚僧虔老時把筆法孺
子如今皆暗合颯揮電灑眼不及但覺毫端鳴颯颯有時
作點險且能大行片石者欲崩偶然長掣濃又燥少室枯
松欹不倒夏室炎炎少人歡山軒日色在闌干桐花飛盡
子規思主人高歌興不至濁醪不飲嫌昏沉欲翫草書開
我襟龍瓜狀奇鼠鬚銳冰牋白哲越人惠王家小令草最
狂為予灑出驚騰勢

飲茶歌送鄭容

丹丘羽人輕玉食採茶飲之生羽翼

天台記云丹丘出大茗服之羽化

名

歲仙府世空知骨化雲宮人不識雲山童子調金鑄楚人
茶經虛得名霜天半夜芳草折爛漫緗花啜又生賞君此
茶祛我疾使人胃中蕩憂慄日上香鑪情未畢乳踏虎溪
雲高歌送君出

花石長枕歌荅章居士贈

楚山有石郢人琢琢成長枕知是玉全疑冰片坐恐銷間
簇花蕞驚不足贈予比之金琅玕瓊花爛爛浮席端吾師
遣吾不執寶今日感君因執看試叩鏗然應清律織塵不

留蠅敢拂萬物皆因造化資如何獨負清貞質南山有雲
鵠在空長松為我生涼風高友朗詠樂其中行住四儀皆
道意不學小乘一曲士唯將此物安座隅取次開眠有禪
味

觀王右丞維洲圖歌

滄洲誤是真漢漢忽盈視便有春渚情褰裳掇芳芷颯然
風至草不動始悞丹青得如此丹青變化不可尋翻空作
有移人心猶言雨色斜拂座乍似水涼來入襟滄洲說近
三湘口誰知卷得在君手披圖擁褐臨水時脩然不異滄

洲叟

洞庭山維諒上人院堦前孤生橘樹歌

洞庭仙山但生橘不生凡木與梨栗真子無私自不忒感
得一株堦下出細葉繁枝委露新四時常綠不關春若言
此物無道性何意孤生就來人二月三月山初暖最愛佞
簷數枝短白花不用鳥銜來自有風吹手中滿九月十月
爭破顏金實離離色殷殷一夜天晴香滿山天生玃木異
於俗俗士來逢不敢觸清陰獨步禪起時徙倚前看看不
足

春夜賦得漉水囊歌送鄭明府

吳縑楚練何白皙居士持來遺禪客
禪客能裁漉水囊不用衣工秉刀尺
先師遺我式無缺一漉一翻心敢賒
夕望東峰思漱盥矐矐斜月懸燈紗
徙倚花前漏初斷白猿爭嘯驚禪伴
玉瓶徐瀉賞涓涓濺着蓮衣水珠滿
因識仁人為宦情還如漉水愛蒼生
聊歌一曲與君別莫忘寒泉見底清

湛處士枸杞架歌

天生靈草生靈地誤生人間人不貴
獨君井上有一根始覺人間衆芳異
拖線垂絲宜曙看徘徊滿架何珊珊
春風亦解愛此物裊裊時來傍香實
濕雲綴葉擺不去翠羽銜花驚畏失
肯羨孤松不凋色皇天正氣肅不得
我獨全生異此輩順時榮落不相背
孤松自被斧斤傷獨我柔枝保無害
黃油酒囊石碁局吾羨湛生心出俗
擷芳坐影風洒懷其致脩然此中足

觀裴秀才松石障歌

誰工此松唯拂墨巧思丹青管不得
初寫松稍風正生此中勢與真松爭
高柯細葉動颯颯乍聽幽颯如有聲
左右

雙松更竒絕龍鱗麈尾仍半折
經春寒色聚不散逼座陰
陰將下雪荆門石狀凌璵璠
蹙成數片倚松根何幸舊
苔黏跡幾夜淅淅水擊痕
裴生詩家後來客為我開
圖玩松石對之自有高世
心何事勞君上山屐

送顧處士歌

即吳興丘司儀之女埶即况也

吳門顧子予早聞風負真古
誰似君人中黃憲與顏子
物表孤高將片雲性背時
人高且逸平生好古無儔
足醉書在篋稱絕倫神畫
開厨怕飛出謝氏檀郎亦
可傳道情還似我家流安
貧日日讀書坐不見將名
干五侯知君別業

長洲外欲行去秋苗田循畎
澮門前便取殼鯨乘膏上
還將鹿盧佩禪子有情非
世情御筭貢餘聊贈行滿
道喧喧遇君別爭窺玉潤
與冰清

水精數珠歌

西方真人為行客臂上記
珠皎如日佛名無着心亦
空珠去珠未體常一誰道
佛身千里身重重只向心
中出

兵後西日溪行并序

沈羲仙記銅峴地肺可以
逃水又聖桃源記天地改
花源在即此地也此一章
靈澈上人可以

志之

一從清氣上為天仙叟何年見海乾黃河幾度濁復清此
水如今未曾改西尋仙人渚誤入桃花穴風吹花迸使我
迷時時問山驚踏雪石梁丹竈意更奇

石丹竈銅峴山人渚靈跡有四所

春草不生多故轍我來隱道非隱身如今世上無風塵路
似武陵路人非秦代人飯松得高侶濯足偶清津數片昔
賢盤石在幾迴並坐戴綸巾

姑蘇行

古臺不見秋草衰却憶吳王全盛時千年月照秋草上吳

王在時幾迴望至今月出君不還世人空對姑蘇山山中
精靈安可覩轍跡人蹤麋鹿聚婵娟西子傾國容化作寒
陵一堆土

短歌行

古人若不死吾亦何所悲蕭蕭煙雨九原上白楊青松葬
者誰貴賤同一塵死生同一指人生在世共如此何異浮
雲與流水短歌行短歌無窮日已傾鄴宮梁苑徒有名春
草秋風傷我情何為不學金仙侶一悟空王無死生

山月行

家家望秋月不及秋山望山心萬境長寂寥夜夜孤明我
山上海人皆言生海東山人自謂出山中憂虞歡樂皆占
月月本無心同不同自從有月山不改古人望盡今人在
不知萬世今十時孤月將誰更待

顧渚行寄裴方舟

我有雲前隣渚山山中茶事頗相閑鷓鴣鳴時芳草死山
家漸欲收茶子伯勞飛日芳草滋山僧又是採茶時由來
慣採無近遠陰嶺長弓陽崖淺大寒山下葉未生小寒山
中葉初卷二山名吳姪携籠上翠微蒙蒙香剌冒春衣迷山

乍被落花亂度水時驚啼鳥飛家園不遠乘露摘歸時露
彩猶滴瀝初看怕出欺玉英更取煎來勝金液昨夜西風
雨色過朝尋新茗復如何女宮露溢青牙老光市人稀紫
笋青牙誰得識日暮採之長太息清冷真人待子元仙傳清冷

真人裴君與道貯此芳息思何極
人支子元為友

武源行贈丘卿岑

昔年群盜阻江東吳山動搖楚澤空齊人亦戴蜂蠆毒美
稷化為荆棘叢匆匆四顧多窟穴浮雲白波名不同萬人
死地當虎口一旦生涯懸穀中昨日將軍徇死節恁向生

民陷成血冑中豹略張陣雲握內虵矛揮白雪長洲南去
接孤城居人散盡鼓譟驚三春不見芳草色四面唯聞刁
斗聲此時狂殺紛如市君當要衝固深壘縱橫計出皆獲
全士卒身先每輕死掃平氛稜望吳門人閑歲美桑柘繁
比屋生全受君賜連營罷戰賴君思如何弃置功不錄通
籍無名滯江曲灞亭不重李將軍漢爵猶輕蘇屬國荒營
寂寂隱山椒春意空驚故柳條野戰攻城盡如此即今誰
是霍嫖姚

長安少年行

翠樓春酒蝦蟇陵長安少年皆共矜紛紛半醉綠槐道蹀
躞花驄驕不勝

風入松

西嶺松聲落日秋千枝萬葉風颺颺美人援琴弄成曲寫
得松聞聲斷續琴聲清我魂流波壞陵安足論美人夜坐
月明裏含少商兮點清徵風何淒兮颺飄攬寒松兮又夜
起夜未央曲何長金徽更促聲泱泱何人此時不得意意
苦絃悲聞客堂

杼山集卷之第八

唐 吳興 釋 皎然 清晝撰

唐杭州靈隱山天竺寺故大和尚塔銘 并序

水之性不動而鑒得非夫實相之體耶雖積為洪溟而未嘗變其真我自在之妙致也如來大師獨秉至教群聖拱手俾冥冥倒識破堅冰之感豈逾一念哉靈隱大師雖外精律儀而第一義諦素所長也故小子誌之大師生緣錢唐范氏諱守真字堅道齊信安太守理之八葉禮既冠象君子器之夙有丘園之期不顧玄纁之錫遂詣蘇州支硎

寺園大師受具足戒是夜眼中光現長一丈餘久而方沒
蓋得戒之禎也後至荆府依真公三年苦行尋禮天下二
百餘聖教所至無不至焉至無畏三藏受菩薩戒香普寂
大師傳楞伽心印講起信宗論三十餘遍南山律鈔四十
遍平等一雨小大雙機在我圓音未嘗異也乃發殊願誦
持花嚴遂於中霄嘗夢神人施珠一顆及覺惘然如珠在
握是歲入五臺山轉花嚴經二百遍追宿心也又轉大藏
經三遍廣正見也至開元二十六年有制舉高行道俗請
正名餘大林寺後移籍天竺住靈隱峰時大歷二年也至

五年三月寓于龍興淨土院謂左右曰夫至人乘如而來
亦乘如而去示其必然也而瞽夫欲以長繩繫彼白日安
可得乎非至人而有其盡以此月二十九日告終于茲地
春秋七十一僧臘四十五其間臨壇既多度人無數今不
復紀也顯名弟子蘇州辨秀湖州惠普道莊越州清江清
源杭州擇隣神偃常州道進如何鸞鶯之彩共集旃檀之
枝江淮名僧難出其右畫之身戒亦忝門人幸叅四子之
科獨許一時之學斯文在我何敢讓焉詞曰房星在天降
為應平真好爵縻我視如埃塵既投其簪亦壞其服戒月

纓佩禪香乃沐四十餘夏振振盛名大江東南為平法長
城宣尼既歿微言乃絕我師云亡真乘亦輟靈隱峰上春
日秋天風生松栢如師存焉持教門人楚英吳傑儒方荀
孟道比文列宿習未盡妄涕猶雪宿已忘真師真如月古
之君子名書彝器大師不書將墜于地紀功者銘傳心者
燈藏諸名山不騫不崩

唐蘇州東武丘寺律師塔銘并序

律者聖道游入之津為心見所瑕多溺近果不然則極地
之階乎武丘律師諱齊翰字等至通教之士也吳興沈氏

之子高祖陳國子祭酒曾祖某隋魏州司馬祖考二世不
仕律師綺歲從大人至山寺觀高靜無塵之躡惻然有宿
命之知因請出家大人從之至天寶八年八月五日奉制
度配名永定九年十月依分壇受具足戒後移名開元大
曆中移名武丘皆兩州道俗所請也律師道性淵默水則
淡然跡不近名身不關事長在一室寂如無人豈比夫駢
行鼓簧之士哉晝始疑斯人未造精極因問業報之理如
何師對曰夫鼓毗嵐之風有物皆壞而靈空不動蓋無相
也心且無相業何累焉但懼陷於偏空妄撥無耳繇是始

知律師心之所至精相部義窟洞法華經王蘇湖戒壇每當諸首大曆十年某月入流水念佛道場是夜西方念中頓現蓋精誠之所致也至某年春秋六十八僧夏四十七遇疾之曰謂弟子曰有鶴從空飛下徊翔我前爾曹見乎必謝之期小聖猶病安能免哉即以某年某月終于本院受業門人如隱壇場門人宣允誠肅禪心律儀已有時譽晝則律師之鄉僧也戒有一日之長許為法兄昔魏隨肩今傷分影有清規之可採則文石而言焉銘曰
湯湯去情海多生沒兮超超我師一念越兮舊寺龜溪為

僧傑兮新居武丘匠時哲兮適來示生亦示滅兮山上人間有遺轍兮故雲茫茫餘水泱泱留廢房兮黃蘗心苦青松節寒對空壇兮升堂門人結社居士依扉履兮或刻貞石或書勝幡思師存兮

唐蘇州開元寺律和尚墳銘并序

至人於生死一也物有之我亦有之若日月可蝕靈空可汗乎在至人為宅心之地誠瞽夫不返之瀑流哉於戲我法自五天揚于漢廷八俊四賢橫世傑出後之學者聆休風企高躅何吾師之穆其芬馥歟吾師諱某字某先劉氏

之子漢楚王交三十一代孫列祖某永嘉南遷為丞相掾
四代祖遠隨東陽守顯其遺榮之跡略載本枝全其拔俗
之高不書後葉蓋亦垂訓之意乎吾師幼孤伯父哀字禮
如教立孝自天生而宿植緣深心田欲稔因請伯父從師
出家伯父哀而捨之事靈隱某禪師因問師入道之次師
語曰夫爇火大明乎太虛以爇火之心當太虛之境境非
心外心非境中兩不相存兩不相廢今我所證是尔所知
曷有萬法之深淺優劣乎畢如涼風入懷醒然清悟天寶
四年受戒於東海大師覽真傳講於會稽大師曇一至德

中舉高行餘名開元乾元中有詔天下二十五寺各定大
德七人長講戒律吾師其選也頃年淨土一門不愆于念
嘗謂人曰昔聞西山方之行是有相大乘此乃逢心不直
達之說何者夫出言即性發意皆如而一色一香無非中
道况我正念乎于時六十七天年三十六僧夏十六壇場
孤制律樞正持僧綱自緝湖南北皆宗仰焉以建中元年
六月十五日寢疾而逝其時有庭樹一本枝葉扶踈及吾
師將亡之朝花正折而遽萎條始繁而方折亦恒河水上
梅壇樹枝榮枯之意也其年七月五日遷靈龕於武丘西

寺松門之右嗚呼青山不歸日林長謝秋原之上萬境皆
悲雨冥冥而晝陰水浼浼而東逝門人道亮道該清會亮
以毗尼繼其行會以才學儔其賢該以詞華蹤其美三子
之外居廊廡者充江漢焉故觀察使韋公元甫觀察使李
公栖筠今虢州刺史李公紆今御史中丞李公道昌林下
之跡可追山陰之遊尚想懷人撫事相頌泫然晝實諛才
曷足揄揚盛美以吾釋門之事安敢讓焉銘曰

本師示終兮玄經絕香山崩兮香海竭大地動兮旃壇折
人天冥兮千光滅我師出嗣兮遺教張如何斯人兮天不
臧星旣雨兮地亦霜生涯昧昧兮四流長捧遺言兮循往
跡庭無人兮月寂寂百年遐壽兮日長夕萬春上服兮塵
已褻門人慟兮世人悲瞻影塔兮山之垂宿昔經行兮舊
踞歧雲眇眇兮雨霏霏方域盡兮長桑移樂石香名兮不
騫不虧

唐石圮山故大禪師塔銘

并序

天作高山山孕人靈其間氣則賢人當之而動用有異夫
黃鶴遊乎天驪龍樂乎淵從其性也賢人治世則匡贊我
后出世則誕敷上乘圮山禪祖其人也師諱神悟字通性

隴西李氏之子其先屬西晉版蕩遷家于吳之長水世襲
儒素幼為諸生及冠忽嬰業疾有不可救之狀咎心補行
力將何施開元中指前溪光律師請鑿王之方執門人之
禮師示以遺業之教一日理懺二日事懺此仁聖所授行
必有徵遂於菩提像前秉不屈之心藝難捨之指異光如
月腫朧紺宮極苦可以感明神至精可以動天地蓋菩薩
之難事歟泊天四中受具足戒身始披緇天八中舉尤異
行名餘寺逮其晚節益見苦心每歲置法華道場九旬八
長行禮念觀佛三昧於斯現前因語門人曰夫陰薄日而

何傷風運空而不動苟達於妄誰非性耶方結宇於勞勞
山東中據石圮達分仙渚猛獸馴於禪榻祥雲佞於法堂
中夜有山神現謂禪師曰弟子即隋故新成曹世安生為
列侯死曲南嶺今和尚至止願以此永奉經行言訖隱而
不見故吏部負外李公華今殿中侍御史崔公益嘗問孔
老聖教優劣於吾師師對曰路伽耶典籍皆心外法味之
者勞而無證其猶澤朽思春乾水取月之相去天何遠乎
去辛卯年春寢疾大漸於戲悼死樂生下士之事吾師了
性空豈關情哉便趺坐告終歸于寂樂其時世壽六十三

惠壽二十六闍維之日獲舍利五百餘粒珠顆纍纍粲然
在矚蓋由夫精所致門人湛一圓一潔身力行夏淺功崇
亦分河不絕之意也吾聞古之君子生有名而死有謚勲
業昭乎彝器箴規煥乎方冊何有哲匠作人天師遺德不
書吾誰仰則銘曰
聲傳于蒼剖之無根象出于鑿窮之不源至人應物體寂
名存寂可神照名宜性泯妙用無生示生而盡燈留火續
骨化珠分真子徒仰慈聲不聞堂披遺影地起方墳萬木
春折諸天晝曛年年世上空望歸雲

唐杭州華嚴寺大律師塔銘

并序

魏晉中穎邁之士多尚出塵白足高步於海隅青目遐視
於湘表千有餘祀禪律宗師吾知若人出東伊說之鈞處
躡黃綺之躅亦躬珪之與和璞隱顯之殊乎我律師其人
也法諱道光俗姓褚氏踰亂出家方冠受具詣光州和尚
通毗尼于時夏淺德崇壇場屬望蓋天賚真士為東南義
虎雲雨慈味笙鏞道聲常持法華兼創佛廟泊沒身不怠
也世壽七十九惠壽五十八上元庚子歲仲秋月示滅于
本寺是日馳陽昧昧淫風雨颺颺冽風崇朝嘉木為折乃

東土福盡之徵也俄然喜氣五色亭亭如蓋移晷不散偏
映精廬即西方往生之意也初吾生未歿其月三日質明
疾凝神依色身觀彌陀具相忽現師前滿庭碧花昔所未
覩其四日昧爽有異人請師為和尚遂開目彈指曰但發
菩提心五之日曼陀羅花自天而雨悲夫非哲匠去世安
至是耶門人神烈義津等攝齋何仰繞塔徒哀履名跡而
師書琬琰之不墜詞曰

我法未季哲人是生真慈在物澤灑颯清高戒嚴身佩月
與瓔貽訓徒張逝不可作瑞花冥濛卿雲縈薄靈轎何止

于此山椒寒 鼙斷續影塔蕭寥五峯諸子泣望終朝

唐湖州佛川寺故大師塔銘

并序

夫萬有朝徹獨立而不改其妙空手洎鴻濛已還民溺情
海安不幻之跡喪全真之旨若識浪不作幻何有哉我釋
迦本師獨開宗極遽而告滅降蘊魔也在而言逝為狂子
也以八萬四千正法首付飲光飲光已下二十四聖降及
菩提達磨繼傳心教有七祖焉第六祖曹溪能公能公傳
方巖策公乃永嘉覺荷澤會之同學也方巖即佛川大師
也大師諱惠明俗姓陳氏漢太丘長寔之後世居順顯祖

某永嘉南遷為司徒掾陳氏受禪四代祖仲文有佐命之
勲封丹陽公祖某雙溪穀熟二縣宰考某蘭陵人也大師
雖世有榮閥而未嘗自稱蓋恥塵世之餘累矣先夫人初
感之日如持佛戒足惡履於葷圃口不嘗於魚鱸器神夢髻
鬢長聞法音既而誕焉年漸及卅方祈捨俗大人從之至
受具時即開元七年也耳未誘於聲界眼不瑕於色塵清
行剋終如鑒寒玉嘗謂人曰昔者繁刑首作伯成子高遁
焉吾雖不捨律儀而惡乎淨論紛若心印心之法至矣哉
西詣方巖頓開心地於戲冥冥其機赫赫其師寂乎大空

之淵而不疑放乎萬緣之律而不變天寶年將有願於清
涼山淮汴阻兵師乃旋榮偶與禪侶西之宛陵於上石門
置蘭若三所有大戲來擾如撫狁焉既屬時艱民多飢荐
群盜欲至輒號呼先報往往徵焉先是楚鄉戈獵為事不
聞佛號但徇殺心我大師以慈行之至尚能使猛虎不暴
騰猿不擾而况於人乎故舉鄉之毗沅心革面撤網裂罟
子來于我至天寶五稔爰止乎魚陂道場有瑀公者白土
史宗之流跡迹行微世莫之識始相見曰南祖傳教菩薩
來何晚耶他日與瑀公登魚陂峯頂見東南有山蒼琅獨

秀謂瑤公曰吾與此山宿有緣矣天寶八年有制度人州
將韋公南金舉高行黑白狀請隸名州中寧化道場大師
固辭韋公不屈其志遂改隸佛川即疇昔魚陂所望之峯
梁吳均故宅之所地志云青山東南掘得古像二軀莫知
年代也獲像之地靈泉忽湧因此名為佛川焉泉側有吳
王古廟風俗淫祀濫以犧牲於是大師哀之乃詣祠宮禪
主泊夕中夜雷雨滂至林摧瓦飛頃之雨收月在見一丈
夫容甚盛大師謂曰居士生為賢人死為神明奈何使我
蒼生每被血食豈知此事殃尔業耶神曰非弟子本意人

自為之禮懺再三大師乃授以菩薩戒神欣然曰若和尚
移寺弟子願捨此處永奉禪居言畢不見其後果移寺焉
於祠側獲銅盤之底篆文是吾師法號更有異器略而不
書建中元年春忽顧左右愀然而歎曰夫人生百年蓋一
念耳昧者安知揭日月以趨新哉吾將往淨方爾曹勉之
于時報年八十四僧臘五十一以其年正月十一日有疾
其日庭木春悴山雨晝冥猛虎繞垣悲嘯而去十二日奄
然長往二月十二日建塔於佛川西山有慈烏滿林舉眾
驚異受法門人自湘溪淮楚不遠而至有若孤秉律綱默

持心印惠解比丘即其人也德與物敷言隨性寢聲采不
飾世謂渾金惠敏比丘即其人也外學以文內脩心行跡
不疑聖機能造微如知比丘即其人也菩薩戒弟子刺史
盧公幼平顏公真卿獨孤公問俗社公位裴公清惟彼教
公深於禪者也謝太傅之通於宗要殷淵源之造於精微
常恐大師之言將墜于地願謂小子志之予曰必使覩至
人之奧知地位之極則未敢聞命若盛美之跡人所見聞
何嘗敢忘請退而記之刻諸靈石詞曰青山我廬白雲我
曹吾師處為人遐跡高跡高伊何降心鍊魔傳教方巖傾
珠竭河持而不檢放而不過匪雲異月如水與波見獨超
超證法無兩生死誰羈我不可鞅若搖空輪如蹙風響何
為告滅亦由狂子忽示雙桐空隻履佛去川在人三寺
留吾舊境寂寞長秋泣露草繁悲風樹滿此物無心盡
如淒斷門人千萬昔為法來悟者不覺常情自哀祥花雨
墜靈塔峰開真子相顧全身在哉

塔銘并序

東漢始有佛塔之制或冶金埏坏琢琰彫杼觸類可作蓋
惠門之扁鑄也我唐大曆丁巳歲建子月某日沙門某泊

居士若干人於思村東北古堤之上樹脩塔焉粉檣素簷
炯如雪積雖埃氛晝晦月魄宵淪重重入空千里可矚使
夫倦鳥有託迷客知歸燎叟攷弧以革心漁童卷緡而易
慮作者之志其仁博哉

崇崇靈塔掃氛孤出平砌沓雲層輪麗日瓊容皓曜鴈影
依俛初驚地踴忽視天飛塔何情矣監惡斯止塔何言哉
誘善不回至人默默與我同德寂語忘教而人自効明明
者枯曷可齊焉上階于天下窮于淵深谷為陵其功不騫

唐洞庭山福願寺律和尚墳塔銘并序

道賢上游其德如陽和亭毒萬物生而不予成而不有或
曰異於是蓋由無生空惠真乎其間哉暨洪唐盛明之朝
我法尤重五教四分颺揚景張南山律宗居天下第一後
弟子如大師鮮矣大師望出徐氏諱神皓字弘度八代祖
橘齊竟陵王西邸學士子陵梁尚書左僕射其文與庾子
山齊名逮陳氏革命因佐吳邑遂家姑蘇高祖碩學通三
禮中年即世曾祖曇隨王府咨議叅軍祖德恭潯陽郡詞
曹考君定深於世釋典不屑名宦大師天情耿潔風韻朗
邁幼負脫俗之姿嘗有言曰沙門者高潔其道秉空王平

等之性一念不昧坐登佛階吾自知此生履龍淵取明月
曷有三圭之貴重侯之高而能動我心哉乃依杭州龍泉
道場一和尚出家敗損容越出流輦鏗然法器如琢玉焉
天寶六年天降板詔精擇真行一州許度三人獨居薦首
吾以是知大師初披佛教滌心地也今奉國恩正世名也
因隸僧籍於包山福願道場初進具於興大師次通鈔於
曇一大師五夏未登學精三藏天台宗旨難為等夷淵玄
絕思之科如良庖之道大窾也十講律鈔五昇壇場傾江
而東願禮其足後生學者仰其聰明惠性如追騏驎之步

大師嘗引錫西望想包山舊居包山即洞庭仙都之一峯
湖澄氣清日出水上疊嶂合沓生乎影中得非天遺去此
中與此成道耶乃命舟而還使野童誅茅山童掃石願佐
石昔者如來崇飾塔廟乃是啓發群信開人天淨境豈為
已哉此寺隳廢久之非先師本意乃闢僧院創食堂衆有
怠慢者醜其行而理之舍有傾者惡其邪而正之懇田置
庄開畝泄澮功既成矣業亦博矣百千人俱皆受其賜曩
日洞山水許業湖之祗曾囁咽川繪繳亘渚大師以來如
不殺之戒黠彼魚鱸食廻小人之腹為君子之慮乾元祀有

詔天下二十七寺各奏大德七人長講律戒因請住開元寺欲果願具且懼簡書遂僂俛從命奉戒弟子開州刺史陸公向前給事中嚴公浣服道弟子禮部侍郎劉公太真前大理評事張公象欽風弟子前廉使亞相李公栖筠天誘厥衷俾揚我法精識通敏言為世程謝太傅之流也其時常熟地偏僧多闕行李亞相欲以德撫乃請大師統而正之一化而革心再化而知道三化而闔邑從風大師末年工於圓宗縱心皆事以文字而用不以文字為病是念佛寫經備行教法置西方社廣淨土因專誦法華經九千

餘匝遊四大寺登五老峰遍欲觀古僧得道之所此亦至人之餘事應物如動自視缺然貞元六年十月春秋七十五僧臆四十三其月在開元遇疾忽言曰吾愛夫得道者心如澄漠知如晨曦不染如浮雲自在如游鴻吾雖非斯人亦未肯以有生為累其月十一日顧門人維諒我去世後汝若置塔可歸洞庭故山言畢而逝是夜琉璃色天星實如雨往往有西方之應覩而不書奉遺命也門人維諒有文有道獨步當時執師之喪不以證而廢教也列座門人道超靈俊道潛道稜維謙維誠皆積解以詣空門邁德

以藩象教吾聞古之僧高者述誅與碑自晉朝始也二三
子思吾師盛德將欲鎔黃金勒貞石垂裕後使昭昭之教
長燭於人天銘曰
於穆大師立言可經身佩戒光高月亭亭怖魔以祛襲智
以醒如何斯人忽號冥冥天樹春折雲花夜零空留一燈
寂寂青熒伊昔行道坦坦素履跡難可攀行不可擬乃知
我師應世無已優遊人天自在生死門人維諒躡彼高塵
嶷嶷靈塔紀功與人于山之峯于湖之濱風淒遠鐸月慘
重輪瞻禮雲上如逢化身

畫救苦觀世音菩薩讚

并序

繪工匠意通幽若菩薩出現湛兮凝心于內怡然示相于
表非法王妙用何哉誰其主人即湖州刺史諫議大夫樊
公夫人范陽縣君盧氏所造也初夫人有恤胤之兆常念
觀音夢雲初懷育月方誕命曰是女且不正名蓋取宜子
之意也公以積德樹仁膺其錫羨雖菩薩大慈不昧亦江
漢間氣所鍾詩云維岳降神生甫及申之儔乎於戲至誠
既敷上願思答乃於寶勝殿內按經圖變祇於壁上觀示
現之門不捨毫端禮分身之國詞曰至人之體兮而有無

迹至人之心兮用而常寂公之小君兮惠性造微我之大
士兮慈心莫違保幼子兮永貞無悔覲真儀兮常明不昧
慈為雨兮惠為風灑芳襟兮襲輕珮

畫藥師琉璃光佛讚 并序

佛以大慈療生死巨瘵示藥師名以大智證圓明妙身受
琉璃稱無私之鑒湛乎不動誠懇之至感而遂通湖州刺
史諫議大夫樊公夫人范陽縣君盧氏得之矣頃因懷妊
默念于心先徵佩印之祥戴見懸弧之志遂圖此變以答
佛慈光射金扉日月不開於天上影隴珠綴烟霄自出於

壁間東方如來瞻仰長世輒揚盛美有愧諛才詞曰
藥師之光随心至兮十二上願慈不遺兮琉璃之身為我
示兮八十種好相畢備兮繪象報德公夫人兮初祝胤子
果克禋兮早見才童邁人倫兮將成大器應甫申兮如來
惠父長可親兮貽厥孫謀壽萬春兮

蘭亭古石橋柱讚 并序

山陰有古卧石一枚即晉永和中蘭亭廢橋柱也大曆八
年春大理少卿盧公幼平承詔祭會稽山携居士陸羽因
而得之生好古者與吾同志故讚云古橋石柱亭亭殊類

渾璞璘玢亂錢蒼翠遺在蘭渚遷于客位雲狀未銷水痕
猶漬在物頗重則人無弃石豈有心求人所貴若瓊與玉
呈瑤蘊異如彼陸生不文其器此猶可轉豈君同志

烏程李明府水堂觀玄真子置酒張樂叢筆乳

揮畫武城讚

烏程魯邑異日同風洋洋絃歌復聞我公玄真跌宕筆狂
神王楚奏鏗錡吳聲瀏亮舒縑雪似頌彩霞狀典不誤揮
毫無虛放藹藹武城披圖可望咫尺之內天高水清月疑
山吐風恐松聲晴雨雲住春冬草榮比公為政德暖生成

盛烈暉暉雙揚厥靈

達磨大師法門義讚

我師西來傳乎真訣大輪當路小乘亡轍冥冥世人初見
日月權跡有歸光雲不滅

天台和尚法門義讚

我立三觀即假而真如何果外強欲明因萬家之性空江
月輪以此江月還名法身

二宗禪師讚

裁玉為璧一體殊稱二聖淵淵異名同證安讚天后寂佐

玄宗卷道就跡與時從容邈邈安公行越常致高天無言
九有咸庇大海無心百川同味不授心印但以无言應世而物無不化瞳瞳
大照有跡可覩不異六宗無慙七祖禪崗一傾人天何怙

能秀二祖讚

二公之心如月如日四方無雲當空而出三乘同軌萬法
斯一南北分宗工言之失

志公讚

大動之地我安其中高景無氛靈鶴在空中出生死泥隨物
有終斃形駭俗借績開蒙常携刀尺精意誰通

唐大通和尚法門義讚

觀淨之筌斯言不住四色蓮花白花為喻應知離相或未
圓通吾師惠心雲開天空

唐鶴林和尚法門義讚

真見之體知而不性知猶無主禪何有支我本圓寂湛而
不移聿來化人慈力所為

大雲寺逸公寫真讚

盡與理冥兩身不異淵情洞識眉睫斯備欲發何言正思
何事一床獨坐道具長隨併執堪瀉珠傳似移清風拂素

若整威儀

洞庭山福願寺神皓和尚寫真讚

虎頭將軍藝何極但是風神非畫色方顙明眸亦全得我
豈無言道貴默雙扉曙啓趺坐時百千門人自疑惑

沈君寫真讚

誰識英姿披圖宛在月動光芒風生神彩勻毫點朕天質
無改聽似欲言窺不敢怠佩可鳴玉冠宜附蟬鷲翔鶴願
志氣翛然侯伯之量於斯鑒焉

王安吉寫真讚

性正氣高外爽神徹遠水滢渟秋天寥泬斲工傳逸點漆
開頤風儀秀發毫髮無遺當獨立處似不言時如嘖如顧
何慮何思披影相對真身是誰

楊達處士寫真讚

識洞才高天貸神與霜縑之上逢不語聳聳山立翹翹鶴
舉置之巖石邈然無侶

杼山文集卷之第九

唐 吳興 釋皎然 清晝撰

蘇州支硎山報恩寺法華院故大和尚碑

并序

我先大師曰佛嘉言孔碩大造人天張無生極宗懸衡於
群教之表自第一義諦皆我之蘧廬也况儒墨名法道家
之流哉教之斯行資乎哲匠今大師即其人也師諱道遵
字宗達吳興張氏之子崇勲茂德世為吳中右族大師夙
負殊操潔士稱之榮曜不足闡其心聲塵未曾觸其性其
年二十詣天竺威大師初受具戒事報恩興大師首宗毗

尼依佛教也常愀然而歎曰孔老之學不明三世昭昭之
業何異夫適郢而求真山哉先大師則不然觀萬象無根
我獨以無生一念覆疑山之峻知四流妄有我獨以妄動
二字停倒海之波窒是遠而悟者天隔昔在漢明永平之
際大教洋溢霈然而東與生靈滌心觀天地更始正士自
摩騰已降持法有如閔中者秉律有如南山者海內髦士
亟歸乎我如凱風微揚嘉木先發北齊惠文大師傳龍樹
智論一性之教教即我釋迦如來九世祖師文殊所承也
惠文傳南岳南岳傳天台授一心三觀之旨以十身佛刹

微塵數脩多羅如懸帝網不出正念無違即中蓋如來一
期教之扁鑄也天下弘經之士窺我宗者不得其門而入
天台去世教傳章安章安傳縉雲縉雲傳東陽東陽傳左
溪自龍樹已還至天台四祖事具諫議大夫杜正倫傳教
記今大師則親承左溪一受心宗方造其極物有凋折而
苦節不衰時有晦明至行不變法華三昧淵乎我衆嘗從
容謂門人曰堯舜之民不必獨義教之至也教若不至民
何咎焉吾恐大教未周群機未發陷諸子於邪見之網吾
徒得無過乎乃欲廣寫法華經置道場闢經院以燭繼景

揚大雄慈聲蓋平生之願歟一之日發其心二日之規其
趾作不逾序厥功成焉居山之福地於戲群峯合沓以就
我當大藏而孤峙疑天作以待用此持經之境也及以清
晝山空杉吹不動真念凝乎寂寞經聲在乎窅冥此持經
之心也大曆元祀州將韋公元甫兵部尚書劉公晏侍御
史王公圓開州刺史陸公向殿中侍御史陸公迅大理評
事張公象境誘真心共獲殊勝乃相與飛表奏聞詔書特
下署名曰法華道場焯哉盛乎經王之惠日昇于天乎自
江以東惣一十七所皆因大師之手置也舉釋行大德二

十七人常持法華報主恩也大師以無緣慈眼極觀四生
多溺空見乃鑄盧舍那及毗盧遮那像明智身不有法體
非無將欲顯古佛證經之由乃起多寶妙塔開淨土當生
之業遂作彌陀色身法華一經駭聲聞得記方等四部喜
廣教盡收無垢淨光蓋是如來極開方便跡雖有作功乃
無為接人天機使知有殊常之福又寫天台一教溢乎道
場真詮昭昭與清景不極大師有言佛法壽命其惟常住
乎常住不存我法安寄於是置莊二所世田為義俟嘉穀
以登身田是脩期聖禾不絕非夫大師平等之施孰能於

事理雙全哉物投我慈日用不足門人有懈廢者接彼退
機講法華玄義天台止觀四分鈔文臨壇度人授心揚律
願盈乎石室之籌天寶年於靈巖道場行法華三昧忽覩
大明燭上天界我身正念儼在光中異日問天台然公公
曰智惠光明從心流出非精志之所致耶又於本寺入法
華道場忽覩此身在空中坐先證者知是大師滌垢之相
不然則萬法有無礙之用哉其年春秋七十一僧牒四十
六以興元元年七月二十九日告終於支山本寺嗚呼像
法梁壞苦流增波無數人天從今失怙初當寺蓋公輪公

一夜同夢大殿忽崩得非法象將亡之應乎示疾之日驕
陽夕憇嘉苗若燎辭世之夕風號雨暴天地慘黯亦我法
凌遲之變也傳教門人靈輪法盛道欣可入如來之室豈
唯宣父之室哉俾厥鴻猷張而未弛奉教門人猶子靈源
等高志警拔德隣先賢精細行以檢儀敷大乘以基性予
雖後學夙聆德聲曷云不騫貽諸樂石銘曰

泓澄吳江靜幾於道清氣蓄焉誕我僧寶洗洗大師與道
為藩義天無字慈缸不昏歸然支山繫公所履建塔闢院
夷荒而趾乃基靈峰靈峰崇崇乃啓秘藏祕藏彤彤天色

在下日輪當中真經無言至象非象冥理徹性不昧不朗
三觀一心如懸帝網雪山差我有時而裂香樹偃蹇有時
而折世相若斯師何示滅示滅何之天泣人悲高丘漠漠
細雨霏霏携履西去相逢是誰見海未乾疑山尚阻囂囂
魔民爰得其所吾師寂寥空留法語入空教子皆弘我經
安公如月遠公如星恭恭袂袂釋氏儀形塔影亭亭長在
寒樹天上花落人間日暮猶飄若雲與我為喻

唐湖州大雲寺故禪師瑤公碑銘并序

昔在穆天子我如來大聖沒於西土蓋示身也其聲教紛

綸湮滅而復紀者九十六種外道持衡於五天是僭佛號
俾戒月生魄寶星為慧涅槃河水汨泥揚波而天下騰口
襲心憂然而喪精矣我本師爰勅大士中興南州激童蒙
竅禱机摧異道破邪黨彼日月是出燿火不息其為光也
不亦難乎有其躡清氣胤種性雲龍相召與蒼生為眷則
我大師矣大師諱瑤字真瑛俗姓沈氏吳興德清人也其
先仕國於沈因以為氏按春秋沈子之後也五代祖敏梁
東陽太守不言而理不猛而威揚之以和風灑之以甘雨
殷氏既喪公其嗣焉高祖某勇而仁直而信少好理體機

若缸轉六歲讀孝經至參不敏略而不讀師問之故曰此
大人稱之而小子曷稱之十七州舉孝廉陳侍中徐陵特
相器重名位不達終于丘園曾祖某學藏於晦辯守於納
大業之際州辟不起祖某考三教之源精一貫之旨結廬
於金鵝山下怡然獨得父某湖山是傑言行孔臧里有不
爽而訓之隣有不給而錫之燠兮春風凜兮寒松心可以
育物德可以垂裕以五世樹善而瑤公生而聰惠不以師
受年未稔角辟親出家患身之資忘若遺跡爽口之味飲
如我仇以如意年大赦度人壞衣削髮煤灸世事怡懌至

道弱冠遊東京大福先寺厥受大戒懇懇勤勤不遑假寐
三日之夕戒相出焉見有神人假然在目倏來忽往或同
或異得非至誠乎於是燭如來燈佩菩薩印證聖中歸于
大雲道場堅執律柄僧綱釐舉不亦宜哉公素履純龐無
咎無譽使天下之士有外道焉有闡提焉心如飄風言若
泉湧挽我聖教齊我妙門公示以從容誘以方便莫不稽
首挫色而聞命焉常禮一萬五千佛名兼慈悲懺日夜一
匝或二日或三日一匝苦節貞勵飲冰如霜夜有聖僧九
人降於禮懺之所相與行道彈指而去或夜無燈燭心口

是念圓光照室如坐月中如此則徃徃有之公常喟然曰
自明帝夢金人孫權獲舍利茫茫中土是有正法而德清
偏邑罕有塔寺使蒼生蒙昧罔知所之悲夫至人無名陶
鑄而名之耳安可糠粃有為金壁無相二見齊楚瞽性者
流豈短履如之功萬法無外此大菩薩自在之盛行吾將
為爾行焉於是繕以香臺作以菴殿卿雲蓄泄於戶外麗
月明回於簷下是知觀象大壯法時雲室豈不宜哉前後
寫經二藏凡一萬六千卷不以皮為紙不以血為墨是身
自死穢靡潔書寫非難捨哉晚節工於禪門頓入懸解言

越性靈之外心冥文字之表天寶初臨安足法師死經三
宿將入地獄真見瑤公引至王所謂王曰此師解講涅槃
經大王宥之王曰唯聞嚴能講不聞此師名何也如此再
三王不能屈因赦之嗟乎至人之作用不動此身而流形
于彼非無緣慈力何哉曾是鄉人施羯音牛者天然不孕
因而出乳及瑤公寢疾日有饋之非夫人含動植德感明
神亦何能致此希有之事也他日蹙然改容據梧而歎昔
孔子蚤作悲歌于門者此聖人所以同我生亦同我死莊
生曰適去夫子順也吾亦何懼哉以十一年秋禪坐滅度

嗚呼婉婉蓮步應隨白雲寥寥香林空見孤月余不知其
至人幽機妙用髣髴化為天星乎飛為白霓乎不然將有
異名於他國乎某月某日飭以靈龕崇以寶塔擊以法鼓
吹以法螺門人號慟於是葬斂十二年春將欲啓靈龕遷
寶塔炎炎金火以求舍利豈知容色不壞凜然如生識者
以為涅槃本義絕動涉之知窮寂照之惠存不壞之身滅
大化之體此四者而公得之昔少林孕鬚斬春育髮何獨
嘉也寺主玄嶽等皆秉大明惠開道區中吠琉璃天移夕
為晝彼什公四子亦季蓋之間歟大理評事攝監察御史

姚澹主客郎中姚沛稟龜溪之靈鵝山之英門多才傑世
著匡佐而瑀公善焉刺史楊惠才識深敏器宇調暢虞譚
之流也今吳測微清慎有度奸回無欺賀循之流也皆入
境問俗飲風眷德徘徊歔歔有恨來暮嗟乎法本無名是
歸寂樂門人隨淚頷刻豐碑予誠不敏衆以見託銘曰法
本無生示生兮法本無名強名兮大師振振冲邈兮蒼生
茫茫啓覺兮堅持律藏是非兮深入禪門杳微兮鵝峰岑
峯莫涉兮龜渚澹蕩莫測兮五千佛懺是禮兮十二經文
是啓兮聖僧異人降語兮揭桃音牛非孕垂乳兮同衆生病

因差兮同衆生沒罔壞兮門徒病矣號絕兮姻族潛然嗚咽兮烏臺華省思人兮邦君邑宰敬神兮無言可象湛寂兮身謝名飛刻石兮

唐杭州靈隱山天竺寺大德說法師塔銘

西周之叔世本師淪跡於拘尸那城千有餘年教行東漢玄網遐屬殆如綴旒而先經異時至機終義故我唐聖曆中大方廣梵文四譯斯備雷霆始懼於魔耳天地再造於人心瞳瞳無邊佛日正出其時弘道之士有燉煌得他心通稱是文殊後身洎四葉傳於吾師本孫氏之子長沙桓

王十有三世母孫也初感夢吞明珠遂點鱸惡葷誕彌厥月生有異表中歲若成寥兮真姿不棲于俗願移榮於道忘錫羨於家至十五辭親從師依年受具行學一集蘄為教宗終卷伊呂立功之致陋黃綺肆志之適遺形理性與山木為群故地思貞大師屬我以華嚴經菩薩戒起信論心以靜甄智與經冥徹照淵玄萬法一念霄景盈空而不見晨曦溢目而何有有而不可有者吾其見真師之心哉受經彌時乃疑未契其夕夢乘大輶直截滄溟橫山當前峻與天極不覺孤帆鳶戾懷兼止濟峯竦竦而勿心焉雲溶

溶而在下既寤形若委衣流汗輕醒自此句義不思而得
一部全文常現心境事事無礙之旨如貫花鳥天寶六年
於蘇州常樂寺畫盧舍那像寂念初萌十身並現日月何
咎唯吾師自知大曆二年講於常州龍興寺終登法座忽
有異光如曳紅縷漸大縈於香空久脩行者會中先覩前
前後講大經十遍制義記十二卷誠感之事此類固多今
略而不載受業比丘太初付以香鑪談柄如其意有歸深
於吾道者則有尋陽正覺會稽神秀亦猶儒氏之有游夏
荀孟雖賢議德其造形之異乎至大曆十三年十一月七

日沙門惠寬夢巨塔橫仆陷地二級無何如吾師示疾願
門人曰死生者衆人之桎梏至人之作用昔尼父逍遙曳
杖發太山之歌蓋欲顯本知終示動歸靜吾雖不敏幸異
夫流遁不返者乎言已奄然與物而化春秋六十一惠命
三十二以其年某月日甲乙建塔于某處終終之義也噫
素旌晨出異昔經行衆籟啾啾以風號細雨茫茫而天泣
世流有逝法流何逝而常清世上自騫法山何騫而常存
吾知夫一貫何而言時邗城肅公得離性之文代予為銘
刻石松門諱曰銘無本

贈李舍人使君書

自湖上一辭十有餘載公貴為方伯畫跡在空林出處殊
踈音塵不接蓋理然也畫從辭後自謂年多志固名踈道
親唯慕空門若有所詣然未曾遇知己一知常戲為一章
自詠曰樂音洛禪心似蕩吾道不相妨獨悟還歌笑誰言老
更狂昔謝太傅每賞支公喜標宗要若九方堙之相馬略
其玄黃而取其駿逸畫今日於公即道林逢太傅之秋也
又畫於文章理心之外或有所作意在適情性樂雲泉亦
何能苦健羨於其間哉頃者目疾相嬰濛濛如隔煙霧患
脚氣行履不迨昨丞至止病中不獲躬詣門闌披叙離闊
形礙神往有所恨也謹狀兼簡雜文畫性野思拙機淺忽
若偶中風律終期匠者賞鑒不遺幸甚釋畫白

贈包中丞書

改年伏惟永感因極畫之理心本在忘情及經節序惘然
悲愴去歲馬三往已奉狀計上達孟春猶寒伏惟中丞尊
體萬福即此畫蒙一昨見扶起離披菊一章使畫却願鄙
拙盡欲焚燒凝思三復弥得精旨中丞寄重任大惟按日
盈而言時至此豈非凝心悉到耶今海內詩人以中丞為

龍門賢與不肖雷同願登仰測中丞之為心固進善而拒
不工也晝無西施之容不合輒議西施之美然心之服矣
其敢蔽諸今之馳疏實有所薦有會稽沙門靈澈年三十
有六知其有文十餘年而未識之此則聞於故祕書郎嚴
維隨州劉使君長卿前後殿中皇甫侍御曾常所稱耳及
上人自浙右來湖上見存并示製作觀其風裁味其情致
不下古手不傍古人則向之嚴劉皇甫所許疇今所覲則
三君之言猶未盡上人之美矣讚其道邊古墳詩則有
松樹有死枝塚上唯莓苔石門無人入古木花不開蒼范

降書作則有綠竹歲寒在故人衰老多 雲門雪夜則有

天寒猛虎叫巖雪松下無人空有月千年像教人不聞

燒香獨為鬼神說 石帆山作則有 月色靜中見泉聲

深處聞 題李尊師堂則有古觀茅山下諸峯欲曙時真

人是黃子玉堂生紫芝 題曹溪能大師獎山居則有

禪門至六祖衣鉢無人得登天姥岑望天台山作則有

天台衆山外歲晚當寒空有時半不見崔嵬在雲中 傷

古墓作則有 古墓碑表折荒壠松柏稀 福建還登梨

嶺望越中作則有 秋深知氣正家近覺山寒 九日則

有山僧不記重陽日因見茱萸憶去年宿延平懷古
則有今非古獄下莫向斗邊看又有歸湖南詩則有
山邊水邊待月明暫向人間借路行如今還向山邊去
唯有湖水無踏行此僧諸作皆妙獨此一篇使老僧見欲
弃筆硯伏惟中丞高鑒弘量其進諸乎其捨諸乎方今天
下有故大賢勤王輒以非急干諸視聽亦昭愚老不時達
也然上人秉心立節不可多得其道行空惠無慙安遠嘗
著律宗引源二十一卷為緇流所歸至於玄言道理應接
靡滯風月之間亦足以助君子高興也晝疾弊未期奉展
伏深瞻望近應府公三五首謹憑澈上人呈上年暮思蹇
多慮迷錯所希宗一為指瑕幸甚晝白

荅權從事德輿書

權三從事足下傳吏至辱書謬蒙發揚殊增悚慙觀其立
言典麗文明意精實耳目所未接也幸甚幸甚貧道隳名
之人萬慮都盡強留詩道以樂性情蓋由暫起餘塵未泯
豈有健羨於其間哉初貧道聞足下盛名未覩製述因問
越僧靈澈居士豆盧次方僉曰楊馬崔蔡之流貧道以二
子之言心期足下日已久矣但未識長卿子雲之面所恨

耳先輩作者故李負外遐叔故皇甫補闕茂正故嚴秘書
正文故房吳縣元警故閻評事士和故朱拾遺長通故處
士韋此數子疇昔為林下之遊遐叔當時極許貧道四十
韻之作其略曰中霄發耳目形靜神不役色天夜清迥花
漏月滴瀝東風吹杉梧幽月到石壁此中一悟心可與千
載敵又曰不然作山計改服乘下澤君隳元亮冠我脫潛
師屐各倚高松根共逃金閨籍又能秀二祖義門讚其略
曰二公之心如月如日四方無雲當空而出遐叔因此相
重元警著道交論比於高雲獨鶴意謂關於詩而不關於

事貧道亦無推焉今再遇足下素識其文章挺拔壞竒自
齊梁已來詩僧未見其偶但此子跡真累遣心無營營雖
然至於月下風前猶未廢是公遠之友豆盧次方才識超
邁所得經竒飄颻然有凌雲之氣而不輕浮此乃山僧惠
眼見亦嘗與論物理極天人之際言至簡正意不虛誕足
下精鑒豈無此子乎在於貧道不得不言耳承索弊文見
已繕寫問元二十一判官未夾中緘封甚難以此未及寄
上彼來使無限請近作三五章至至之言旁通我法佇以
適山情助禪教耳幸甚十二月二十日皎然白

報應傳序

語曰死生有命富貴在天蓋垂教之意也或曰盜跖日殺不辜而終天年顏回積仁累行而不幸短命天之報施是耶非耶此皆本於天也今請以釋氏論之夫生生之理同有不關於業則報施有歸報施有歸則因果不爽因果不爽則空見不生有去來三世之殊故巨細必顯有染淨二心之別故涇渭既分性自我能命自我有豈神授而天與乎涅槃經云無有自作他人受果豈怨天尤聖乎知遍計有如龜毛兔角決定無也依他緣生非自然也圓成寶性

體則妙有相乃真空具一切恒沙功德不周靈空無為而無用也有若沙門法海字文允俗姓張氏朱方人也圓入一性學階空王擅當代獨悟之名剖先賢不決之義一時學外儒釋該通六書究其源流三易窮於變化嘗謂予曰佛法一門獨開心地皆椎輪也於戲天造溟滓惑網高張非大圓真詮曷能示明明之業俾群生知正脩之路哉日者象季之數吾道陵夷朋溺妄空謂無因果公乃救將弛式紙之教衰弱喪之子其報應昭驗見聞可憑者因採而反託之編為三卷鱗羽有性之類亦皆附焉以為動物尚尔

而况於人乎下以軌正於邪宗上以裨益於真理若佛日未墜于地庶幾將有證焉

強居士傳

人生性靜而遷乎可欲可欲萌乎憂喜憂喜者病之原也故至人觀其性見萬物之真觀其動見萬物之過客有強君隱山之儔也埋昭渥俗寄於和偏之伎而時人無能知者予嘗問君以上鑿之術君對曰夫妙有統於心而通於物理其靜為性其照為覺覺也者日月之謂乎性也者太虛之謂乎故理世為儒可以敷五典理性為釋可以越四

流理病為靈可以空六腑使定命可道業疾可亡而世教罕能追之故鑿王未悉辨也予曰至哉斯言命小子志之

座右偈

水月無根緣生則有莫辨其端莫窺其後以有為瑕以無為垢不廢不立誰觸誰受寂念淵玄紛然何咎

杼山集卷第十

唐 吳興 釋 皎然 清晝 撰

四言 講德聯句 潘述 湯衡 釋晝

先王設位以正邦國建立大官封植有德述二南敷化四
岳述職其言不朽其儀不忒衡暨于羸劉乃創程式罷侯
置守剖竹分域晝赫矣皇唐康哉立極精選藩翰庸資正
直述爰命我公東土作則克已恭儉疲人休息衡濟濟間
閔油油黍稷既富既教足兵足食晝恤其凋瘵剪其荆棘
威懷逋叛撲滅螫蠹述疾惡如讎聞善不惑哀矜鰥寡旌

禮儒墨衡乃脩堤防乃濬溝洫以利通商以漑嘉穀畫徵
賦以節計功以時人胥懷惠吏不能欺述我政載享我邦
載綏猛獸不暴嘉魚維滋衡爾恭明神齋沐不虧歲或驕
陽雨無憊期畫帝嘉有庸寵命來斯紫綬載綏金章陸離
述資忠履孝閱禮敦詩明德惟馨自天祐之衡

四言講古文聯句 潘述 裴濟 釋畫 湯衡

帝出于震文明始敷述山岳降氣龜龍負圖濟爰有書契
乃立典謨畫先知孔聖飛步大衢衡漢承秦弊尊儒尚學
述百氏六經九流七略濟屈宋接武班馬繼作畫或頌燕

然或贊麟閣衡降及三祖始變二雅述仲宣閑和公幹蕭
灑畫士衡安仁不史不野畫左張精粵嵇阮高寡衡暨于
江表其文鬱興衡綺麗爭發繁蕪則懲述詞曄春華思清
冬冰述景純跌宕遊仙獨步衡青雲其情白壁其句衡靈
運山水實多竒趣述遠派孤峯龍騰鳳翥述陶令田園匠
意真直畫春柳寒松不凋不飾畫江淹雜體方見才力衡
擬之信工似而不通衡鮑昭從軍立意危苦述氣勝其詞
雅愧于古述隱侯似病創制規矩畫時見琳瑯惜哉榛若
畫謝眺秀發詞理翩翩衡孤標爽邁深造精研衡惠休翰

林別白離堅述有會必恆無慙曩賢述吳均頗勁失於典
裁畫竟乏波瀾徒工邊塞畫彼柳吳興高視時輩衡汀洲
一篇風流寡對衡何遜清切所得必新述緣情既密象物
又真述江惣徵正未越常倫畫時合風興或無淄磷畫二
杜繁俗三劉瓌碎衡陳徐之流陰張之輩衡伊數公者聞
域之外述吁此以還有同自鄆述

五言項王古祠聯句

潘述

釋畫

湯衡

遺廟風塵積荒途歲月侵述英靈今寂寞容衛尚森沉畫
霸楚志何在平秦功亦深衡諸侯歸復背青史古將今述

星聚分已定天亡力豈任畫采繫如可薦舉酒漑空林衡
五言還丹可成詩聯句

羽化自仙骨延年資養生畫金經啓靈秘玉液流至精述
八石思共鍊九丹知可成衡吾心苟無妄神理期合并畫
封竈用六一置門考休京述浮光含日彩圓質煖雲英衡
持此保壽命服之順性情畫跋予望仙侶高詠昇天行述
鶴駕方可致霓裳定將迎衡不因五色藥安著七真君畫
揮妙在微密全功知感誠述與君弃城市携手遊蓬瀛衡
五言建元寺畫公弃崔秀才見過聯句與鄭奉

禮說同作

人閑宜歲晚道者訪幽期獨與寒山別行當暮雪時皇甫

栢臺薛漢主竹寺寄潛師荷策知君待開門笑我遲畫暮

堦縣雨足寒吹繞松枝理辨塵心妄經分梵字疑鄭久承

黃紙詔曾賦碧雲詩然諾驚相許風流話所思崔子筌忘

心已默磬發夜何其願結求羊侶名山從所之曾

五言建元寺皇甫侍御院寄李負外縱聯句首一

寄隱霜臺客相思粉署人子向奉誠知阡陌近無柰別離

頻曾奉夜色迷雙樹鍾聲警四隣說奉禮散才徒仰鮑歸

夢遠知秦上台雨帶清笳發花驚夕漏春畫超超隨步錫髣

髣聽行輪子向奉要路推高足空林寄一身曾奉盛名知

獨擅良會憶相親說奉崔稍滌心中垢都遺陌上塵子向

今霜此堂集何事少遺民畫

五言冬日建安寺西院喜畫公自吳興至聯句

一首

宗系傳康樂精脩學遠公祠部郎中兼相尋當暮歲行李

犯寒風駕部累積浮生裏機慙半偈中前太常寺奉傳

家知業墜繼祖忝聲同畫雲與輕帆至山將本寺空崔子

向來忘記滅留我宿花宮

前吏部郎中兼
括州刺史齊翔

五言建安寺西院喜王郎中通恩命初至聯句

時郎中正入
西方道場

跡就空門退官從畫省遷任持良有願朝謁冗無緣遺身

淨金繩內心馳玉宸前畫榮添一兩日恩降九霄年翔慕

法能輕冕追非欲佩絃緹棲閑那可久鴛鴦待行聯子

五言建安寺夜會對雨懷皇甫侍御曾聯句

相思非是遠風雨遣情多畫願欲披雲見難堪候曉過緹

夜長同歲月地近極山河說戒相初傳授文章舊切磋違

時稱洛下詠人許郢中歌子惆悵徒延首其如一水何珙

五言泛長城東溪暝宿崇孝寺寄處士陸羽聯

箬水青似箬玉山碧於玉子逼霄杳萬狀截地分千曲畫

萍解深可窺林豁遙在矚子已高物外賞稍滌區中欲畫

野鶴翔又飛世人羈且跼子沉吟跡所悞放浪心自足畫

緬懷虛舟客願寄生蒨東子說詩整頽波立義激浮俗畫

荆吳備登歷風土隨編錄子恨與清景別擬教長路促畫

溪鳥語鸚唼寺花翻躑躅子印圍水壇淨香護蓮衣觸畫

捧經啓紗燈収衽禮金粟子安得扣關子玄言對吾屬畫

五言與崔子向泛舟自招橘經若里宿天居寺
憶李侍御萼渚山春遊後期不及聯一十六韻

以寄之

晴日春態深寄遊恣所適畫寧妨花木乳轉學心耳寂子向

取性憐鶴高謀開任山僻畫倚絃息空曲捨履行淺磧子向

渚若入里逢野梅到村摘畫碑殘飛雉嶺井翳潛龍宅陳即

帝宅壞寺隣壽陵古壇留劫石畫穿塔筍節露拂瓦松梢子向

碧子向天界細雲還墻陰雜英積畫懸燈繼前焰遙月昇圓

魄子向何意清夜期坐為高峯隔畫茗園可交袂藤潤好停

錫子向微雨聽濕巾迸流從點席畫戲猿隔枝透驚鹿逢人

擲子向覩物賞已竒感時思彌極畫芳菲如馳箭望望共君

惜子向

五言渚山春暮會顧丞茗舍聯句効小庾體

誰是惜暮人相携送春日因君過茗舍留客開蘭室陸士脩

濕苔滑行履柔草佞藉瑟鵲喜語成雙花狂落非一崔子向

煙濃山焙動泉破水春疾莫扣挂瓢枝會移閨書帙畫頗

容樵與隱豈聞禪兼律攔竹不求踈網藤從更密士脩池添

逸少墨園雜莊生添景晏枕猶歆酒醒頭懶擲子向雲教淡

機慮地可遺名實應待御萍青幽期踏芳出畫

七言與李司直令從荻塘聯句一首

畫舸悠悠荻塘路真僧與我相隨去寒花似菊不知名霜

葉如楓是何樹李令從倦客經秋夜共歸情多語盡明相顧

遙城候騎來仍少傍嶺哀猿發無數畫心閑清淨問禪寂

興逸縱橫問章句虫聲切切草間悲螢影紛紛月前度令從

撩亂雲峯好賦詩婵娟水月堪為喻與君出處本不同從

此還依舊山住畫

三言擬五雜俎聯句八首

五雜俎盤上迨往復還頭懶梳不得已冒裏魚李五雜俎

郊外燕往復還樵工駒不得已谷中愚殷佐明五雜俎繡與

錦往復還興又寢不得已病伏枕顏真卿五雜俎星與辰往

復還有人情不得已客傷春畫五雜俎酒與肉往復還東

籬菊不得已醉便宿袁高五雜俎闌闌間往復還門上闌不

得已鬢毛班陸士脩五雜俎繡紋線往復還春來鶯不得已

入征戰蔣全

三言重擬五雜俎聯句四首

五雜俎四豪客往復還阡與陌不得已長沙謫廡五雜俎

五辛盤往復還馬上鞍不得已左降官萬五雜俎其醜醋
往復還烏與兔不得已韶光度真五雜俎五色絲往復還
回文詩不得已失嘉期畫

三言重擬五雜俎

五雜俎篋中線往復還雙飛鸞不得已長門怨

五言月夜啜茶聯句一首

泛夜邊坐客代飲引情言陸士脩醒酒宜華席留僧想獨園
張不須攀月桂何假樹庭萱李御史秋風勁尚書北斗尊
萬崔流華淨肌骨疏淪清心源真不似春醪醉何辭綠菽繁

畫素瓷傳靜夜芳氣滿閑軒袁高

五言夜宴詠燈聯句一首

桂酒牽詩興蘭缸照客情士詎慙珠乘朗不讓月輪明萬
破暗光初白浮雲色轉清真帶花疑在樹比燎欲分庭畫
願已慙微照開簾識近汀高

三言喜皇甫侍御見過南樓翫月聯句一首

喜嘉客闕前軒天月淨水雲昏真鴈聲苦蟾影寒聞裏泥
滴檀藥陸歡宴處江湖闊皇甫卷翠幕吟佳句恨清光留
不住李高駕動清角催惜歸華重徘徊晝露欲晞客將醉

猶宛轉照深意

陸士
備

七言重聯句一首

須持憲簡推高步，獨占詩流橫素波。不是中情深惠好，誰
能千里遠經過。真卿詩書宛似陪康樂，少長還同宴永和。夜
酌此時看振玉，晨趨幾日重鳴珂。曾萬井更深空寂寞，千
方霧起隱嵯峨。熒熒遠火分漁浦，歷歷寒枝露鳥窠。萼漢
朝舊學君公隱魯國，今從弟子科。只自傾心慙煦嚅，何曾
將口恨蹉跎。羽獨賞謝吟山照曜，共知殷歎樹婆娑。華轂
苦嫌雲露隔網衣，長向雪峯何處

五言送李侍御聯句一首

吾友駐行輪，遲遲惜上春。真卿東西出餞路，惆悵獨歸人。晝
歡會期他日，驅馳恨此身。應須知貴公，望從此願相因。萼

五言翫月重送聯句一首

春溪與岸平，初月出溪明。廡壁杉寒仍，潔金波夜轉清。萼
孤光遠近滿，練色往來輕。真卿望望隨蘭棹，依依出柳城。

五言重送橫飛聯句一首

春田草未齊，春水滿長溪。萼上十元兄出餞風初暖，攀光日漸
西。真卿歸期江上遠，別思月中迷。晝

七言大言聯句

高歌閨風步瀛州晝燂鵬淪鯤食未休真四方上下無外
頭夢一吸頓涸滄溟流鷹

七言小言聯句

長路遙遙蚕吐絲真焦螟蚊睫察難知晝

七言樂語聯句一首

苦河既濟真僧喜夢親知滿座笑相視真戎客歸來見妻
子晝學生放假偷向市鷹

七言曉語聯句一首

拈髓舐指不知休夢欲及侍立涎交流真過屠大嚼豈知
羞晝食店門外強淹留鷹

七言滑語聯句一首

雨裏下山踏榆皮真莓苔石橋步難移晝蕪荑醬醋喫煮
葵白縫靴臍線油塗錐夢急逢龍背須且騎益

七言醉語聯句一首

逢糟遇麴便酩酊白覆車墜馬皆不醒真倒着接籬髮垂
領晝

七言遠意聯句

家在炎洲往朔方疾豈知于闐望瀟湘澄曾經隴底復遼陽川更憶東去採扶桑晝查客三千踞未央伯燭龍之地日無光疾將遊莽蒼窮大荒晝車轍馬足逐周王均

七言暗思聯句

斜風飄雨三十夜疾隣女餘光不相借川跡滅塵生古人晝晝洞房重扉無隙罅均燭滅更深月西謝從

七言樂意聯句一首

良朋益友自遠來均萬里鄉書對酒開晝子孫蔓衍負竒才疾承顏弄鳥詠南陔澄鼓腹擊壤歌康哉川

七言恨意聯句

同心同縣不相見疾獨采靡蕪詠團扇均莫聽東隣擣霜練晝遠憶征人淚如霰澄長信空堦荒草遍從明妃初別昭陽殿杭

六言秋日盧郎中使君幼平泛舟聯句一首

共載清秋客船同瞻皂蓋朝天盧悔使比來相得如今欲

別潛然幼漸驚徒馭分散愁望雲山接連晝魏闕馳心日

日吳城揮手年年陸送遠已傷飛鴈裁詩更切嘶蟬潘空

懷鄠杜心醉永望門攔脰李恟別思無窮無限還如秋水

秋煙鄭述

七言重聯句一首

相將惜別且遲遲未到新豐欲醉時幼去郡獨携程氏酒
入朝可忘習家池羽仍憐故吏依依戀自有清光處處隨
述晚景南徐何處宿秋風北固不堪辭晝吳中詩酒饒佳
興秦地關山引夢思藻對酒已傷嘶馬去銜金思只待掃
門期惇

五言與潘述集湯衡宅懷李司直縱聯句

幽獨何以慰友人願茅茨衡已忘歲月念載說清閑述

旭日舒朱槿柔風引綠施晝迢迢青溪路耿耿芳樹枝衡
執社空躑躅來城自逶迤相思寄掇採景晏獨駘馳晝

三言安吉崔明府山院聯句一首

人不擾政已和世慮寡山情多晝禪客至墨卿過興既洽
情如何

四言重聯句一首

肅肅清院脩脩碧鮮已見心遠何閑地偏晝自公退食昇
堂草玄紛紛已隔雲心澹然達

五言重聯句一首

瀑溜聞窗外晴風逼座間畫桂冠徒有意芳桂香難攀遠
清高素非宦侶踈散從來道流今日還輕墨綬知君意在
滄洲畫浮雲任從飄蕩寄隱也信沉浮不似彰南地僻道
安為我淹留遠

六言重聯句一首

七言重聯句一首

劉令與多常步履柴桑事少但援琴閑招法侶從山寺每
掇幽芳傍竹林畫卷簾只愛荆峯色入座偏宜郢谷吟誰
許近來輕印綬因君昨日悟蟬心遠

五言秋日潘述自長城至雪上與畫公湯評事
遊集累日時司直李公瑕往蘇州有阻良會因

與二公聯句以寄之

離念非前期秋風忽已至述芸黃衆芳晚搖蕩居人思畫
白霜淒以積高梧颯而墜衡悠然越山川復此恨離異述
時景易遷謝歡難兼遂畫惜分綬迴舟懷遙企歸駟衛
休澣情自高來思日云未述

五言喜畫公尋山迴相遇聯句一首

幾年無此會今日喜相從述後夏仍多病前書達幾封畫

水華迎暮雨松吹引疎鍾畫出谷隨初月尋僧說五峰述

五言道觀中和潘丞觀青溪圖聯句

畫得青溪樣宜於紫府觀畫日明煙靄薄風落水容寬萬
畫野高佞接商工井邑攢述 疏川因稼穡出使問難艱畫

五言春日對雨聯句一首

春煙帶微雨漠漠連城邑桐葉生微陰桃花更宜濕韓張蕭
條暗楊柳散漫下原隰歸路不我從遙心空佇立畫林佞
山影近岸轉水流急芳草自堪遊白雲如可揖章尋山禪
客意苦雨陶公什遊衍情未終歸飛暮相及畫峰高日色

轉潭淨天光入却欲學神仙空思謝朋執章為道貴逍遙
趨時多苦集瓊英若可食青紫徒勞拾畫

五言春日會韓武康章後亭聯句

後園堪寄賞日日對春風客位繁陰下公墻細柳中畫坐
看青嶂遠心與白雲同韓章林暗花煙入池深遠水通楊秦
井桃新長藥欄藥未成叢仲文松竹宜禪客山泉入謝公畫
砌香翻芍藥簷靜倚梧桐章外慮隨簾卷忘情與道空秦
楚僧招惠遠蜀客挹楊雄仲文便寄柴桑隱何勞訪剡東畫

五言送畫公聯句

相逢情不厭惜別意難為章吾道應無住前期未可知畫
輕霜凋古木寒水縮荒陂章賓鴈依沙嶼浮雲慘路岐畫
林踈看野迥岸轉覺山移章寄賞驚搖落歸心歎別離畫
草堂思偃蹇塵瓦去相隨况願勿謂光音遠禪房會一窺
五言康錄事宅送僧聯句

蓮衣宜着雨竹錫好隨雲畫見鶴還應養逢鷗自作羣崔子向

五言與刑端公李台題庭石聯句

共題詩句遍爭坐鮮文稀畫

五言奉同顏使君夜集聯句

寒花護月色墜葉占風音

四言與昂上人兩字繼合四句初字日

有一鳥雛凌寒獨宿若逢雲雨兩兩相逐

次日

野外有一人獨立無四隣彼見是我身我見是彼身

杼山集拾遺

唐 吳興 釋 皎然 清晝撰

明 海虞 趙 琦美 如白纂

寓興

天下生白榆白榆直上連天根高枝不知幾萬丈世人仰望徒攀援誰能上天採其子種向人間笑桃李因問老仙求種法老仙哈我愚不答始知此道無成還如瞽夫學長生

酬李司直縱諸公冬日遊妙喜寺題照昱二上

人房寄長城潘丞述

達賢貴真隱常懼迹不滅遂與永公期遺身坐林樾華軒
何鞦韆為我到幽絕心境寒草花空門青山月潘生獨不
見清景屢盈缺林下長寂寥人間自離別何時解輕珮來
稅林中轍

寄常一上人

寒鴈五山臨汗漫雲州一路出青冥何因請住嘉祥寺內
史新修湖上亭

送沈秀才之閩中 過字

楚客未成歌春風起絲波嶺重寒不到海近瘴偏多野戍
桄榔發人家翡翠過翻疑此中好君問定如何

送秘上人游京

共君方異路山伴與誰同日冷行人少時清古鎮空暖併
和雪水鳴錫帶江風撩亂終南色遙應入夢中

啼猿送客

萬里巴江水三聲月峽深何年有此路幾客共沾襟斷壁
分垂影流泉入苦吟淒涼離別後聞此更傷心

夏口登觀農樓和崔論使君詠微雨

片雨拂檐楹煩襟四座清霏微過麥隴簫瑟傍莎城靜愛
和花澹幽聞入竹聲朝觀興無限高詠寄閑情

南樓望月

夜月家家望亭亭愛此樓纖雲溪上斷踈柳影中秋漸暎
千峯出遙分萬派流關山時復見應獨起邊愁

送陸鴻漸不遇

移家雖帶郭野徑入桑麻近種籬邊菊秋來未著花叩門
無犬吠欲去問西家報道山中去歸時每日斜

懷舊山或作滄浩

一坐西林寺從來未下山不因尋長者無事到人間宿雨
愁為客寒花咲未還空懷舊山月童子念經閑

宿吳匡山破寺

典餘不溪廢寺詩畧同

雙峯百戰後真界滿塵埃蔓草綠空壁悲風起古臺野花
寒更發山月暝還來何事池中水東流獨不回

九月十日

愛寄柴桑隱名溪近訟庭掃沙開野步搖舸出閑汀宿簡
邀詩伴餘花在酒餅悠然南意望自有峴山青

晚秋破山寺

秋風落葉滿空山古寺殘燈石壁間昔月經行人盡去寒
雲夜夜自飛還

青陽上人院說金陵故事

君說南朝全盛日秣陵才子最多人千年秋色古池館誰
見齊王西邸春

送僧之京師

綿綿緲緲楚雲繁萬里西歸望國門禪子初心易悽斷秋
風莫上少陵原

送許丞還洛陽

剡茗情來亦好斟空門一別肯沾襟悲風不動罷瑤軫忘
却洛陽歸客心

題湖上草堂

山居不買剡中山湖上千峯處處閑芳草白雲留我住世

人何事得相關

荷澤李龔和父編
出百家唐詩

文獻通考

晁氏曰唐僧皎然字清晝吳興人謝靈運十世孫攻篇什德宗詔錄本納集賢院集前有于頓序并贈畫上人詩

陳氏曰顏魯公為刺史與之鼎倡其後刺史為作集序所居龍興寺之西院今天寧寺是也又嘗居杼山寺在妙喜

唐史藝文志顏真卿為刺史集文士撰杼海敬源預其論著真元中集賢御書院取其集藏之

石林葉氏曰唐詩僧皎然居湖州妙喜今寶積寺是其故廬自言謝靈運後詩祖其家法自許甚高顏魯公為守時與張志和陸鴻漸皆為客意其人品亦必不凡吾嘗至妙喜訪其遺跡無復有但山顛墳存耳其詩十卷尚行於世無令人喜者以為優於唐詩僧可也觀其詩評亦貶駁老杜如論送高三十五書記詩云崆峒小麥熟且願休王師請君問主將安用窮荒為以為四句已前不見題則其所知可見矣

勅浙西觀察使

牒湖州

當州皎然禪師集

牒得集賢殿

御書院牒前件集庫無本交闕進奉牒使請速寫送院訖
岳報者牒州寫送使者故牒

貞元八年正月十日牒

都團練副使權判兼侍御史李元

使潤州刺使兼御史中丞 王緯

史記卷之...

...

...

...

...

...

...

...



